



24036

Mag. St. Dr.

P

kat.komp.



Xl. 7. 39. 100

Ex Libris Fr

p. 8.



~~11. 7. 32. 78.~~

Xl. d. 18

B Y S S U S

ET

P V R P V R A

Conventus Narni SEU *eritis s. Pauli P.E.*

V I T A & M A R T Y R I U M

D. STANISLAI

E P I S C O P I

C R A C O V I E N S I S,

H I S T O R I C O S T Y L O

Insertis etiam nonnullis encomiorum flosculis.

C O N T E X T A.

a

*Pr: BARTHOLOMEO SOTAREVIO Ordinis Sancti PAULI
primi Eremita Presbytero.*

Typis Clari Montis Czesłochoviensis. Anno Dñi 1693.


BIBLIOTE. UNIV.



PADOVA

240367

2



LECTORI

BENEVOLO.

VItæ & gesta Sanctorum grandes materia sunt, quibus parva ingenia, dum ultra vires audent, succumbunt. Verebar & ego id aggredi quod assequi me posse diffidebam. Ad vitam & miracula Divi STANISLAI enarranda Tulliani haud sufficeret ubertas eloquii; aridus & strigosus sermo quinam ea exequatur? Quia tamen quod iubebar negare non potui, olim constitutum suscepi laborem, sed cum metu. Timet nimirum rudis vector, dum oneraria imponitur navi, & scalmum in lacu regere ignarus, dum spumeis Euxini maris creditur fluctibus.

Opus bipartitum feci. Primum vitam ac Martyrium soluto ligatoque sermone, deinde miraculorum seriem persequor. Ad vitam scribendam Longino usus sum. Adhibui & Wilkowieccium nostrum. Miracula quoque ex Longino accepi, & quia fluidus fususque stylus ipse non arridet forsitan quibusdam, gaudent enim brevitate moderni, parcioribus verbis ea complexus sum. Auxerunt miraculorum numerum votivæ tabellæ in Ecclesia nostra Rupellana appensæ; acta item Monasterii Rupellani, nec non manuscriptæ gratiarum Divi STANISLAI pandectæ, quas ab eodem Monasterio correctas habui. Nec gratias prætermittas volui ex tabellis Petravinensibus & Zembocensibus: ex illis à Dobielovio Parocho Opoliensi, ex his, à Sebastiano Piskorski I. V. Doctore & Professore Cracoviensi & Velunensi Canonico, Plebano Zembocensi, laudatissimo. xvi nostri Dlugosio collectas. Prenotatio libelli Byssus & Purpura quadrat ni fallor materia. Apoc: 19. Byssinum iustificationes Sanctorum sunt. Rectè igitur iustitia & candor Virginei Præfulis byssi nomine signatur. Purpura quoque propter sanguinei similitudinem coloris, Martyrii Symbolum est. Et sub hac prenotatione totus comprehenditur libellus.

Si tamen miraculorum Synopsi peculiare optas nomen, voca agapen & quoddam omnium, præcipue verò miserorum spirituale convivium. Denique lector benevole, amicum te scriptionis mea non judicem volo. Si quid non ad palatum fuerit; facultatem argue, voluntatem improbare noli. Et

Da veniam subitis: non displicuisse meretur,
Festinat, Lector qui placuisse tibi.

Mar:

F A C U L T A S.

REVERENDISSIMI IN CHRISTO P. GENERALIS.

Liber cuius titulus est (Byssus & Purpura) miracula & historiam Vitæ S. STANISLAI Episcopi & Martyris gloriosissimi continens per Reverendum P. Fr: BARTHOLOMÆUM SOTAREVIUM, Ordinis Nostri per Poloniam & Silesiam Vicarium Provinciale S. Th: Doctorem compilatus, & à duobus Theologis nostris revisus, ut Typis edi possit facultatem concedimus. Ex Conventu residentiae nostræ MARIÆ Thallensi, Anno Dñi 1693. die 16. Maij.

Fr: LUDOVICUS BARILOVICH,
Ord: S. P. Primi Eremita
Prior Generalis.

mpp:

Imprimatur.

M. FRANCISCUS PRZEWOŃSKI S. Th: Doctor Præpositus
Sanctorum Omnium Cracoviensis Ordinarius
Librorum Censor.

mpp:

PROLU-

ILLUSTRISSIMO & EXCELLENTISSIMO DOMINO

D. MICHAELI
WARSZYCKI
PALATINO
SENDOMIRIENSI,
CAPITANEO PETRICOVIENSI,

Domino Patrono & Benefactori gratiosissimo.

Cuius vis fieri Libelle munus? festina Tibi vindicem parare.

Ad Te properat Tuisq; teri manibus, Tuo foveri sinu desiderat Illustrissime Domine. Nam præterquam quod Te vindice neminem timebit mastigem, habet iustas Tua se offerendi causas amplitudini. De Divo STANISLAO Præsule & Martyre gloriosissimo tractat; ad MICHAELEM ergo anhelare debuit: quippe & memoratus Antistes ad MICHAELEM celestis militia Principem peculiari ferebatur devotionis affectu. Viam ad Illustrissimam Dominationem libello huic aperiunt & beneficia qua munificentissimâ dextera nobis ac potissimum Claro Czeszochoviensi Monti largiris. Recensere ea velle præsumptuosum, imo temerarium: sufficiat unius meminisse. Post luctuosam tristi peractam incendio Czeszochovia catastrophæ, post mersa versaq; in cineres & favillas potiora Arcis Mariana decora, Tu primus solatio merentibus subsidio egentibus, refrigerio fuisti æstuantibus dum liberalem ad su-


scitanda è fumantibus ruderibus aedificia, obtulisti portionem. Quod igitur nunc Basilica Claromontana cum eremicanobitico claustro ad suum redierit nitorem, imo quod velut phanix è cineribus pulchrior exiverit, Tuae id non ingratis adscribimus munificentiae qui bono initio ad spem finis optimi provocasti. Ingens in ea ignea tempestate affulsit calamitosis consolatio, quum se & Te servavit nobis MARIA quia suum augustissimum Sacellum & Tuum Gentilitiū insigne cum pharo diaphana integrum custodivit. Quis meliora lapsis desperare potuit, post tanta futuri favoris reservata argumenta? Caterum laudes Tuas sive à virtute sive à maiorum ceris, in calamo relinquo. Nimirum ipsa sibi laudi virtus est nec emendicato vocis alienae eget suffragio. Maiestas quoque WARSZYCIANI Nominis omnem frustra nitentis eloquentiae superat vim, & conatum. Unicum super est ut recentem honoris accessionem quā coronari meruisti hac libelli oblatione gratuler. Ascendisti amplissimam curulem ut ex altiore gradu plures benefico obtutu aspires. Illustrasti Senatum Principem salutis mentisq; publica dum ei accessisti. Sendomiriensis PALATINATUS dignitatem è manibus aequissimi juxta ac invictissimi Principis accepisti ut inter Illustrissimos. Laticlavios latissimo sinu susciperes refugientes ad Te clientes.

*Mart: Hunc Superi servate Ducem servate Senatum:
Moribus hic vivat Principis, ille suis.*

*Illustrissimæ ac Excellentissimæ
Dominationis Vestrae*

*Suo & totius Ordinis Nomine
aternum devotus.*

FR: BARTHOLOMÆUS SZOTAREWICZ.



PROLUSIO ad VITAM

SANCTI STANISLAI

*Quia de martyre & Episcopo scripturus sum opera pre-
tium censui nonnulla scitu digniora circa martyri-
um & Episcopatum pramittere.*

CIRCA PRIMUM.

O Ritur quæstio an martyrium propter solam fidem,
an verò etiam propter quamcunq; aliam virtutem
subeatur. Martyr è Græco idem quod testis; mar-
tyrium testimonium, Suscipitur martyrium propter fidem
Diuinam. Ait enim S. Maximus in sermone quodam :
*Mater martyrij est fides Catholica, in qua illustres viri suo
sanguine subscripserunt.* Quia verò opera iustitiæ & qua-
rumcunque virtutum cum respectu ad Deum elicita, sunt
quædam realis professio fidei, etiam tunc verum & perfe-
ctum martyrium vocatur, dum quis vel ob amorem casti-
tatis vel, ob defensionem pauperum, vel ob debitam cri-
minum reprehensionem morti traditur. Ita communis
Ecclesiæ sensus. Ita D. Angelicus, cuius solius ad stabi-
liendam quamcunq; assertionem sufficit autoritas. Ver-
ba ipsius sunt: *Martyres dicuntur, quasi testes; quia scili-
cet corporalibus suis Passionibus usq; ad mortem perhibent
testimonium veritati, non cuiuscunq; sed Diuina, quæ per Chri-
stum nobis innotuit.* Et hæc ipsa veritas, est veritas fidei.
Quia verò ad fidei veritatem non solum pertinet ipsa cor-

22. 9. 124.
[art: 4]

A

dis cre-

dis credulitas, verum etiam exterior protestatio eiusdē, hac autē non modo fit per verba, sed & per facta; idcirco omnium virtutum opera, secundum quod referuntur in Deum, sunt quadam protestationes fidei, per quam nobis innotescit, quod Deus eiusmodi opera requirat, & remuneretur in nobis. *bucufq;* D. Doctor.

Ibidem.

*Extra Ec-
clesiā nullus
martyr.*

Elicitur hinc, quod illi, qui commonendo principes de ipsorum scelerata vita, aut bona Ecclesiæ pauperumque causas tuendo, mortem illatam subeunt, veri sint martyres. *Vnde & Ioannis Baptista*, verbis aio S. Thomæ, *martyrium in Ecclesia celebratur, qui non pro neganda fide, sed pro reprehensione adulterii mortem sustinuit.* Quocirca D. noster STANISLAVS, suppar in martyrij causa S. Ioanni, cum vterq; non pro constantia fidei, sed pro constantia zeli & admonitionis occisus sit. Elicitur deinde, extra Ecclesiam, neminem, sit ille Iudæus, sit Hæreticus, sit Schismaticus, posse esse martyrem; quia nemo horum fidem Diuinam habet, quæ sola modo supra explicato causa est martyrii. Nemo horum habet charitatem Diuinam, quæ est forma & vita virtutum omnium; & quæ, sicut alias virtutes, ita & martyrium meritorium reddit, vt sine ea nihil prorsus quæuis immanium suppliciorum perpeffio proffit ad salutem, iuxta Apostolum nemo demum istorum habet fortitudinem, quæ est habitus elicativus martyrii: non enim ex fortitudine patiuntur extrema Acatolici; cum fortitudo firmet animum in bono virtutis, stabilemq; & inconcussus faciat inter mortis pericula: illi porro obfirmant animum, non in bono, sed in malo; quia vel in odio Catholicorum, vel in vanissimo laudis appetitu, vel in aliqua passione, eliguntq; stultè mori, quàm prudenter a sua recedere proteruia. Occidi igitur possunt coronari non possunt. Quia martyrem non pæna, sed causa facit, vt fuse habet S.

bet S. Augustinus Epist: 50. Ergo & in Donatistis, qui tempore D. Augustini seipsoſ maſtandos offerebant, & in Anabaptistis monſtroſa mortis ob ſectam ſuam obeundæ cupiditas, & in Caluinistis ad quæuis ſuppliciorum perferenda genera promptitudo à Caluino magnificè deprædicata, nihil facit ad martyrium.

*Martyrem
non pena-
ſed cauſa
facit.*

CIRCA SECVNDVM.

R eſoluendum venit, quid nominis ſit Epiſcopus? quæ & qualis præeminentia Epiſcopi? an liceat appetere Epiſcopatum, vel iniunctum recuſare. An poſſit & quando Epiſcopus licitè deſerere gregem ſuum. Epiſcopus, non Ordinis ſed honoris vt ſcholasticis placet, imò iuxta D. Auguſtinum, oneris operisq; nomen, ſpeculatorem ſeu inſpectorem ſeu ſuperintendentem ſignificat. ſcopos enim intentio eſt: Ergo Epiſcopin eſt ſuperintendere ait Auguſt: lib 19. de Ciuit: Dei.

Dignitas & poteſtas Epiſcoporum prorſus incomparabilis. Hoſius Epiſcopus & ipſe, imo purpuratus Eccleſiæ Pater, illud Pſalmographi applicat honori Pontificum: *Conſtitues eos principes ſuper omnem terram.* Principatumq; eorum omni regno excellentiorem vocat: ac tantum diſcrimen & interuallum inter Pontificiam Imperatoriamq; dignitatē, quantum inter ſpiritum & carnem, inter cælum & teram, inter diuina ac humana haberi affirmat, pro ſua ſententia Chryſoſtomi & Gregorii Nazian: allegans authoritatem. Sanctus Ignatius martyr, poſt Deum, primum deberi honorem Epiſcopis diſerta & forti oratione conuincit. S. Thomas 3. p. q. 72. art: 11. *Epiſcopi, (inquit,) ſummam in Eccleſia obtinent poteſtatem, vicemq; gerunt Apoſtolorum.* In Epiſcopatu tria ſunt. Primum & principale, Epiſcopalis operatio proximorum intendens vtilitati. Secundum altitudo gradus. Ter-

*In Epiſco-
patu tria.*

S. Thomas,
22 q. 185.
art. 142.

um sufficientia temporalium. Appetere ergo Episcopatum vel ob gradus celsitudinem vel ob affluentiam bonorum, manifeste illicitum est, pertinetq; ad ambitionem vel cupiditatem. Et cum Episcopalis cura annexam ac inseparabiliter adiunctam honoris prærogatiuam habeat, etiam propter utilitatem proximorum ambire Episcopatum non est integrum. Præsumptuosum enim est, velle præesse vt *pro-
 sis Opus Episcopatus desiderare*, ait Chrysost: *super Matth: bonum est, at primatum honoris concupiscere vanitas est.* Apostolus laudauit eum, qui propter opus Episcopatum desideraret: sed eo tempore hoc locutus, quando qui plebibus præerat, primus ad martyrii tormenta ducebatur. Et ideo tunc desiderasse Episcopatum nihil fuit aliud, nisi ad martyrii anhelasse certamen. Sicut porro non licet appetere Pontificiam dignitatem, ita dum ad eam traheris non licet finaliter recusare: tantumdem namq; vitii est, si aut proprio motu feraris in gubernationem aliorum, aut contra superioris iniunctionem gubernationis officium obstinato detrectes animo. Æqua plane vtrobique deordinatio voluntatis. Charitatem & humilitatem lædis, dum sic resistis illam, quia proximorum saluti respicis te devovere; hanc, quia Superiorum calculo refragaris. Quare S. Augustinus ad Eudoxiam scribens monet: *si quæ opera vestra Mater Ecclesia desiderat, nec elatione auidâ suscipiatis, nec blandiente desidiâ despuatis, neq; otium vestrum necessitatibus Ecclesia proponatis.*


Quia verò obligant se Antistites ad exequendum Pastorale officium, quod totum in subditorum refertur salutem, idcirco ubi & quando subditorum salus exigit, personæ suæ præsentiam non debent subducere, esto iacturam in bonis, imò & in uita ipsâ subituri sint: secus si saluti gregis sui possit sufficienter per alium in absentia Pastoris prouideri. Quare si Principes seu impia doctrina, seu profligatis moribus, gregem

VITA SANCTI STANISLAI.

gem Christi corrumpant, cum eorum potentia nemo Episcopis inferior se valeat vtiliter opponere, Episcopi, etiam cum non dubio vitæ aut bonorum discrimine, obsistere tenentur. *Ad hoc enim maximè tenentur Episcopi;* ait S. Thomas, *quod omnia sua pro honore Dei, & salute sui gregis contemnunt, cum opus fuerit;* maximè autem opus, cum Principes vel verbo, vel exemplo prauo peruertunt plebem. Et hac de causa antistites, prout aduertit Hofius, Crucem è collo pendentem gestant vt nimirum admoneantur, quò crucifixi vestigiis incedant, & si necesse fuerit, pro ouibus animas suas, ad similitudinem supremi Pastoris ponere non recusent, sicut defacto eas ponere plurimi Episcoporum parati erant in faciem resistendo improbis Regum ausibus. Recenset eos memoratus Hofius, de Hæresibus, nostri temporis tractans, quorum agmè claudit exemplo Babylæ martyris, qui cum Imperatorem è templo exegisset sic, sicut Pastor morbidam & scabiosam ouem excludit ab ouili, capitis luit supplicium. Tandem & STANISLAUM Cracouiensem Episcopum, vnicum in gente nostra & singulare sanctitatis exemplar celebrat, quòd is ad imitationem Babylæ Boleslaum Tyrannum propter multa flagitia designata, a sacris arcendo, gloriosam pro Christi nomine mortem oppetere non dubitarit.

S. Stanislaus imitator S. Babylæ.

Hæc præmittenda duxi, quia occurrentes in decursu sequentis historię quæstiunculæ, possent alicuius lectoris animum suspensum atque ancipitem reddere, nisi Præuia, discussione sopirentur, & quæ exemplo ac operibus Beati STANISLAI solutæ sunt, etiam verbo & ratione solverentur.



VITA S. STANISLAI

QVATVOR CAPITIBVS COMPREHENSA.

C A P V T I.

DE VITA S. STANISLAI VSQUE AD EPISCOPATUM ACTA.

Vitam exitum & miracula B. STANISLAI Episcopi & martyris non temeritate præsumentis paruitatis meæ, sed autoritate potestatis iubentis scripturus habitatorem eius inuoco Spiritum Sanctum vt qui illi raras & raro appetitore pretiosas virtutes largitus est: mihi ad enarrandas easdem, gratiam impertiat & qui linguas infantium facit disertas, infantissimo mihi fandi tribuat facultatem.

Pagus erat duobus ab Oppido Bochnia ex salis fodinis celebri, à Metropoli verò minoris poloniæ Cracouia septem distans milliaribus Sczepanouiium dictus. Hunc iure hæreditario possidebat Velislaus vir probus Eques Polonus, pro armis gentilitijs crucem candidam alteri cruci mediæ in campo rubeo supereminentem habens. Vxor ipsius paris & nobilitatis & pietatis fuit Bogna: ambo studiosè, religiosi, ambo orationibus & bonis operibus maxime verò operibus misericordiæ apprimè, dediti. Qui vt eo melius religionis vacarent actibus, ex facultatibus suis in hæreditate propria, Ecclesiam ædificarunt in memoriam sanctæ Mariæ Magdalænæ ad quam propensiore ferebantur deuotione: quia nimirum ex peculiari humilitatis instinctu peccatores se recognoscentes, sanctam quæ quondam peccatrix fuerat conciliandam sibi putaverunt. Sic in pietate currebant dies & anni eorum vivebantq; admirabili secum consensu, absque
omni

omni quærela, & in iustificationibus cunctis incedentes. Planè Zachariam & Elisabeth credebant homines, nisi quòd Ioannes in medio non erat. Trigesimus iam honorabilis coniugii & thori immaculati voluebatur annus, cum ecce Bogna præter spem omnem se concepisse sentit, & tandem evolutò dierum circulo septimo calendas Augusti, post revisionem pecoris tempore meridiano lustrati ex prædio rediens, inter dumeta quercusq; annosâs penes puteum felici partu enititur filium absq; vlllo obstetricis ministerio, quem ipsa propriis manibus in eodem loco ablutum ad Ecclesiam B. Mariæ Magdalenæ à se maritoq; suo (ut supra) fundatam dotatam & animabus curandis obligatam deportavit, fecitque Christiano ritu baptisari indito ipsi nomine Stanislai, vt ex omine & voto linguæ vernaculæ gloriosus fieret, vel, vt Deo fieret gloria ex ortu vitaq; ipsius. Natus est Stanislaus Anno Incarnati Verbi Millesimo trigesimo Miecislai Primi Poloniæ coronati Principis Anno tertio.

Lactabat pia Mater infantem suum, velut altera Anna Samuelem, & cuncta obsequia materna non tam naturæ officio, quam religionis impulsu exhibebat illi, quem ministrũ Christi, & dispensatorem mysteriorum eius præfagebat futurum. Dum succrevit puer, ingenii & pietatis scintillæ ex tenera ætate promicabant. Traditus pædagogo proficiebat vt numero dierum ita & notitia rudimentorum fidei ac elementorum scholasticæ literaturæ. Mollis enim cera atque ad formandum facilis, si artificis & plastæ accedat manus, facile omnem suscipit formæ cuiusvis impressionem. Dum verò; quantum illa patiebatur ætas, non modica ingenii & morum in breui documenta præberet, carus omnibus non potuit non haberi, & vniuersa propinquitas rosam ex se gaudebat natam. Inter prima literarum studia prima ipsi devotionis cura fuit. Flexo poplite diutius, orare diuinam maiestatem

*Infantia &
pueritia
D. Stanislai.*

statem, Divam Virginem in vota vocare, Angelis tutelari-
 bus se recōmendare, potissima erat Stanislai sollicitudo. In-
 super futurus Christi athleta & testis iam tunc in puerili ævo
 ad martyrii certamen se præparabat c̃ molliori stratu ad durā
 humum corpusculum quietis causa proliciendo, ieiuniis
 quantum licebat attenuando, ciliciolis & punctiōibus exul-
 cerando. Memores voti in sterilitate concepti Velislaus &
 Bogna quo pacti erant, se quidquid sibi nasceretur famula-
 tui diuino consecratos, domi filium suum hærere diu no-
 luerunt, Gnesnam q̃; vt Regni ita & studiorum pro tunc nidū
 decenti cum prouisione expediuerunt literis grauioribus
 sub conuenienti māgisterio imbuendum. Ibat itaq̃; Paren-
 tum voluntati morem gerens Stanislaus. In itinere dum ad
 villam Borowno peruenit, balneādī causa diuertit ad calda-
 riam cellam quibusdā paratam nobilibus, qui supervenien-
 tes nudum adolescentem extraxerunt & acrius ceciderunt.
 Patientissimē tulit illatam verbis & verberibus iniuriam san-
 ctus iuuenis, tantumq̃; abfuit vt illis diras imprecaretur, vt
 potiùs pro iisdem oraret gratiasq̃; ageret quòd locò com-
 moditatis & qualiscunq̃; refocillationis corporeæ, confusio-
 nem & vibices retulerit. Cæptam inter ipsa flagella oratio-
 nem prosequebatur ex pago abiens, perfecitq̃; in lapide quo
 dam genuflexus quem cāpestris circumquaq̃; ambiebat pla-
 nities. Locus hic vbi diutiùs orationem suam protraxit,
 sacerdotalis montis obtinuit denominationem, cuius agri-
 culturæ post hac inutilis & prorsus infructuosus: quasi in lo-
 co Orationis per sanctū adolescentem fusæ arationem fieri de-
 deceret. Successu proinde temporū orationibus & sacrificiis
 consecratus extructo inibi iussu & impensis Sbignei Car-
 dinalis Episcopi Cracouiensis, templo. Post exactum Gnesnæ
 quinquennium Parentum deliberatione & amicorum cōsilio
 mittitur Stanislaus Parisios, ad ampliorem animi culturam
 sacra-

*Gnesnam
 mittitur,
 studiorum
 causa D.
 Stanislaus*

*Orat in
 parto*

*Locus ora-
 tionis pro-
 digus.*

sacratio
 adipisc
 non the
 Canoni
 votione
 eniaru
 sacra
 genio
 persuas
 curare
 rea jun
 la n ve
 alt ne
 rens
 situ
 reluce
 mabile
 Ornab
 nentia
 plan
 cta fre
 rion
 ribus
 tur
 & ve
 quas
 rione
 regul
 Diu
 S
 dom
 peri

sacrationibus disciplinis & experientia morum externorum adipiscendam. Ibi non Circi furoribus, non arenæ sanguine, non theatri luxuriâ delectabatur, sed ad quod venerat juri Canonico ac Theologiæ dabat operam, nutritam secum devotionem nequicquam intermittens, vt qui nosset Deum scientiarum Dominum esse, & ab ipso omnis Musæ potissimum sacrationis principium pendere. Et quia raro pollebat ingenio interq; omnes Academicos primas tenebat partes persuadebatur sibi quatenus Laureâ Doctorali se insigniri curaret, at ille renuebat: quanquam non desunt qui laurea juris ornatum in patriam rediisse censent. Iam in illam venerat ætatem quæ in plurima exuberare solet vitia: ast nequaquam cereus in vitium flecti, ab omniq; abhorrens næuo vniuersarum virtutum conquirebat & conquistum custodiebat apparatus. Modestia in eo admirabilis relucebat. Comitas & mansuetudo omnibus reddebat amabilem, prudentia actiones & locutiones moderabatur. Ornabat genas verecundia pudorq; virginalis: cui continentia & abstinencia assistebant. Miseratio in pauperes planè secum creuerat ex vtero Matris. Neminem adducta fronte contempsit. Æquales maioresq; venerabatur, minores charitate sibi sociabat. Verbo in singulis virtutibus sic eminebat, quasi cæteras non haberet. Mirabatur peregrinus Orbis in Polono iuvene eas animi dotes, & velut in speculo radiantes studiosè contemplabatur, quas conseruare sollicitus STANISLAUS, de securiori statione statuq; viuendi cogitabat, & ad aliquod institutum regulare se conferre deliberabat, nisi perfectiori gradui Diuina fuisset seruatus præordinatione.

*Virtutes
D. Stanislai.*

Septem annos Lutetiæ Parisiorum commoratus redijt domum velut mercator bonus cum pretiosis scientiæ, experientiæ, dexteritatis in agendo & ingentis pietatis mer-

*Redit in
Patriam*

cibus, nec non cum sarcina librorum, quos suæ & aliæ eruditioni comparaverat. Parentibus ante suum extinctis redditum iusta persolvit, & locupletem hereditatem venditam in pauperes distrahit, nolens sustarcinatus auro Christum sequi pauperem, paternas opes abiciens, quo expeditior & levior scalam perfectionis cum Iacobo ascenderet. Qui ipse propositum ad claustrum aliquod, relicto saeculo sub vexillum crucis evolvendi retinebat, Divina nihilominus dispositioni se suumq; arbitratum plenissime submittens.

*Ordinatur
Presbyter.
Fit Canonicus &
Predicator Cracoviensis.*

Regebat per id temporis Ecclesiam & Diocesim Cracoviensem Lambertus, qui & Zula, Aeronis Archiepiscopi Cracoviensis successor, vir sine crimine, & omnibus Episcopi instructus virtutibus, singulariter humilitate, ob quam etiam pallium Archiepiscopale à sede Apostolica petere prætermittens Cathedram Cracoviensem ex Archiepiscopali præminencia in Episcopalem detrahit. Hic accersitum STANISLAVUM ex fama nomen ipsius celebrante sibi notissimum, multis persuasionibus inducit ad amplectendum Ecclesiasticum statum. Quid multa? fit clericus, & per solitos gradus Presbyter ordinatur. Adicitur à Lamberto inter Canonicos Cracovienses, & mox nunc prædicandi verbum Dei in Ecclesia Cathedrali ornatur ac oneratur. Igitur Presbyteratum & Canonicatum non honorem intelligens sed onus, primam & potissimam curam adhibuit, ut humilitate superaret invidiam; deinde ut nullam de se obscuri rumoris fabulam daret, & ut quo verbo qua exemplo proximum quemq; erudiret in salutem. In prædicandi officio non clamorem plausumq; populi, aut gemitum quærebat; in eam spiritualem auditorum, non laudes proprias venabatur, in confusionem illorum veriùs declamatorum quam prædicatorum, qui verbo-

verboſitate & celeritate dicendi apud imperitum vulgus admirationem ſui faciunt, apud peritiores riſum incur-
runt. Muneris Apoſtolici partes ut eò e-actius imple-
ret, de manibus nunquam ſacram lectionem ponebat, ad hanc
ieiunium & macerationem carnis adiungendo. Perma-
nabat ſama ſanctitatis & eruditionis tanti viri o'is Poloniae
oras, certa inq; varii ſtatus ac conditionis homines ad
ipſum accurrebant, quibus ille omnimodam ad ſuas qua-
ſitiones dabat ſatiſfactionem. Habuit illa ætas ſic celebre
miraculum quod in Urbem Cracouiſem ingreſſi hoſpites
aliud extra urbem quærerent. Deuexa iam ætate Lam-
bertus Episcopalis curæ coadiutorem designat totis licet
viribus reluctantem Stanislauum, leuamen & ſolatium ei in-
de non mediocre naſtus.

*Fit Coad-
iutor Epi-
ſcopi.*

Mortuo ac pro dignitate perſonæ tumulto in arce
Cracouiſi Lamberto, Prælati Anno Domini 1072. die ſe-
cunda Febr: quam Electioni Episcopali deſtinarent, in unum
congregati, vnanimi voto in Canonicum Scepanouium
conſenſerunt. Suffragabatur multitudo ſpiritualis, Eque-
ſtris, & plebeiſi populi Stanislauum Episcopum depoſcentis.
Quod ille vbi cognouit tota virium contentione refraga-
batur, indignum ſe Pontificia dignitate cauſam lo: verum
quantiò magis repugnabat, tanto magis ſtudia omnium in
ſe concitabat. Tandem dum intelligeret, Diuinæ id pl'a-
cere voluntari, cum timore & tremore onus Angelicis hu-
meris formidandam ſuſcepit, Annos natus 42. Ale-

*Eligitur E-
piſcopus.*

xandro 2do Romano Antiftite electionem ejus
rarificante, & quem commendatiſſimum
iam habuerat in Episcopum Craco-
uiſem conſecrari iubente.

CAPUT II.

DE GESTIS S. STANISLAI IN EPISCOPATU.

Episcopus inauguratus omnes illas in se studebat exprimere virtutes, quas Apostolus Titum & Timotheum instruens & in persona duorum omnes erudiens Pontifices, Præfuleo appingit gradui. Atq; idcirco nihil de præterita remisit austeritate, imo verò jejuniorum & mortificationum duplicauit laborem. Parcus rigidusq; sibi, alijs blandus & plane profusus erat. Non mihi si linguæ centum sint ora; centum, percurrere possim omnia beneficia & refrigeria quæ ipse miseris omnibus impendebat, ita vt fami languentibus, ditiores pauperibus inuiderent. Clericos, Monachos, Virgines, Viduas, & cunctos vniuersaliter conuenientibus solabatur subsidijs egenos, festinaq; indigentiam eorum subleuabat largitione. Vt verò distantes quosuis pauperes ante oculos semper haberet, nomina eorum iussit describi, quos etiam nonnunquam ad mensam vocabat, illud obseruans Hieronymi Nepotianum & in eo Ecclesiasticos omnes instituentis: *Mensulam tuam pauperes & peregrini & cum illis Christus conuiuia noverit.* Visus quoq; est non rarò infirmorum & mendicorum aduolvi genibus, eorum lauare pedes, purulentam vulnerum saniem abstergere, propria cibos esurientibus præbere manu, & spirantia cadauera sorbiciunculis reficere. Angusta erat misericordiæ eius cum suo Territorio Cracouia. Per Dioecesim omnem ad Ecclesias pauperes & Xenodochia, ad domos orphanorum suam trans mittebat munificentiam. Annis singulis per se cunctas suæ Diocesis ecclesias visitabat sollicitus ubiq; si niterent altaria, si parietes absq; pulueribus ac aranearum telis, si pauimenta terfa, si sacrarium mundum, si vasa luculenta, si in omnes ceremonias deuotio-

*Hieron: ad
Nepotia*

*Visitat Ec-
clesias sua
Diocesis.*

deuotiones ac obligationes debita sollicitudo intēta seruaretur, potissimū verò si ministrorum Christi, vita & conversatio sacerdotali responderet dignitati, certus *malos sacerdotes ruinam esse populi.* Inter cætera salutaria hortamenta inculcabat Parochis, mulierum contubernijs & consuetudine abstinerent, & formam ætatemq; suspectam à ministerijs arcerent, illud non vni in aurem instillans: *Periculosè tibi ministrat cuius vultum frequenter attendis.* Tangam & stupendam ejus patientiam vnico, ne longus sim, exemplo. Venerat in villam Brzeznicæ Ecclesiam loci dedicaturus. Ioannes villæ Dominus furiis atrocibus agiturus, sanctum contumeliosis inuasit verbis, ex pago excedere fecit, familiaresq; & seruos eius inhumanius tractauit. Dedit locum iræ sanctus, humiliterq; cum suis in pratum secessit, ac sub dio in oratione pernoctauit. Nullam sic læsus vindictæ libidinem, nullam bilis commotionem præsetulit, nullum asperius verbum in furibundum retorfit, contentus ea vltrice coram familiaribus locutione, non debuisse sibi contemptum ejusmodi irrogari ab eo cuius Patrem sui temporis fuisse Irum recens loqueretur memoria.

Ezechielis
44.

Quamquam verò tota vita ipsius in Episcopatu acta prodigiosa fuit, tria nihilominus insigniora, & in admirationem nostros animos rapiendo: scilicet admonitiones Regis Boleslai, resuscitationem Petri mortui, & vitæ per martyrium consumationem.

Tria precipua in Episcopatu D. Stanislai.

In monendo Principe Eliam, Hieremiam, & Ezechielem egit, ad quorum vltimum directa à Deo verba sibi & vnicuiq; Præsuli seruire interpretabatur: *Ecce dedi faciem tuam valentiorē facieb⁹ eorū & frontem tuam duriorē frontib⁹ eorū, ut adamantem & ut silem dedis faciem tuam.* Quæ verba explanans D. Hieronymus

Ezechie: 3.

Horat: sa
tira 2.

ait: *Gratiae esse, aliquando impudentiae improborum hominum resistere, & frontem fronte concutere.* Prima admonitio fuit ob libidines initio priuatas, post liminiò publicas, raptusq; Virginum & nuptiarum. Quippe lubricus Rex in maiora minorum peccata nullo discrimine terebatur, illud cum Ethnicis replicans Poeta: *Quid interest in matrona peccet an illam tora?* Secunda ad nonitiis origo fuit, nulla subsequuta in Rege emendatio, imò potius præceps in grauiora animus quo Christiana nuptiam Miecislai nobilis de Buzinin, miræ venustatis mulierem, nihil in merum corrupelis, nihil nuntiorum persuasionebus proficientibus, immensa militum manu per vim rapuit, & pellicis loco cum totius Regni offensione intertenuit, liberosq; ex ea solita specie humana, in testimonium sui sceleris degeneres suscepit. Tertia ad nonitioprocessit occasione crudelitatis Regiæ. Crudelitas inde profecta, quod Rege cum exercitu, denictis qui rebellauerant Russiæ Ducibus, in partibus Roxolanis diutius agente, mulieres pertaxæ longioris moræ & absentiae coniugum suorum, pro maritis seruos acceperunt, prolesq; ex illis genuerunt, atq; idcirco mariti notitia rei celsa nacti Regem deferentes, domum properarunt. Rex itaq; regressus, primum in desertores, alios pœna capitis, alios bonorum confiscatione; deinde in viros eorum similiter capitali sententia animaduertit, quarum aliquibus infantes ex seruis progenitos ab vberibus abstrahi iussit, & lyciscarum catulos applicari. Quarta ad nonitiocontumaciam & obdurationem, maioraq; in dies scelera, rapinas, præcipientes mortis sententias, & nefandum, quod Kioiua docuerat, flagitium perstringebat. Primam admonitionem urbanè acceptauit Princeps corde nihilominus ori dissentiente. Secundam toruo oculo & vultu accepit, & post eam

mox in-

mox infidiari capit famæ & integritati innocui Præfulis,
 concitando nepotes defuncti cuiusdam de Petrauino nobi-
 lis, quatenus Stanislao diem dicerent de bonis ad ipsos
 jure hæreditario spectantibus. Post tertiam admoni-
 tionem cædem beato Pontifici cum furere minitatus.
 Post quartam executus. Et ne miraculum resuscitatio-
 nis Petri, silentio præteritis videar, illud breuiter per-
 curo. Emerat ab ipso D. Stanislaus rus ad ripam I-
 fluxæ in Lublinensæ tractu, non sibi nec suis, sed Ecclesiæ;
 exoluit iustum in quod conuenerant pretium. Mortuo ven-
 ditore, antequam in publicas tabulas relata esset venditio,
 e. Regis instinctu, Petri venditoris Nepotes in jus ad tri-
 bunal Regium Stanislauum vocant. Adest ad solem, ubi
 tum sub popilionibus Rex iudicia celebrabat, dumq; ut iu-
 bebatur nullum poterat, quia non habebat, juris possesi-
 scriptum producere instrumentum, nemo quoq; pro parte
 sua testari auderet, comperendinatione obtenta spon-
 dit Pontifex se tertia die cum ipso Petro ad Regis iudicia
 compariturum. Acquisit Rea, risu & joco sponsione
 sancti accipiens. Expirante in orationibus & mortificati-
 onibus indicatum tempore, Petrauini in templo S. Tho-
 mæ Apostoli ad tumulum Petri, Pontificalibus indutus,
 cum Clero accessit, sepulchrum aperiri iussit, fusaq; ad De-
 um obsecratione, Petrum in nomine & virtute Sanctissimæ
 Trinitatis viuum fingere mandauit. Vix verba finit rat,
 cum ecce cadaver iam triduo interræ visceribus putre-
 scens, nullamq; speciei præteritæ referens imaginem spi-
 ritu resumpto, conuersum congreget prodigium. Sepulchro,
 stupentibus ad rei nouitatem cunctis qui absq; numero con-
 fluerant horum inisum. Hec hoc mihi antiqua brachia di-
 uini miracula? hoc veteres resuscitatorum per Apostolos
 & Apostolicos viros mortuorum reuocentur hærentia?
 d. t. c.

disce hinc diuini aliquid animo Stanislai infedisse, si verum illud Ambrosij dictum: *Liberare à Damone & homines, sed in verbo Dei possunt, resurrectionem mortuis imperare*
In Caput *Diuina solius est potestatis.*

4. Luc:

Scire piget, post tale decus quid fecerit antè.

Adductum causæ suæ Patronum constituta die præsentat Regi & tribunali ipsius Thaumaturgus Pontifex: *En inquit, euictorem causæ meæ, en teslem veritatis, en venditorem ipsissimum villæ Petraui.* Excepit verba Stanislai, altissimo interea manente silentio, Petrus: *Ego sum Petrus ille triennalis mortuus, ad ferendum testimonium euocatus. Profiteor quod rus meum iusto pretio Stanislao Episcopo suæq; Ecclesiæ vendiderim, & in possessionem, nullo reseruato nepotibus iure, tradiderim.* Sermonem conclusit, redargutione Regis ac nepotum qui Sancto viro absq; causa negotium facesserant. Post absq; ullis controuersis & iuris ambagibus lata pro parte D. Stanislai sententia. Petrus autem ad locum tumuli reductus, eligens in purgatorio reliquum quod supererat, pænæ perficere, quam inter mundi pericula ac procellas dubius salutis viuere, vbi se in sepulchro composuit, iterum exanimatus est, Pontifice cum Clero ibidem suffragia pro more Christiano ad eliberationem animæ ipsius illico inchoante. Hæc de prodigio reuocatæ ab inferis rationalis vni-

Vide Patrē bræ. Et illud quis credat, nisi sit pro teste vetustas, quod Nicolaum idem Divus Præsul Istulam insignem Europæ fluvium sicco Wilkowicc. vnâ cum suis traiecerit vestigio? sed ad id vnde discesseram cium cum redeo.

authoribz Per admonitiones, quas supra attexui, surdo fabulam quos citat, canebat STANISLAUS. *Æthiops non mutabat pellem suam. Bole-*

am. Boleslaus in suis volutabatur flagitiis. Tanta scilicet est inolitæ consuetudinis vis! difficile imò vix eraditur, quod plures anni combiberunt! Lanarum conchyliis quis in pristinum candorem reuocet? frangas prius testam quam odorem perdat quo diu imbuta est. Quid igitur ageret piissimus Pontifex! erant qui consuluerunt ignem non esse fodiendum, anagyrin non movendā, cedendumq; iræ Principis. at ille: *Ergone patientia mea nutrit alienam peccandi audaciam? Ergo sinam unius exemplo totum Christi perire gregem? Non legistis laudari Episcopum Ephesi quod non posset sustinere malos, nec deficeret in renitendo ipsorum improbitati: si igitur ego defecero, non laude sed reprobatione dignus efficiar.* Dixit hæc, decreuitq; simul exerendum omnino spirituales gladium & præcidendam putridam carnem à viuo corpore, tradendum sathanæ in interitum carnis principem propter spiritus eius viuificationem. Die itaq; Dominico Regem seruatis solemnitatibus ad altare excommunicat vitandumq; declarat. Ferocior hinc redditus Boleslaus, nihil nisi minas & cædem STANISLAI spirabat, Diuinisq; per contemptum ultro se ingerebat. Episcopus è contra ad præsentiam Regis Diuinorum indicebat silentium, & nullam cum Rege scelerato communionem permittebat.

C A P U T III.

DE MARTIRIO S. STANISLAI.

O Ctauo idus Maij, die sacro Apparitionis S. Michaelis in feriam sextam incidente, perrexit D. STANISLAUS cum Clero ad sacellum suburbanum, ex gentilium fano in honorem Principis Archangelorum totiusq; cælestis militiæ consecratum, sacris ibi operaturus. Certior huius a

C

suis

VITA SANCTI STANISLAI.

suis exploratoribus factus Boleslaus, vehementer gaudius, pretiosa fulgurantem iaspide ocliis lateri accingit gladiū, fidamq; & sceleri paratam manum, iubet vestigia sequi præeuntis. Ad locum postquam festino pervenit gressu, milite cinxit templum finem sacrificij præstolari volens: sed ut erat moræ impatiens, non expectato fine misit satellites qui sanctum Præsulem ex Ecclesia extraherent: hi limen Ecclesiæ prætergressi, viso Pontifice stupefcere alij, alij cæcutire, alij retro cadere. Reduces cum tremore, acrius obiurgavit Rex mulieres non viros appellans: *Sinite agebat arma viris & cedite ferro.* Alios igitur submisit; sed iidem nimio obrigescentes pavore, re infecta, ægre exiverunt: quibus durius correptis, tertiam immisit classē, verum & hæc eadem in se, quæ priores, experta dexteram excelsi adesse Episcopo cognovit & renuntiavit. Tunc exandescens, stricto mucrone templum involat Boleslaus sed & ipse occulta vi eo usq; retardatus, donec benedictionem Pontificiam populus acciperet. Post hanc propere accurrit ad altare, impactoq; in caput Pontificis gladio, innocentissimum prosternit Præsulem, in prostrato amplius sævit, genas, Virginalis pudoris sedem, nasum & labia quæ myrrham pœnitentiæ distillabant, crudeli nec ullis audito sæculis exemplo propriis refecat manibus. Prona in obsequium mali Principis pessima turba, extracto sacro corpore rem detestandam exequitur.

*Cades S.
Stanislai.*

*Virgil 7.
Enoid:*

*Horrescit strictis seges Ensisbus araq; fulgent
Sole lacefsita & lucem sub nubila iactant.*

Certatim furentibus & animis & gladijs sanctum impii concidunt corpus. Hic caput, ille Præsuleam capiti coronam: hic manum, pedem alter amputat: alius viscera
illis

illis orimatur ferro, alius eburnea rescindit brachia. Ille iam revulsos artus in minutiores immiti accinace distrahit partes, ille distractas hinc inde in prædam & pabulū ferarum disijcit. Gloriæ fuit plures dedisse ictus, *Et non immerso puduit mucrone reverti.* Effuso satiata sanguine tyrannis exultans in scelere, in propria remeat: Et adhuc famam, quæ vitâ ablata supererat nigris salibus ac cōpositis fabellis proscindit. Interea qui custodit ossa sanctorum suorum, quatuor grandes aquilas, raram in terris nostris avem, nec nostri gloriam cæli, mittit in custodiam lacerati corporis, Nocturno quoq; tempore cælestes lampades supra singulas lucere iubet reliquias. Duobus diebus inhumata iacuerunt frustra sacri cadaveris, donec Clerus cum piis fidelibus, abjecto metu, ad locum patratæ cædis accedens, in vnum omnia collegit acervum, quæ suis aptata locis, mira Dei virtute, in corpus vt ante fuit, coaluerunt. Digitus vnus deerat, qui in proximam piscinam lapsus, lucernâ cælesti eum prodente ex pisce exemptus, suoq; restitutus loco, pariter vt cætera accrevit. Sic collectum & compaginatū corpus, magna pietate ac reverentia lachrimisq; sepelientium, absq; pompa funebri, in vestibulo eiusdem sacelli tumulatum est. Passus martyrium D. STANISLAUS sub Gregorio VII. Pontifice Romano Anno Christi 1079. Octavâ Maij.

Plura hic in vno martyrio videre licet miracula. Stuporem & prostrationem militum, excubias cælestes, concretionem membrorum, avulsi inventionem digiti. Plaque prodigia in passione & morte D. STANISLAI fuere similia prodigiis Passioni & morti Salvatoris nostri famulantibus. Abierunt retrorsum & ceciderunt in terram satellites, qui Christum comprehensuri venerant, nec nisi accepta potestate, manus in eum iniecerunt. Quod con-

*Quot &
que mira-
cula in
martyrio
D. Stani-
slai.*

siderans Augustinus ait: *una vox tantam turbam odiis ferocem armisq; terribilem sine telo vlla percussit, repulit, stravit. Deus enim latebat in carne.* scilicet per vnionem. Idem factum & in aggressionem D. STANISLAI. DEUS enim in ipso per gratiam latebat. Parentarunt morti Redemptoris nostri sidera; parentarunt & morti S. STANISLAI. Non est os comminutum in Christo: & in Stanislao ossa membraq; omnia ad suas compages & iuncturas ita redierunt, ac si nulla facta fuisset comminutio. Sed & ipsum Martyrii tempus mysteriosum & admirabile video. Octavo Pontificatus anno ferrô Boleslai cessit, vt hinc discas annos D. STANISLAI in Episcopatu exactos octo beatitudinibus respondisse, quarum vltima, finalis nimirum persecutio æquo tolerata animo dum vitam mortalem Divo martyri clausit, simul æternam regnum aperuit. Crux clavis cæli est. Quia tempestate illa firmissimis clathris & claustris poli, Poloni ob Regis & Regni peccata clausi fueré, vnâ alteramvê uix sufficere putans clavem tres Divus adhibuit, nempe & Gentilitiam & Pontificiam & Martyrii crucem ad ianuas cælestes arietandas. Sic violentus non potuit non rapere cælum

Multiplex STANISLAUS. Nec vno Martyrii genere æternam meruit beatitatem: & sanguinem fudit, & integritatem servavit. Etiam nimirum servata pudicitia habet Martyrii suum, vt ait Hieronymus. Et Gregorius hom: 31. in Evangelia. *Quamvis (inquit) occiso persecutionis desit, habet tamen pax suum Martyrium, quia & si carnis colla ferro non subijcimus, spirituali tamen gladio carnis desideria trucidamus.* Insuper memoratus Hieronymus devotionem puritati morum copulatam Martyrij celebrat encomio. *Non solum effusio sanguinis in confessione reputatur, sed devota quoq; mentis servitus immaculata quotidianum*

B. Stanisl.
Martyriū,

dianum Martyrium. Illa corona de rosis & violis pleſtitur; hæc de liliis. Inunc & in vno Martyre STANISLAO triplicem victimam venerare. Ut verò STANISLAUS meritos honores adeptus ita Boleslaus dignam ſcelere recepit ultionem.

Authoritate Gregorii ſummi Pontificis excommunicatus, ſcepтрò & coronà privatus, conſpirantibusq; in ne- *Boleslaus* cem ſuam Regni Principibus, exulare coactus, in Ungari- *excommu-* am cum Miecislao filio, & ſcleris complicibus proſectus *nicatur.* eſt, vbi à S. Ladislao Rege, tam ſanguine quàm amicitiiſ ſibi juncto, perhumaniter acceptus, & regaliter cum au- *Exulat.* la ſua per triennium tractatus. Mors Boleslai qualis fuerit ſub roſa iudiciorum DEI latet. In varias enim abe- *Moritur.* unt authores ſententias. Ioannes Longinus, & qui eum ſecuti ſunt, putat emotæ factum mentis in ſylvis erraſſe, ac obiſſe à propriis poſt fata inſtar Actæonis devoratum canibus. Alij in montibus Carinthiæ venationi intentum ex effreni equo præcipitem fuiſſe opinantur. Alij autumant in Monasterio Oſiach, Ordinis S. Benedicti admiſſum ad Religionem cum vno ſidiori ſocio, auſteram in vilibus clauſtri miniſteriis & culinæ ſervitiis vitam finiviſſe. In quam fateor me propendere ſententiam. Non enim vacuas & ſteriles credo D. STANISLAI fuiſſe preces, *Vide Wil-* quas tum alias frequenter, tum in ipſo Martyrij agone *kowieccii.* pro Rege fundebat. Legi & aliam ridiculam opinionem aut verius conſictam à vulgo narrationem, quam leporis gratia refero. Quasi nimirum in montibus & ſaltibus Pannoniæ hucufq; vivus perduret Boleslaus, cuiusq; car- nibus & ſanguine palcantur de nocte vultures, aliive rapaces alites, interdium tota abraſæ & laceratæ carnis pulpa iterum accreſcente. Similis fermè hæc fabuloſa hiſtoria figmento de Tityo cuius iecur à vulturibus lanci-

nari & lacerari atq; consumptum semper renasci comminiscuntur Poetæ.

C A P U T IV.

DE CANONIZATIONE.

DEcem annis ad Rupellæ Ecclesiam jacuerat sacrum STANISLAI corpus, variis interea circa illud signis & ostentis contingentibus. Nam singulis noctibus visa sunt luminaria de cælo descendere, ac supra tumulū Martyris radiare. Quæ etiam Boleslaus, triennio post Beati STANISLAI necem spretis censuris Pontificiis, Regnum administrans, noctu ex specula quadam vidit, ac tum primò rumori, miracula quæ DEUS ad sepulchrum almi Præsulis operaretur per vulganti credidit, atq; anxietate conscientiæ super nefario ausu suo torqueri cepit. Ipse quoq; gloriosus Martyr multis visus est, inter admirabiles fulgores, quasi in eadem Ecclesia Pontificans, ac benedictionem impertiens. Diversis in super laborantes infirmitabus homines, ipso tactu lapillorum ac pulveris cruore Præsuleo sacriati, pristinæ reddebantur valetudini.

*Transfer-
tur corpus
B. Stani-
slai ex Ru-
pella ad Ec-
clesiæ S. Vē-
ceslai.*

Horum igitur fama permotus Lampertus Cracoviensis Episcopus accedente etiam cuiusdam devotæ mulieris, cui Suentoslava nomen, Divinæ esse voluntatis, B. STANISLAI corpus ad Ecclesiā Cathedralē transferri, per revelationem edoctæ svasu, indicta prius & publicata translationis solemnitate, in ingenti hominum frequentia, ossa Martyris, suavissimum spirantia odorem, in decentiorem tumbam reposita, suos ipse humeros cum Canonicis piæ supponens sarcinæ, transportavit ad primarium Cracoviense templum in Arce situatum, Sancti Venceslai tunc

dictum,

dictum, atq; in medio Ecclesiæ marmoreo inclusit sepulchro, cum lamina aurea, emblemata ac imagines vitæ & Martyrij B. STANISLAI exhibente.

Ab hinc currebant dies & anni longa; voluebantur vicissitudine, Deo novis & novis prodigiis sanctitatem sui monstrante servi. Tandem post centum & septuaginta annos. Prandota Episcopus Cracoviensis, cum Boleslao Principe & Capitulo Cracoviensi, consilio inito, designatis impensis, collectis gratiis & miraculis interventu B. STANISLAI patratis, legatos Iacobum de Skaryszew Decanum Cracoviensem Iuris Vtriusq; & Sacræ Theologiæ Doctorem, & Gerardum Gostivinum Canonicum Cracoviensem Anno 1250. ad Sedem Apostolicam expedit, ut ei vitam mortem, ac miracula B. STANISLAI ex ordine exponerent, & Canonizationem eius supplici postulatione deposcerent. Lugduni tunc in Galliarum Civitate Innocentius IV. Pontifex Maximus agebat, qui auditis nuntiorum expositionibus, Fulconi Gnesnenfi Archiepiscopo, Thomæ Vratislaviensi Episcopo, Lubinſcio Abbati Ordinis Cisterciensis in mandatis dedit, quatenus de vita, necē causisq; eius & miraculis STANISLAI inquirerent, plenamq; sedi suæ informationem darent.

Fecerunt hi quod iussu fuerant, & rescripto de punctis sibi porrectis Pontificem docuerunt. Pontifex cum purpuratorum Patrum Senatu de rei veritate perfectius instrui desiderans, ablegavit ad Regnum Poloniæ Iacobum Veltrenensem, Ordinis Minorum S. Francisci de Observantia religiosum, cum omnimoda facultate, acta Priorum inquisitorum ad lydium revocandi lapidem; personas testium & eorum qui ope B. STANISLAI à quacumq; infirmitate sublevati narrabantur, videndi ac examinandi; literas, annales, & quasvis veteres memorias, sanctita-

sanctitatem ac passionem B. STANISLAI recognoscentes, in tablino seu archivo Regio & Capituli Cracoviensis illustrandi. Iterum ergo memorati Apostolici Commissarii, cum præfato religioso, testimonia sanctitatis & miraculorum B. STANISLAI conquirunt & fidelissime connotant. Iterum Prandota Nuntios eosdem ad Pontificem Romanum, adiunctis in societatem itineris & laboris aliquot varij instituti Monachis, cum novis delegatorum Pontificiorum & Iacobi Veltrenensis documentis, viam relegere jubet; qui Lugduni adhuc commoranti Pontifici, sua quæ acceperant producunt instrumenta, & supplices facti, Canonizationis rogant fieri solennitatem.

Repetita hæc inquisitio necdum scrupulum quibusdā excusserat Cardinalibus propter antiquitatem gestorum, de veritate eorundem subdubitantibus. Quapropter Oratores Regni rursus in Patriam remeare jubentur, & solidiora sanctitatis, Martyrij, ac miraculorum B. STANISLAI meritis arrogatorum argumenta à commissarijs, scilicet Fulcone Archiepiscopo Gnesnensi atq; alijs afferre. Post reditum Legatorum, Prandota Episcopus indefesso labore, plurium mensium spatio testes priores novosq; ad præsentiam inquisitorum Pontificiorum adduci curabat: qui muneri suo exacte satisfaciētes, testimonia convenientia ac sacramento iuramenti firmata ordinatissime digesserunt, consignarunt, ac Romam transmittenda Prandotæ tradiderunt. Absq; mora itaq; suos faciales impensis debite instructos ad Pontificem remittit, qui longis tertia vice viarum emensis intervallis, eum Perussi in Civitate Italiæ inveniunt, literas commissariorum & Principum ac Prælatorum Regni de sanctitate ac miraculis B. STANISLAI testificantes producunt, spemq; apotheosis reportant. Dum interea in concilio Cardinalium causa


hæc agi-

hæc agitur, propendentibus iam ferme omnibus pro D. STANISLAI parte, Reginaldus Cardinalis & Episcopus Ostiensis, vir primæ authoritatis, refragari & contradicere capit, allegans non esse credibile vt tanti momenti ac tantæ admirationis res per duo ferme sæcula in alto tenerentur silentio nec Romanæ Apostolicæ Cathedræ innotescerent; post hunc nutare alij & à sententia priori discedere. Confernati hinc Regni Poloniæ ablegati ad S. STANISLAUM devotis confugiunt precibus, ipse suam tueatur causam, ipse pro suo honore sit orator. Ecce vero Reginaldus gravi imò letali corripitur ægritudine, desperatusq; a Medicis, nil nisi extremum halitum expectat. Ferme animam agenti visendum se exhibet B. STANISLAUS amæno circumdatus fulgore, seq; Episcopum esse Cracoviensem à Boleslao Rege occisum edocens, hortatur ne Divino resistat beneplacito, neve sui impediat solemnia triumphi. Reginaldus propitiat sibi sanctum Præfulem spondetq; se honoris & causæ suæ zelosum fore promotorem. Præter opinionem omnium convalescens, conscenso equo, adit stupentem ex sua sanitate Innocentium, errorem fatetur, apparitionem prodigiosam prædicat, referri in numerum Divorum STANISLAUM consentire & precatur. Nulla iam difficultate & ambiguitate animos Cardinalium tenente, decrevit Pontifex STANISLAUM omnino fastis indigetum in cælis regnantium adscribendum diemq; & locum actui tanto præfixit. In Festo igitur Nativitatis Beatissimæ Virginis Mariæ, ad Ecclesiam S. Francisci, Divina peracturus contendit, ibiq; in numerosissima Principum Prælatorum variorumq; hominum ex diversis cōgregatorum partibus multitudine dum *Miracula* sacris operatur, juvenis quidam recenter defunctus cum *intra act:* eiulatu parentum & propinquorum in idem templum im- *Canoniza-*
D portatus *tionis.*

portatus est; orat ad altare Antistes vt resurrectione mortui, opus quod aggrediebatur, Deus approbet: mox rediuvus adolescens, proripit se è feretro, fit ingens omnium lætitia, & Pontifex absolutis missarum solemnibus, conscensa e ditioni exedra, STANISLAUM Martyrem sanctum promulgat & pro sancto habendum, ac in necessitatibus invocandum; memoriæ eius diem Octavo idus Maij assignat, & de thesauro meritorum Christi omnibus præsentibus indulgentias largitur. Dum Papa inter sanctos referret STANISLAUM, & relatum ex altiore pulpito vulgaret, rubeum labarum impressam Pontificiam gerens personam, visum est à pluribus in eodem templo sub lacunari pendere. Compotes voti sui facti Poloniæ Legati, imò vltra spei votorumq; mensuram, eventum nacti in Patriam reduces, buccinatores facti sunt magnalium, quæ Divina pietas circa Canonizationem servi sui operata est. Igitur Prandota Episcopus incredibili perfusus gaudio vniuersis Regni Ducibus, Proceribus & Prælatibus ad festivitatem sublevationis ossium novi sancti invitatis, & ferme omnibus assistentibus in summa hominum tam domesticorum, quam externorum conglolatione desideratum sublevationis peregit opus ac in altari sacras pro more condidit reliquias, distributis quibusdam ad alias Ecclesias. *Sic honorabitur quem Rex gloriæ voluerit honorare.*



E ADEM



E A D E M V I T A E X N O M I N E
D I V I S T A N I S L A I

Anagrammaticè & Epigrammatice deducta

S T A N I S L A V S

A N A G R A M M A.

I.

Stans Silvâ.

Bogna suum postquam solers lustravit ovile
Per Nemus umbriferum sole calente redit:
Hic mentem pulsat meditatio: germen ubiq;
Fructibus & solus ridet opimus ager!
O proles optata diu te quando saluto!
Hæc dum: Stans Silvâ suscipit en sobolem!
Extra oritur tectum Stanslaus: nosce Polonum.
Nascitur in sylva: Numinis arbor erat.

II.

Natus Salis.

Gnesnam Sarmaticas juvenis contendit Athenas:
Parisiq; dein Numine ductus adit
Hinc Patriam repetit, Cathedras & pulpita scandit,
Augustos humili calce teritq; gradus,
Natus ad alta Salis o Dive in culmina semper
Maiora, invitum quin pia vota trahunt;
Lux peregrina tibi non sufficit: aula locusq;
Ampla viriuti quilibet arctus enim.

D 2

III.

VITA SANCTI STANISLAI

III.

An sis altus?

Conspicius varijs dum fulget honoribus, ima
 Deperit, & miseris se sociare libet.
 Alme, tua digna hac merces virtutis, honores
 Augustosq; geras Nominis ut titulos!
 Altè es subvectus, dubios tamen esse relinquis
 Nos, An sis altus? Lux es & umbra simul.

IV.

An tu Lassis?

Pauper ubiq; iacet: peregrinis tecta negantur,
 Lassa ubi vel modicum pascere membra queant.
 Sportula parua licet raro prahetur egenis:
 Quam multos perimit, prob? male suada fames?
 An tu etiam quæiscunq; negas solatia lassis,
 Quos seu pauperies, suè fatigat iter!
 Non: miseris, Viduis, peregrinis, spargis at aurum:
 Nosceris hinc PRÆSVL, Pastor, & esse Pater.

V.

Sanis latus.

Multorum quem cura tenet, non semper adesse,
 Nec semper cunctis invigilare valet:
 At STANISLAVS Sanis est latus & aegris
 Intentus toti sufficit esse gregi.
 Latus & extensus, semper vigilabat ad omnes:
 Immensum dic nunc; integro in orbe manet.

VI.

Is, nas, latus.

Per mare per terras currunt plaustrisq; vehuntur,
 Quos sitis argenti torquet opumq; fames

Non pi-

*Non piget occiduas excurrere Gangis ad undas
 Pro gemmis, vasto credere seg^g mari.
 Non gemmas, animos verum tu Diuè requirens
 Is, nas; hinc curru latus & inde moves.
 Diversis homines currunt studijsq^g vñs^g:
 Diversis pariter te decet ire modis.*

VII.

Tu an sis sal?

*Numinis è monito, redimit quem sacra tiara,
 Virtutem salubris quarat habere salis:
 Tu an sis sal dubitare nefas, putoribus aptus
 Pellendis, omnem par cohibere luem.
 Ipse salem durum Lechia Rex nonne probavit
 Te, tamen in partes quem secuisse quijt.*

VIII.

Lis tu fanas

*Litibus exortis virtus est magna mederi:
 Lis ubi, tu fanas STANESILAE libens.
 Regis in Audacis lites, quas moverat ardens,
 E tumulto testem, quem negat aula, vocas.
 E calo poteras toties deducere Numen:
 Non possis Manes cur revocare semel?*

IX.

Ni stas laus

*Nomen honorq^g DEI cecidit dum reprobis Audax
 Per scelerum faciles itq^g reditq^g vias:
 Regis ad exemplum totus pervertitur Orbis
 Sarmaticus, pariter plebs Dominusq^g furunt,
 Tu ni stas perijt planè laus tota tonantis,
 Niq^g reluctaris qua potes arte malo.*

VITA SANCTI STANISLAI.

*Succubisset Athlas; retines labentis in Orcum
Tu mundi celeres, firmior Orbe, gradus.*

X.

Stas insula.

*Insula caruleo circumvallata Profundo
Ridet ad irati murmurâ rauca maris.
Fluctibus impetitur, cumulos sed ludit aquarum,
Ac iterum medij torquet in alta freti
Sic Stanslae mihi medio Stas insula ponto,
Sic iras rides quando furore calent.
Insula stans laus: pelago si naufragus erras,
Hanc pete remigio, saluus erisq; precum.*

XI.

Instas Laus

*Ardua quâq; licet tentes, inglorius Author
Ac nisi perficias, fabula plebis eris.
Laus instare operi magna est rebusq; futuris;
Virtutem ad finem, gloria summa, sequi.
Tu quia Dive instas captis, laus magna Tonanti
Et tibi perpetuas crescit in usq; dies.
Difficiles docuit pulchrâ virtutis arenâ
Consummare vias ingeniosus amor.*

XII.

Stas in Saul.

*Improbis effusus Rex qui tunc sceptrâ regebat
Sarmatia, frenis fluxit in omne scelus.
Saul alter fuerat similis supparq; priori
Isacidum gentis qui diadema tulit.
Tu novus at Samuel Stas in Saul, crimina Regi
Obijcis; atq; mones corripiendo minis.*

In Sau-

VITA SANCTI STANISLAI.

31

*In Saulem steterat Puer unus cumq; peremit:
Tu stando in Regem, victima Sancta ruis.*

XIII.

Litas sanus.

*Pontifices Numen dum lux festiva refulsit
Thure colunt dantes munera viua sibi:
Luciferis non tu festiuis sacra reservas;
At quacunq; litas sanus agendo die:
Quin licet infirmi languerent febris artus,
Cessasti nunquam sacrificare DEO.
Obstitit & quid enim deerat ve litando quid unquam?
Hostia semper eras, pectus at ara fuit.*

XIV.

Stans Sauli.

*Sepe David tumida Saulis fugiebat ab ira,
Vna salus illi terga dedisse fuit:
Tu estibus irarum non te subducis, ad aras
Stans Sauli qui te vulnerat ense, cadis.
Impavidus PRÆSUL ferro non cessit & hosti:
Quid mirum? in petra fixerat ille Pedem.*

XV.


Salus natis.

*Vna salus natis hominum sperare salutem
Omnem si PRÆSUL Stanesilae faves.*

XVI.

XVI.

Insta salus.

*Indigetem rutili iam te veneramur Olympi**Iam te calicolum tellus adorat ovans :**Sors tua secura est, curam ne mitte tuorum :**Pastor agas ut ne captet ovile lupus.**P R Æ S U L apud Numen cui adstas fervidus insta,**Tuta gregi, Templis sit Patriæq; Salus.**Nostri salus à Te pendet cur? una salutem**Crux facit. Ergo tua signa revolve Cracis.*

PROLU-



P R O L U S I O
A D M I R A C U L A

D. S T A N I S L A I

ANtequam indicem miraculorum Sancti STANISLAI pertexere aggrediar, convenientem præmitto isagogen in qua exequor, quid sit miraculum: quis miraculorum author, quotuplex eorum scopus: quod sit discrimen inter Christi & Sanctorum signa; an vera sint miracula quæ hoc opusculo recensentur: cur rudioribus potissimum contingant hominibus.

Miraculum à mirando sic dictum Divus AUGUSTINUS vivis ut aiunt depinxit coloribus, dum dixit esse aliquid arduum & insolitum supra facultatem naturæ & præter spem admirantis apparens. Discutitur & approbatur definitio hæc à D. THOMA in disputatis quæstionibus quæ 6. *art. 2. de miraculis.* Displicet tamen quibusdam eo quod ad miraculi rationem requirere videatur raritatem, dum insolitum illud vult esse: crebrò autem miracula contingere, vel ipsa quotidiana transmutatio panis & vini in Corpus & Sangvinem CHRISTI testatur. At sciendum est quod iuxta observationem Aquinatis, loco citato miraculum dicitur insolitum, non quod infrequens sed quod contra consuetum naturæ cursum esse soleat debeatq; . Est ergo vis & sensus definitionis, miraculum esse id quod natura viribus suis non solet, imo nec potest operari, vt proinde miraculosa eventa cognitionem nostram ac per consequens spem expectationemq; omnem superent.

Claret hinc, illa ad stuporem fabrefacta opera quæ vocantur septem mundi miracula, varios item insolentes naturæ effectus, ut quod ignis ardeat sub aqua, quod ad calamitam ascendat ferrum, quod succinum trahat paleas, quod rosæ brumali tempore producantur, quod in seminata fabæ intra horæ spatium excrescant, quod cubiculum igne inflammetur innoxio, aliâq; id genus innumera, indigniora esse quam ut eis miraculorum approprietur nomen. Hæc enim vires naturæ non excedunt, & solum ijs admirationem movent qui occultas naturæ qualitates & portentosas artis industrias non habent exploratas. Nimirum ignorantia mater est admirationis.

Solus DEUS author est & artifex miraculorum. Solus enim DEI est mutare ordinem naturæ, quod ad miraculi constitutionem requiritur. Neq; tamen DEUS contra naturam facit, aut vim infert naturæ dum eius invertit ordinem. *Sicut namq; inferioribus corporibus naturale est moveri à celestibus corporibus quæ sunt superiora, ita etiam naturale est cuilibet creaturæ ut transmutetur à DEO secundum eius voluntatem.* Vnde Glossa in illud Rom. II. *insertus est contra naturam.* &c. ait: DEUS Creator & Conditor omnium naturarum nihil contra naturam facit quia id cuiq; natura est quod DEUS facit.

Operatur autem etiam per homines omnipotens dextera miraculosos eventus ad finem duplicem; vel ad aliquam veritatem confirmandam, vel ad monstrandam alicuius sanctitatem. Stabiliunt miraculosi eventus veritatem. Si enim hæc talis sit quæ captum intellectus humani excedat, nec rationibus humanis probari possit, argumento Divinæ virtutis probari indiget: nec captivatur intellectus noster ad credendum quod DEUS aliquid dixerit nisi ostensione signorum quæ sola manus Divina valet facere. Plane miracula

cula sunt signaculum doctrinæ Divinæ. Sicut namq; gémma quâ Regis codicilli signantur, ostendit vere regias esse literas: sic prodigium ostendit vere Divinum esse, quod digiti Divini virtute firmatur. Monstrant etiam sanctitatem hominis. Quia dum homo facit opera DEI, creditur DEUS in eo per gratiam habitare. Atq; hinc est quòd hæretici miracula facere nequeunt: quia nimium & falsa dogmata ad aures alienas afferunt, & DEUM in cordibus suis in habitantem non habent. Invenit quidem patella operculum suum, dum suam cassam & nullam miraculorum patratorum facultatem convitio & cavillatione operiunt: quasi miracula in Ecclesia Catholica contingentia, nihil sint aliud quàm dæmonum præstigiæ: at moti capitis istud commentum esse quis non videat. Inde etiam disce quòd si ostenta aliqua non ad memoratum finem geminum suapte natura ordinentur; sed vel jactantiam vel risum vel aliam quamlibet vanitatem quærant, non miracula sint sed ludibria & mendacia dæmonis.

*Cur hæretici neque
ut miracula
la facere.*

Signa Christi ac Sanctorum eo á se discrimine feceruntur quia Christus cum verus DEUS sit, virtute propria authoritative & per modum imperij opera fecit & facit, quæ nemo facere potest: at verò sancti per modum impetrationis. Quocirca scholastici Beatam Virginem & Sanctos vocant causas morales miraculorum; quia eorum meritis & intercessionibus movetur DEUS ad faciendam potentiam in brachio suo. Verum quidem est quod Christus non semper sola potestate Divina in curationibus prodigiosis usus sit, nec semper autoritativo iussu infirmitates immedicabiles depulerit, nam non rarò etiam orando, manus imponendo, applicando, sanabat languentes; id nihilominus fecit non quia debuit, at quia voluit, ad mani-

festandam scilicet humanæ naturæ suæ veritatem.

Miracula quæ hîc recenseo prorsus vera esse contendo. Quis enim resurrectionem mortuorum, cæcorum illuminationem fonticorum morborum repentinam abq; manu medica curationem prodigiosam esse inficietur! quod si obtendas: fieri potest, ut illi qui hîc referuntur mortui, non fuerint mortui: sed vel extasi quadam vel violentia morbi sic abrepti, ut populus simplex iudicaret mortuos, qui tamen adhuc vitalem spiritum intus habebant, velut in cineribus ignem sopitum. Simplex rusticitas ut credere ita & decipi facilis est; & vix spiritum quis interclusit, iam putat extinctum. Non diffiteor vulgus rude deceptionibus crebris circumveniri, & cum causas rerum ignoret, quidquid præter opinionem suam evenit, miraculum arbitrari: sed tamen quod semper decipiatur, temerarium sit dicere. Et quantumvis exeret, illius tamē testimonio ut ait Eggerer noster standum est, cum nulla utilitate sua ad falsè loquendum attrahatur. Ne tamen *Regula* putes scrupulosum me & durum fidei hac in patte exacto-
inpharma *copæa cale-* *sti.* *Regula* *quales nos* rem. Nec facile credenda, nec facile abijcienda hæc &
oporte *esse in cre-* *dulitate* *miraculo-* *rum.* *lib: 5.* *Deipara* *cap: 18.* similia miracula suadeo. Nasum & superciliosus est omnia
 carpere fugillare & explodere; levis corde est universa
 velut articulos Symboli Apostolici citò credere. Regulæ
 huc spectantis ex Canisio excerptæ meminisse iuvabit. In
 Marianis (idem iudicium est de alijs) miraculis admit-
 tendis & confirmandis media est tenenda via, ut neq; ni-
 mis faciles neq; rursus plus æquo difficiles ac morosi esse ve-
 limus. Et si enim omnia quæ in hoc genere leguntur, eius-
 dem non sunt ponderis & authoritatis; tamen quia cha-
 ritas est non suspicax, & temere aliena iudicare prohibet Do-
 minus, sapidiq; cibi ob vitium palati pro insipidis non nun-
 quam habentur, & donum paucorum est sacris de rebus so-
 lide di-

*lide dijudicare: minus in eo quidem periculi erit si à bonis probabiliter narrata & à doctis non reiecta quæ adpi-
orum adificationem faciunt recipiantur, quàm si eadem fa-
stidioso & contentioso perfricatog, animo repudientur.*

Cur rudiores potissimum homines miraculosis curati-
onibus à DEO sublevatos præsens commemorat historia?
in promptu causa est: quia pauperes citius exaudiuntur
iuxta illud: *Desiderium pauperum exaudivit Dominus:
& oculi eius in pauperes respiciant.* Quod autem citius
pauperes præ divitibus exaudiantur, dat rationem Egge-
rer noster quia (ut ait ille) *oratio pauperum est simplex,
fide spe & devotione plena.* Si quando audire eos con-
tingat, in hoc illove loco, tali ac tali tempore DEUM in-
tercessione sanctissimæ Matris suæ aut alicuius sancti mi-
ra circa personas morbidas perpetrasse, illico credunt si-
mulq; & ipsi in spem similis gratiæ in simili necessitate
assurgunt. Hac simplicitate fide fiduciaq; destituti sunt
divites, quibus solennissimum est id tantum credere quod
vident, cavillari Concionatores, eorumq; historias, libel-
los de miraculis Marianis, inter apocripha & Æsopi com-
menta recensere. Quod si eos infirmari contingat, vale-
tudinem suam non in precibus, sed archiattrorum præscri-
ptionibus, syrupis, electuariis, alexi pharmacis amuletis,
catapotiiis, pastillis, gargarismis, suffimentis constituunt.
Nihil illi quod e Cellensi, Lauretana, Claromontana gra-
tiarum Apotheca pro remedio ægritudinis suæ accipiant,
opus se habere existimant.

Cæterum quia decreto Concilij Tridentini sess. 25.
cautum est nulla esse admittenda nova miracula nisi re-
cognoscente & approbante Episcopo, quæcunq; nova in
subsequentium exemplorum ordine videbuntur, recogni-
tioni & iudicio sedis ordinariæ subsunto.

VITA SANCTI STANISLAI.
M I R A C U L A

S. STANISLAI

C A P U T I.

DE MORTUIS RESUSCITATIS.

SAcra Regum narrat historia quòd cum cadaver quoddam proiectum esset in sepulchrum Elisei postquam tetigit ossa Elisei, revixit homo & stetit super pedes suos. Mira res! ossa illa arida & exsicca vitam non habebant & vitam dederunt; mortua fuerunt & vivificare potuerunt. Quis tam grande miraculum operatus? ille sine dubio qui custodit ossa sanctorum. Sepulchrum D. STANISLAI pari si non maiori virtute pollet. Nimirum non vnum cadaver, sed mille mortui ad illud saltem voto & desiderio propinquorum aut amicorum projecti postquam sacros Sancti Martyris cineres attigerunt, mortem cum vita commutarunt adstite Divinitate vitam mortuis in gratiam sancti restituente. Oraculum summi Ecclesiæ Pastoris de Stanislao est in Bulla Canonizationis. *Qui vivus unum solum mortuum magna nostri orbis admiratione à mortuis excitavit, mortuus plures de sorte mortis sustulit.* Omnia suffragio D. STANISLAI redivivorum exempla scire non possumus: quæ nosse licuit subtexo.

§ I.

INFANTES REVIVISCUNT.

Christina Richardi Civis Cracoviensis coniunx geminos uno partu enixa, masculum & fæmellam, ex his filium necdum baptisatum altero die extinctum doluit.

Præci-

Præcipua causa doloris erat quod Deo mortuus esset quia à primigenia labe non mundatus. Maritus pari imò graviore oppressus luctu, dum ante sepulchrum Divi STANISLAI in Rupella vota precesq; fudit, vitam infanti impetravit. Baptisatus in Ecclesia Sanctissimæ MARIE infans cum in alterum usq; vixisset diem lætis iam parentibus migravit ad cælum.

Eodem loci hoc est Cracoviæ octiduanus infans Petri qui Francek cognominabatur una cum Matre puerperii doloribus obruta funere prostratus est. Pater minus de vxore quam de prole sollicitus votis precibusq; ad B. STANISLAUM in sui loco Martyrij pro infantulo factis, redivivum salutavit. Mathias opificio Sartor Zakwapien dictus, filio quem tribus & amplius mensibus ante pariendi tempus uxor fatigata febribus vix spirantem abortierat, petiit & obtinuit à S. STANISLAO vitam quousq; baptisaretur: baptisatus ad crastinum supervixit. Id Anno Domini 1465. contigisse veteres memoriæ prodiderunt.

§ II.

Adolescens mortuus redit ad vitam.

VItkyerò Venceslai nobilis in Polikarzyce hæredis filio, die S. Martini circa ortum solis mortuo, invitatis amicis & consanguineis funus adornabatur. Interea dum adventus hospitem tardior opperitur, Stronislava mater & corporis & animi ægritudine ex obitu filij confecta, ad separatam deportata habitaculum orare sanctum Martyrem pro vita filij suaq; valetudine non cessavit, donec somnus oranti obreperet, in quo venerabilem canitie personam visa sibi videre quæ significabat preces Stronislavæ exauditas esse filiumq; vitæ & ipsam sanitati mox reden-

reddendam. Expergefacta narravit visionem amicis, cuius eventum illi studiose præstolabantur. Sed & ipsa Divini promissi certior, posito in exanimato filij pectore lapillo quem ex loco Martyrij D. STANISLAI afferri curaverat, reducem in corpus expectabat animam. Tandem in primo galli cantu oculos mortuus aperuit, iterumq; clausit: sic secunda & tertia vice faciens vitalem resumpsit spiritum.

§ III.

Pannonii miraculo moti ad sepulchrum Divi STANISLAI confluunt.

Petro Vngaro cum consorte & familia in Villa Polonix Mysławczyce apud Woiaszonem colonū agent, filius ante Dominicam palmarum infirmitate correptus, octavo ægritudinis die extinctus est. Plangentibus parentibus frustra; filium ploratu revocare ad vitam conantibus, suadet Woiasz hospes, ut supplices fiant B. STANISLAO. Supplicarunt itaq; illi in consecrata suo sanguine Petra: ē qua repedantes filium ambulantes invenerunt, regressiq; in Patriam miraculum divulgavit. Quocirca ab illo tempore catervatim ex Pannonia homines ad sepulchrum Sancti Martyris confluebant.

§ IV.

A Latronibus occisus vita restituitur.

Miraculis quæ ad sepulchrum Divi STANISLAI fiebant crebrescentibus, tres socii Martinus Nicolaus & Philippus idem sepulchrum invisere destinarunt: dūq; pio satisfaciens proposito per sylvam Przegina gradiuntur, ecce latrones ex latibulis erumpunt, & Nicolao quidem ac Martino fugientibus dum solus Philippus ut pote ani-

te animosior prædonibus obsistit, solum non modò rebus sed & vita spoliant, in gutture & cervice lethaliter fauci-
ciatum. Hic post modicum tempus, vivus consurrexit & socios affecutus narravit quòd vulneribus suis Beatissimus STANISLAUS, ut sibi videbatur, adhibuerit malagmata rescissamq; cervicem redintegraverit. Cracoviam quoq; perveniens cunctis ad rei novitatem accurrentibus quæ secum fuere gesta prædicabat, atq; in confirmationem veritatis cicatrices vulnerum monstrabat.

§ V.

Puella curru onerato protrita & iugulata spiritum resumunt.

ANno Domini 1430. in Oppido Biecz Cracoviensis Di-
æcesis, Ioannis Pittoris filia biennis, curru onusto pro-
trita cum iam animam ageret, invocatione Sancti STANISLAI vitam præter spem omnem recepit. Votum pa-
rentum peregit septimo ætatis Anno, ad gratias agendas Sancto STANISLAO in Rupellam profecta. Item in Vi-
slicensi municipio tempore messis dum quidam agricola supra segetem, quam in curru vehebat, filiam ambulare
haud valentem incaute collocasset, curru in alteram par-
tem declinante hæc prolapsa, rotis subacta & iugulo suf-
focato exanimata est. Accurrit parens uterq;, accurrunt ad eiulatum amborum messores varij, tractant manibus ten-
nella membra probatq; si spiritus lateat in corpore: mor-
tuam videntes ad Divi STANISLAI confugiunt patro-
cinium, votumq; vovent visitandi limina ipsius. Post non
modicum tempus puella vitæ & sanitati reddita votumq;
à parentibus impletum. Simile miraculum evenisse cum
infantula Anna filia Adami Zabłocki Civis Solecensis te-

statuer imago Petravini posita. Anno Domini 1630. Et cum puella Dorotheæ Chrostowska, Anno 1642.

§ VI.

Equus excoriatus corium cum vita recepit.

Stephanus Ungarus post Canonizationem Sancti STANISLAI ad celebritatem Natalitii eiusdem ibat Cracoviam cum vxore pedes sequebatur currus quem duobus filiis & sarcinulis oneratum unus regente auriga trahebatur equus. Hic in montibus Carpaticis præ fatigio itineris crepuit. Auriga excoriato equo pellem in fuste portans ad heros præcedentes festinat relicto curru liberis & utensilibus. Anxius Stephanus quid ageret cæptumne prosequeretur an interromperet iter, suavis coniuugis prosequi elegit liberosq; & reculas in humero divisa oneris inter uxorem & famulum portione baiulare. Dum ergo redeunt ad locum in quo relicti pueri, ecce tibi equum subsilientem & hinnientem conspiciunt suo per omnia similem. Uxor omnino, inquit, equus is noster est. Maritus ridet verba uxoris: sed cum famulus in baculo humerum premente, tergus non cerneret & equus dominos recognosceret, insuper incisuræ sanguine interlitæ quas agas fecerat recentes essent, cadaver quoq; equi nullatenus in loco ubi crepuerat deprehenderetur, tandem suum esse viatores illi non dubitarunt, iunctoq; ad sarcinam reliquum itineris feliciter perfecerunt.

§ VII.

Anno Domini 1435. Thomas in maiori Polonia Villæ Crinow accola sæpius agonizans, ad ultimum morbo prævalente mortuus, à germano Nepotum suorum orbitem

tatem magis quàm fratris mortem plorante, meritis Sancti STANISLAI commendabatur. Eo & sociis in oratione perseverantibus confurrexit mortuus clara voce dicens, se à quodam Venerabili Sacerdote pretio duorum grossorum in Prussiam conductum esse.

§ VIII.

ANno Dni: 1464. Opatoviæ in Diacesi Cracoviensi Mense Augusto, Catharina Mathiæ villani hominis uxor, filium non ita pridem natum in lecto oppressit, mortemq; ipsius celans Cracoviam cum cadavere filioli properavit, unam tantum comitem habens mulierem, à qua in baiulatione mortui infantis alterno iuvabatur ministerio. Monebatur ab hominibus per quos transibat ut filio sepulto ad propria reverteretur; at illa fidei & fiduciæ plena à cæpto nequaquam potuit avocari itinere, sperans ante tumbam Divi STANISLAI illico infantem ad vitam rediturum. Post unam igitur & alteram diem cum Cracoviensis Civitatis muros ac ædificia templorumq; tures prospectare incepit, puer oscitavit positusq; in terram, matre interea expeditas ab onere manus in cælum levante, fletum levem edidit, & confestim perfecte revixit. Extat insuper tabula ad aram D. STANISLAI in Rupella defuncti resuscitati referens imaginem cum hac inscripti-one: *Nobilis quidam defunctus, amici voto facto ad sepulchrum Divi STANISLAI mirabiliter ad vitam revocatus est.*

C A P U T II.

DE PERICLITANTIBUS VITA.

DEcantatissima illa passim per ora hominum volat pæ-ræmia: *Contra vim mortis non est medicamen in hor-*

*Calius in
Cantica*

tis. cuius quidem versiculi sensus iste: si quis in extremis sit, quævis salubres herbæ, quævis unguenta & aromata non proderunt infirmo. Venit hora: moriendum est. Nihilominus contra vim præsentissimæ mortis medicamina in horto Ecclesiæ potissimum triumphantis reperias. Hortus conclusus soror mea sponsa. Emissiones tuæ paradisus malorum punicorum, Cypri cum Nardo &c. Cantic. 4. Horti conclusi nomine venit sponsa Christi Hierusalem cælestis. Emissiones horti huius deliciosissimi, sancti sunt, qui Paradiso illi inserti & implantati virent florentq; in perpetuas æternitates velut arbores pomorum punicorum, velut Cyprus & nardus, velut fistula & cinnamomum cum universis lignis libani, velut myrrha & aloë cum omnibus primis unguentis. Pammonius noster: in his (inquit) rebus tam suavè spirantibus quid aliud magis quàm vitas Sanctorum & vitæ eorum condiciones debemus accipere, studia quoq; ac dignitates & ordines? Sed quare Sancti his assimilantur arboribus & aromatibus? Quia sicut præfatæ arbusculæ odore, liquore, virtute, varijs hominum medentur morbis, arcant mortem, conservant vitam; ita sancti in quavis decumana infirmitate hominibus opitulantur, & quod non possunt illæ, sancti prævalent. Nequeunt illæ iam iam fauces humanas apprehendentem mortem repellere: possunt Sancti. Nequeunt illæ casus fortuitos avertere aut in eis hominem tueri, queunt sancti: raræ illæ nec cuivis obviæ, at Sancti cuivis ubivis festine adsunt. Igitur beati in Paradiso cælesti sunt quidem mala punica, sunt ligna Libani, sunt prima unguenta & aromata, sunt Nardus, Crocus: sed modo excellentiori & eminentiori. Unam ex arboribus aromaticis à morte præservativis tam in morbis naturalibus quàm in fortuitis casibus præbuit se non uni invocatus in mortis articulo STANISLAUS. Pauca afferro exempla.

§ I.

§ I.

Virī morti vicini convalescunt.

Goslaus nobilis ex pago Morawica oriundus, præ gravi & longa quia à Festo S. Michaelis Archangeli ad parasceven durante ægitudine, Syntecticus iamq; omnium iudicio prope diem & horam moriturus, vovit locum sanguine Martyris dedicatum visitare: post votum brevi viribus aequaliter resumptis baculo ægros sustentans artus ad locum eundem infirmus venit, sanus rediit. Item Mulier quædam in desperata mariti valetudine, postquam vovit sacras B. STANISLAI ædes invisere, & missam de eodem fieri facere, illico vir restitui cepit viribus, & non longo postliminio plenam adeptus sanitatem. Etiam inter anathemata Ecclesiæ Petravinensis visitur imago Iacobi Iambecki ex Palatinatu Podlachia qui cum morti vicinus esset prodigiose ad invocationem Sancti STANISLAI convaluit. Anno Dni: 1629.

§ II.

Pueri desperata valetudinis sani & incolumes fiunt.

IN Parochia eiusdem Villæ Morawicæ, fæmina quædam Gertrudis, filium suum annorum circiter trium Martinum nomine ut vidit incipientem mori, ad tumbam D. STANISLAI propero gressu gestavit. Solatium ex sanitate filij nacta Divum magnifice celebrans, domum læta regressa est. Eadem sanitas rediit sexenni filiolæ cuiusdam Cracoviensis mulieris iam ferme expiranti, postquam mæsta parens statuit ad Rupellanam Ecclesiam pergere cum infirma.

§ III.

ANno 1436. Matthias Sartor Zakwapien (de quo supra) pro filio altero iam plane animam agente, genibus positus supplicavit Divo STANISLAO cum voto venerandi suum sepulchrum? filiumq; mox integra sanitate potitum vidit, & votum exoluit. Et Valentinus Golai laboriosus pro filio suo spiritum prope exhalaturo orans ad D. STANISLAUM exauditus est. Anno 1626.

§ IV.

ANno Dni: 1440. Zywiecii (est Civitas in Diœcesi Cracoviensi) Petri cuiusdam filius mirabili quadam detinebatur infirmitate, in qua nec videndi nec loquendi nec ambulandi vim usumq; habuit, neq; se movere ullatenus poterat. Truncum dixisses non hominem. Nul- lum vitæ signum excepto modico in pectore pulsu edebat. iacuit miserabile monstrum a Festo S. Martini ad Festum Sanctæ Margaritæ, non vitam mortalem sed mortem vitalem inter amaros Parentum singultus trahens. Iamq; pia crudelitate mortem optabant filio parentes. qui tandem saniore usi consilio polliciti sunt ægrotum D. STANISLAO præsentare. Vix votum nuncuparunt, cum puer oculos aperit, hocq; miraculo fiduciam ulterioris beneficii parentibus inserit. Itaq; infirmo curru imposito venerunt ad Rupeellam, reliquias S. Martyris filio exosculandas dari obnix petierunt: post quarum osculum loquela muto restitua, & inter mislarum officia, perfecta valetudo reddita.

§ V.

INfans cuiusdam mulieris per nudum corpus aqua bulliente perfusus, brevi expiraturus credebatur, nisi mater spo-

ter spondisset singulis feriis sextis per totius anni curriculum in pane & aqua ieiunare. & Ecclesiam S. STANISLAI in Rupella cum infante adire. Sed cum promissa exequi negligeret, proles ad prunas prolapsa dolorem maternum cui iam callus obductus erat, renovavit. Pœnitens itaq; voti cassi; quod sponderat, adimplevit mulier & suorum ieiuniorum ac orationum merito, infaustris casibus morbisq; reditum ad sobolem suam præclussit. Ioannes quoq; filius Sbignei Sieninski vexiliferi Lublinensis à tauro ex pascuis redeunte appetitus, Divi STANISLAI suffragio sanatus est. Anno 1622.

§ VI.

COLLISUS CURATUR.

ANdreas Lubincius Vadislaviensis Diœcesis, Regni Poloniae Thesaurarius, & Præfectus Dobriniensis cum venatu animum recrearet, equo ad obicem sub vesperum impingente excussus, graviter elusus est. Domum deportatus magis ac magis deficiebat, sanguinis fluorem nulla medicorum arte sistere valente, qui tam largus erat ut per unius noctis spatium, iuxta capacitatis implere potuerit pelvim. Nullum cibum potumq; retinere poterat quidquid in stomachum ingessit, mox egressit. Actum igitur de vita arbitratus, disponere domui suæ cepit, familiæq; in cuius habitationem se deferri curaverat, ex æquo dedit mercedem. Sed enim non diffidens de miserationibus Divinis promittit se ad Rupellam iturum, Divoq; STANISLAO cui devotissimus erat, & cuius nomen filio indiderat, venerationis officio & muneribus litaturum. Approbat Petronella uxor, suasq; maritali pietati coniungit devotiones. Adfuit illicò auxilium desuper. Nam post facta

facta vota, prima statim die solum ter sanguinem excreavit, altera bis, tertia integre convaleuit. Quare gratias pro tanto beneficio acturus, Cracoviã profectus est, dumq; iam unum nonnisi milliarium restaret conficiendum, pedestri illud emensus itinere, ante sepulchrum Sancti Martiris se suppliciter provolvit & pro vita sibi donata septem pondo Ceræ in usum Ecclesiæ obtulit. Huc illud pro cautela venationi deditorum adnecto.

Mar: lib:
12. cap: 14.

*Parcius utaris moneo rapiente veredo
Prisce, nec in lepores tam violentus eas.
Sæpe satisfacit prada venator & acri
Decidit excussus, nec rediturus equo.
Insidias & campus habet: nec fossa nec ager
Nec sint saxa licet, fallere plana solent.*

§ VII.

Duo e manibus latronum elabuntur.

ANno 1437. die 18. Mensis Aprilis Ioannes Czech Cracoviensis Civis, ex improvise in insidias latronum hæresi Vilefica infectorum incidens, & nullatenus valens declinare, facto ad DEUM suspirio ac voto visitandi sepulchrum B. STANISLAI, adactisq; calcaribus equo, per medium eorum salvus pertransiit cum famulis & familiaribus, ex quibus unum non nisi suæ prædones illi fecerunt potestatis. Item homo quidam Czeſtochoviam pergens, post implorationem Divi STANISLAI, e manibus latronum rebus & vita integris evasit, hocq; beneficium in Rupella mirifice prædicavit.

§ VIII.

§ VIII.

Intoxicatus è periculo mortis eripitur.

Barthosius Vincentij Wolcha filius, Præclavia in Diæ-
ceſi Cracoviænſi oriundus orbatus Parentibus annum
agens circiter trigefimum, in Ruſſiam profectus, ad ſervi-
tia Domine Zakrzowska Viduæ ſe inſinuavit. Fidelem
promptumq; experta ſervum, Virginem nomine Cathari-
nam ex ſuo gynæceo ei in matrimonium offert, fortius
eum hoc nexu ſuis illigatura obſequiis. Non recuſat ille.
ſunt nuptiæ Anno 1470. ſub tempus bachanaliorum, ſed
infauſto hymæneo. Nam altera mulier Helena, Vincen-
tii Oppidani Sniatinienſis uxor, quæ filiam Dorotheam eidẽ
iuveni inconnubium tradere cupiebat curabatq; poculum
intoxicatum Barthoſio iam ad quieſcendum compoſito
quaſi à Domina Zakrzowska pro bona nocte oblatum per-
feneſtram quia iam oppreſſulata erat ianua, porrexit. Sum-
pſit ille & ut iuſſus erat totum ebibit, nihil doli ſuſpica-
tus. Mox horror tremor & membrorum convulſio cæ-
pit miſerum torquere. nec brevis fuit tortura. Nam per
aliquot annos ſingulis menſibus graviffime affligebat Bar-
thoſium. Cuſtabatur Leopoli ſed nulla medicinarum vir-
tus virus hauſtum ex viſceribus valuit expellere. Tandẽ
ingraveſcente malo cum alijs officijs prorfus ineptus eſſet,
in Caſtro Sobiænſi portæ cuſtodiam ſuſcepit. Ibi Anno
Dni: 1478. feria 4ta: die S. Martini noctu inter conſervos
iacens, ſolito vehementius cruciabatur, propeq; animam
exhalaturus videbatur. His in doloribus Clementiſſimo
Deo Matriq; eius pientiffimæ ac Sancto STANISLAO ſe
cum lachrimis devovebat, cum propoſito ad ædes ſacras
D. STANISLAI pedes eundi, cereum ad ſaturæ ſuæ pro-
portionem longum offerendi & tres Miſſas in honorem

G

eiusdem

eiusdem legendas curandi. Post hæc in nocturnis tenebris æstuantem subita vomitione relevabat ventriculum. Accensa lucerna obstupuit ad ingentem eiectionis veneni copiam in cuius glutinosa & fædè colorata sanie duodecim vermes lumbricis similes, rubri capite, albi corpore se rotabant. Stupebant & socii excitati quòd maleficio tam forti dudum non fuisset extinctus. Ab illo itaq; tempore pristinas sensim resumebat vires, nec expectato perfecto robore, scipione debilia fulciens membra feria 5. die S. Ioannis ad portam latinam, venit Cracoviam & quæ promiserat, ante sepulchrum D. Martyris summa religione executus. In itinere dum lassus decumbit, visione B. STANISLAI monitisq; ad prosequendum iter animatus & in spe integræ valetudinis confirmatus fuit.

§ IX.

*Ex Turcica captivitate & vita discrimine duo
salvantur.*

ANno Dni: 1475. in Decembre 4ta: die ante natalem Domini dum ob hyemis rigorem niviumq; densarum profunditatē nihil simile metuunt homines, numerofo exercitu irruerunt Turcæ in Sclavoniam, indeq; decem millia hominum occisis impuberibus abduxerunt. In miseram captivitatis sortem, venit etiam Martinus Ginach de Oppido Raczoeh & Vrsula eius coniux, uterina autem cuiusdam Georgij Medicinæ Doctoris, qui calamitati sororis suæ eiusq; mariti indolens cum humana decissent subsidia ad Divina confugit. Continuis fletibus & precibus eliberationem captivorum à misericordi & cui nihil impossibile, poscebat Deo. Divo quoq; STANISLAO ad quem a teneris unguiculis in Cracoviensi Universitate flagrantem

grantem conceperat devotionem, cuius item adiutorio ē manibus Turcarum in Villa Czaretesz se fatebatur ereptū, charos amissos commendabat. Iuges faciebat orationes, eleemosinas liberales erogabat, Missas fieri crebrò procurabat, squalore insuper ieiuniorum carnem macerabat. Erant qui labores eius cassos & prorsus inanes censerent persuasi Vrsulam propter raram venustatem, acri custodiā fervari: At ille vanos hominum sermones fide superans, nequaquam preces bonaq̃, opera intermisit; quibus ut eo commodius insisteret, in cellula cænobij Fratrum Ordinis Sancti Francisci tertiæ Regulæ se inclusit ad tempus. Interea præfatæ Vrsulæ per somnvm apparet D. STANISLAUS, surge inquit, excita maritum, in patriam revertimini; Eia nolite metuere: evadetis. Excitat illa maritum, visionem aperit, reluctantem ad fugam invitat & plane cogit. Iter itaq̃ arripiunt, labantem virum & viribus fatifcentem sustentat mulier, & usq̃ ad flumen deducit. In defectu lincris trunco infirmum coniugem imponit, ipsaq̃ fuste remigans & se & illum in alteram profluentis transvehit partem. Insequuntur Turcæ profugos quos vestigia per arenas prodebant. Quid putas fuisse tunc animi quid terroris fugientibus quando post tergum semper aspicientes, dubio primum aspectu mox & certo viderūt Dominum servosq̃; eius camelis insidentes contra se venire concitos? Sol nigrescebat miseris. Mors non dubia ante oculos eorum obversabatur. In aliam delati ripam Thraces cum iam ferme in manibus quos insequabantur haberent obriguerunt, fixoq̃ gradu ultra progredi non valuerunt. Sicq̃ captivi feliciter in patriam rediere. Acceptam prodigii seriem Georgius Cracoviæ quo vota persoluturus venerat, ex ordine coram Ioanne Longino edisseruit.

Par, imò maius, si circumstantias spectes, miraculum operatus ille *qui facit mirabilia magna solus* in eliberatione Iosephi Strzemeski Nobilis Poloni ex captivitate Turcica, de quo illud in parietibus Ecclesiæ Petravinensis leges quòd catenis, quibus pedes totumq; corpus cingulotenus vinctum habebat, post peregrinationis ad aedes Petravinenses instituendæ votum de ipso delapsis, per innumera viarum discrimina ad dulce Patriæ solum remearit.

X.

De incendio quidam liberatur.

Bello apud Pruthenos adhuc Idolis deditos fervente, Andreas de Morawica nobilis a teneris annis ad Sanctum STANISLAUM devotus, cum alijs Polonis pro fide Catholica contra Idololatrias instigante Sede Apostolica pugnaturis, profectus in Prussiam, domum quandam insignem, ut iubebatur, aliquot in locis intus supposito igne incendit; incendio protinus orto flammarum globis & densa fumi circumdatus caligine, cum omnis sibi ad evadendum præclusa esset via, à commilitonibus quoq; nullum sperari posset auxilium, ad D. STANISLAUM suspirare capit. Nec mora: flammæ divisæ per medium sui trans-eundi fecerunt copiam. sicq; circa transeuntem innoxium Iussit incendium.

XI.

Fulmine iñti servantur.

Preduogius Bohemus Pragam itinerans, iamq; medij tantum milliaris intercapedine ab ipsa distans, validissimam tempestatem declinaturus, subter unam densam & proceram quercum se cum sociis recepit; mox erum-

pens

pens magno fragore e nubibus fulmen, unum ex comitibus occidit, alterius capillitium excussit, canis caput quasi gladio acutissimo præscidit, ipsum verò metu incredibile affectum Preduogium surdum, mutum, delirumq; effecit & semianimem reliquit. Pragam à subsequentibus hominibus deductus, cum aliquando in Ecclesia Sancti Galli obdormisset, vidit pontificalibus indutū adstare virū qui Evāgeliosecundū Ioannē quod in fine Missæ dici solet supra Preduogium lecto benedictioneq; sibi data suadebat eidē, Cracoviam ad sepulchrum Martyris STANISLAI cum quindecim dierum ieiunio iter arriperet, perfectam ibi adepturus sanitatem. Expergefactus Preduogius loqui audire, & intelligere se miratur, Beato qui sibi apparuit agit gratias, atq; iniunctam peregrinationem ocius exequitur, plenam valetudinem ante bustum Sancti Martyris reportans. Vetus est quod retuli: recentius nec absimile quod sequitur. Catharinam puellam filiam generosi Leżynski & Isabellæ mutam, cæcam, capite & facie deformem planeq; exanimem fulmen fecerat. Pia Mater quātocius cum familia positis genibus orationem Dominicā recitat & Virgini Beatissimæ ac S. STANISLAO desperatam commendat filiam. Eadem horā puella revixit. In cuius testimonium ac memoriam icon miraculum repræsentans in Petravincsi Ecclesia relicta. Anno 1631.

C A P U T . III.

DE SUBMERSIS, & NAUFRAGANTIBUS.

Quia plurima circumferuntur naufragorum & suffocatorum aquis qui ope Divi STANISLAI iam periculo iam morti erepti sunt, exempla: idcirco separatim ea complecti capitulo volui. Sane Divus hic sin-

gulare quoddam videtur sortitus esse privilegium quibusvis in liquido elemento periclitantibus, imo & morientibus succurendi: cum illis securitatem, his vitam absq; numero legatur & audiatur reddidisse. Glorietur Neptunus apud Maronem datum sibi esse *imperium pelagi seculumq; tridentem*. Gaudeat fictitio sceptro fictitium Numen; extra fabulas est quod Beatus STANISLAUS à CERISTO cui *data omnis potestas in celo & in terra* obtinuerit in mari potestatem ut ad nutum eius, æquoris iræ subsideant, fluctus conticescant, venti folles suos cōprimant, optata redeat malacia. Quos mare glutit, eo iubente in littus evomuntur; quos vortex absorbit, in placido aquarum dorso ad portum deducuntur; quos velut vtres undæ repleverant, nimio humore exonerantur; demum eo rogante spiritus qui ferebatur initio mundi super aquas, vitæ restituit spiraculum iis quos aquæ suffocarunt. Grammata & literas nominis Divi STANISLAI si permutes, insulam habebis. Insula est D. STANISLAUS cuius honori illud adscribas.

*Insula STANSLAUS: pelago si naufragus erras,
Hanc pete remigio, salvus erisq; precum.*

Huius beneficio remigij e periculo quin & e mortis velut immanis Ceri ventre enatarunt quam plurimi. Non omnium sed aliquorum subtexo cathalogum.

§ I.

Tempestate jactati in vadum proiciuntur.

IANUS Vir Nobilis ex Iaroslao Patre cum Henrici Fratris sui filio, & Petrus Clericus, qui Bononiæ juri Canonico operam daturus socium se prioribus adiunxerat, Romanam pe-

nam petebant limina Beatorum Apostolorū Petri & Pauli visitaturi. Aquileis, ubi plures Romipetas nacti, Venetias navigantes non se alto credebant mari sed prope litus velificabant securitati suæ hoc modo prospicientes. At nulla in mari securitas. Subitò glomeratæ nubes diem cælumq; eripiunt: ventorum violentiâ clavis antennaq; stridens frangitur: tumidis hinc inde iactatur navis fluctibus: laxisq; laterum compagibus irruentes admittit undas. *Deficit ars animiq; cadunt totidemq; videntur.* Ovid: ii
Quot veniunt fluctus, rueret atq; irrumpere mortes. Ad merant.
 vota miseros ultimus coegit timor. Varij varios Divos Tutelares, alij S. Iacobum, alij S. Nicolaum, alij S. Martinum, Poloni S. STANISLAUM prout cuiq; devotio patria suggessit invocabant. Tum Petrus Clericus prolati quæ secum portabat Divi STANISLAI lipsanis cæteros bono esse jubet animo: en, inquit, nobiscum est cuius suffragia imploramus. servabit clientes suos. non sinet naufragium pati supplices suos. Universi in spem meliorē erecti solius post modum Divi STANISLAI nomen in ore habebant. Dum precationibus insistunt, turbo vehementior allapsus triremem sustulit & pene in ictu oculi ad vicinum arundinetum proiecit. In vadosa palude respirarunt eieci donec rediret tranquillitas: qua tandem velut sub halcedonijs favente Venetias applicuerunt Divi STANISLAI nomen prædicantes.

§ II.

Mersa emergunt.

ANDreas Damiani filius districtus Vratislaviensis Ensisfer, de uno pago proprio in alium transitarus, iussit ut ante se prius nutrix cum infante & puella quadrienni
 in sca-

in scapha ad alteram fluvij pagos interfecantis partem deportaretur. Impactus in publicam sub aquis latentem lembus, & remigem & quos vehebat excussit. Parentes qui in ripa stabant & acerbissimum videbant spectaculū flere eiulare lamentis littora replere oculos manusq; in cælum levare. Beatum STANISLAUM invocare cæperunt. Mox portitor natando evasit: nutrici & infantulo brachiis baiulæ implexo in naviculis succursum: sola puella dum aquarum vehementiâ in præceps rapitur, submersa est: extracta ex aquis, per horas aliquot absq; ullo vitæ indicio iacuit, tandem post multas Parentum ac congregatæ multitudinis preces Beato STANISLAO porrectas, aquâ ex corpore erumpente oscitavit, oculos aperuit, & ad plenum revixit. Filia item Catharinæ Viduæ de Zakrzewo Cracoviam per Vistulam pergens, adverso, ad Cymbam qua ferebatur illiso culpa heliciariorum navigio, eiecta in flumen ac propter pondus quod dorso alligatum gestabat depressa ad fundum, quia a muliere e ripa prospectante S. STANISLAO commendata est, prodigiose enatavit.

§ III.

Pueri submersi resumunt spiritum.

DAntisci dum puerulus trimus in ponte ludit, in Vistulam rapido sinu præterlabentem decedit: qui non nisi post longum tempus ab urinatoribus inventus, pallidæ mortis referebat imaginem. Parentes in gemitum & clamores effusi totam Civitatem ad sui commiserationem pertraxerunt. Et quia inclitum STANISLAI nomen, iam tunc antequam fastis Sanctorum inscriptum esset Pomerniam pervaserat, tota illa fluminis ora nomine STANISLAI resonabat. Et ecce e puero velut canali aqua exilit, os

mover

movet puer, suspirat ac livore tumoreq; evanescente in pedes confurgit & cum Parentibus ac confertissima turba miraculi novitate suspensa domum graditur. Exinde gentes Oceano Sarmatico conterminæ magis magisq; D. STANISLAUM honore & cultu prosequébatur. Juvenis item quidam submersus & ferme per unam horam sub aquis hærens, mente ad D. STANISLAUM suspirans enatavit, & sanus ad Rupellanam Ecclesiam venit cum cereo staturæ suæ commensurato. Et filiulus Annæ Branecka in Palatinatu Polesiæ ex lusu in puteum lapsus submersusq; vitæ suæ restauratorem agnovit D. STANISLAUM Anno 1643. ut videre est Petravini inter anathemata Ecclesiæ.

§ IV.

Vidimus insuper puerum nomine Stanislaum ex Parentibus Regina & Alberto Przytułkiewicz progenitum qui Anno Dñi 1688. dum in glareâ penes Vistulam Cracoviæ mœnia alluentem cum altero apricatur coætaneo, in fluvium prolapsus est. Ad horæ circiter unius spatium in imo aquæ latuit donec Mater longiorem infantis mirata absentiam quærere cum cepit in loco quem sciverat ipsi familiarem. Conspicata sub aquis (neq; enim profundæ erant) filiolum, in fletum & lamentationes prorupit magnamq; hominum densis cuneis ad Rupellam devotionis ergo commeantium traxit ad se ceteram. Mortuus ex æmne exportatus pueri maternos auxilii eiulatus. Quibus demum salutaris suavis interruptis, una cum iis qui aderant genuflexa mulier dum pro salute filij D. STANISLAUM precatur, in brevi tempore ad vitam animatum suo e cepit amplexu. Eventū hoc, ipso statim quo contigit Divi STANISLAI die inter solemnia Vespertini officij tanquam prodigiosum publicatum

blicatum est ex rostris Ecclesiæ Rupellanæ. postera verò luce parens uterq; cum puello lumen prægestante supplices ad aram Beati Martyris Divinæ Maiestatì egit gratias.

§ V.

ANno 1438. in Peruigilio Sancti Petri ad vincula Cracoviæ Agnes Skrzynska Alutarij uxor, lota in labello infantula & in stramentis collocata, ipsa quoq; se ad quiescendum hora meridiei posuit. Filiola interim de stratu suo reptans margines scaphulæ apprehendit ceciditq; in aquam capite deorsum & suffocata est. Mater expergefacta esto filiam in suo loco non videret, nihil mali evenisse putabat eò quod à gerula acceptam existimaret: iterum itaq; obdormivit. Tandem cum sufficienti somno indulisset, confurgens jubensq; aquam effundi advertit filiulam mortuam nigro panno ex sanguinis coagulatione perfimilem. Impos sui facta sed confestim a deliquio per vicinas mulieres allapas recreata, obtestabatur Sanctum STANISLAUM ut vitam infantulæ redderet, & pœnas quas à marito sibi metuebat infligendas à se averteret; cum subito puellula colorem pristinum recipere & circa pectusculum vitalem edere incæpit motum. Mater itaq; maiori iam fiducia in Rupellam properat pupam brachiis insertam portans, suaq; ibi repetit lamentabiles orationes. Cantabatur tunc in Ecclesia hymnus Ambrosianus *Te DEUM laudamus* sub quo velut è somno evigilans puella caput movere visa; post finem cantici sana de integro & incolumis facta.

§ VI.

In mari periclitantes servantur.

ANno 1440. Eo tēpore quo Eugenius Papa IV. Conciliū Ferariæ celebrabat duo Canonici Cracovienses pestem in Ita-

in Italia grassantem fugientes Ioannes Pniowski & Clemens Nawoiowski Venetias movebant. Retinuit festinantes autumnalis intemperies aeris, ventorumq; frequentium acerbitas, propter quam in Oppido Kluscha ditioris Veneticæ diutius subsistere coacti. Moræ diutioris pertæsi Nauclerum sollicitant, & molesto urgent rogatu quatenus navem cum illis solvat. Recusat hic periculi præsciis, compellunt illi. Ducta in altum navi, subito mare fervere, fluctus intumescere, venti pontum terramq; miscere, cælum aspectui eripi. Intentabant omnia mortem. Tunc si quando devotos se Canonici exhibuerunt, vitam suam patrocínio Divi STANISLAI committentes. Nec vacua in sinum eorum redivit oratio. Multæ licet naves & rates in eorum oculis absorberentur, ipsi feliciter ad portum appulerunt. Pari gratia in mari Adriatico Anno 1593. die 21. Aprilis servatum Reverendum Dominum Adalbertum Sepricium testatur votiva tabella in Ecclesia Rupellæ.

§ VII.

Mulier a carnifice submergi non potest.

ANNO 1434. die 12. Mensis Maij Cracoviæ. Mulier in crimine recenti deprehensa, sententiam submersionis sui audit. Ducta ad pontem e quo in Vistulam præcipitaretur, quia inde Ecclesia Rupellana e regione videndam se offert devotis suspiriis se B. STANISLAO commendavit, spondens si servaretur, de cætero se vitæ emendationis studiosam fore. Saxo itaq; ad collum alligato revinctis post terga manibus de ponte deiecta est. sed mira DEI ope, lapide illo moleq; corporis nequaquā gravante ferebatur supra aquas, ripaq; adnatabat. Re-trudebat eam à littore carnifex & per quatuor circiter stadia nantem submergere conabatur. Ad spectaculum de-

fabatur populus & e stipatis portis frequentior turba proruebat, ut migrare videretur Civitas. Cum licetor lassus & anhelus operam perderet, nec tamen a protervo desisteret labore, ad vindicandam faminam multitudo prospectantium armari cepit. Omnis ætas & sexus carnificem fugabat, cætuq; in circulum cœdente non credebat pene unusquisq; quod videbat. Manibus spectantium educta in continentem, alta voce agebat gratias B. STANISLAO statimq; ut erat ligata, cum fatali collipendio ad Rupellam festinavit ibiq; in monumentum miraculi sanum reliquit.

§ VIII.

Res & persona salva ex fluvio educuntur.

ANno 1464. Ad nundinas Cracovienses Hedwigis Joannis Langno Civis Leopoliensis consors, una cum Barbara puella novenni ibat, currum habens varijs onustum mercibus. Ad Oppidum Pilsno postquam venisset, fluvium Wisłoka dictum transmissura, nullum reperit pontonem. Per crepidinem igitur ascendebat æstimans in Superiori ripa opportunū se inventuram traieciū. Litus interea curru gravatum (a quo longius recedere cassā monitione aurigæ præceperat) rumpitur res omnes & personæ in profluentem præcipites aguntur. In ipso everisionis articulo Sanctum STANISLAUM invocabat Hedwigis, præsensq; agnovit beneficium ad oram allapsa. Rebus deinde extrahendis intenta, nihil minus quā de filiola submersa cogitabat. Tandem cum iam cursum ordiretur recordata Barbaræ, cum gemitu & famineo ululatu ad Divum STANISLAUM preces ac vota multiplicat: qui sibi reddidit vitam, redderet & filiam partem utiq; animæ suæ, sine qua vivere non posset. Cumq; ho-

mines

mines suaderent de quærendo & tumultando potius cada-
vere, quam de vita filiolarum sollicitaretur, illa nequaquam
oculos a loco in quo naufragantem conspexerat, dimove-
bat millies milliesq; nomen Divi STANISLAI ingemi-
nando. Nec spes eius confusa est, nam filia è fundo ele-
vata, supra aquam apparuit, & viva quidem imò verò
ac si in solo non in falo esset, stare videbatur. Mater in-
credibili perfusa gaudio quantocius liburnas conscendi
iussit & puellam ad se deportari. Cracoviæ miraculum
pervulgavit, sacrum de Sancto cantari in Ecclesia Cathed-
rali fecit, liberalemq; largitionem reliquit.

§ IX.

ET Ioannes Kołucki Petravini recognovit se D. STA-
NISLAI ductu cum proximus naufragio esset pericu-
lum superasse Anno 1625. Similiter Andreas Radolinski
ex districtu Chełmensi anno eodem. Simon Rozember-
ski Medicinæ Doctor. Anno 1628. Ioannes Osowski An-
no 1661. Magnificus Dominus Georgius Słupecki Ca-
stellanus Lublinensis. Anno 1661.

C A P U T IV.

ENERGUMENOS MUNDATOS EXHIBET.

Vigilantius aut verius Dormitantius hæreticus ævo
Divi Hieronymi spurcissimum putorem contra Mar-
tyrum reliquias ore fætido exhalabat, immundas
eas & nullo dignas honore dicens; nosq; qui eas exoscu-
lamur, cinerarios & idololatrias vocitans. Monstrum hoc
devicit Hieronymus & stylo acuto argutoq; duobus com-
prehenso opusculis confodit. Inter alia quibus blasphem-
iam repressit, illud est, quod in pulvere quem vilissimū

vocat Vigilantius tanta sit signorum virtutumq; præsentia, & quod spiritus immundi hoc vilissimo pulvere sæpe torti sint hodieq; torqueantur. Præoccupans deinde responsionem hæretici ait: *Quodsi forte in morem gentilium impiorumq; Porphyrii & Eunomii has præstigias demonum esse consingas & non vere clamare dæmones sed sua simulare tormenta: do consilium, ingredi basilicas Martyrum & aliquando purgaberis: invenies ibi multos socios tuos & tunc fateberis quod nunc negas.* Sane per quam verum est Hieronymi oraculum cineribus Martyrum torqueri dæmones, ut ipsi quoq; Acatolici hodierni in quibus dudum mortuus vivit Vigilantius, fatendi id necessitatem habeant, si ad sepulchra athletarum Christi non curiose sed religiose accedant. Audient immanes rugitus quos in præstigias dæmonum referre, temeritas aut impudentia est: hominum imposturæ & simulationi adscribere, iniustitia. Quanquam enim fieri potest ut quis vel quæ malitiose insaniat, capitis amictum abiiciat, rotet crinem, stridat dentibus, spumas agat ex ore, eiulet ac vociferetur tormentaq; simulet quæ non patitur: tamen aliquorum error non est omnibus imputandus, & paucorum culpa non vitiat religionem. Pulvisculus e corpore Divi STANISLAI vilis in opinione hæreticorum, pretiosus in conspectu DEI, quantum terreat malignos spiritus, fama ipsa magnalium eiusdem sancti buccinatrix sat clare pronuntiat: quodsi negas aut certe ignoras quod fama loquitur, vade ad sepulchrum D. Martyris & ibi discas multos tartareos spiritus non contactu tantum, sed etiam solo desiderio contingendi pulveris sacri territos ex obsessis excessisse corporibus. Interea uno & altero testimonio contentus esto.

§ I.

Petrus Petricius adolescens energumenus, cum furore gravi agigaretur, domi ad columnam lapideam alligatus est: sed nullo negotio ruptis quibus stringebatur loris solus pyramidem loco movit, evertit, concussit: cum tamen movendæ illi moli vix octo robusti suffecissent viri. Non catenas, non compedes, non claustra ostiorum integra patiebatur. In Ecclesiam si quando ducebatur, virgis & verberibus coerceri debuit ne obscæna & insulta proferret verba. In tam validis & plusquam Herculeis viribus metus erat incredibilis, quem occurrentes ipsi in varijs pecorum pecudumq; formis & mortem minitantes dæmones, (verane visio an potius imaginatio fuerit, dubium) incutiebant. Moti aliquando miseratione homines suadent dum serenior & pacatior esset, nomen Beatissimi STANISLAI inferno formidabile invocare. Fecit, moxq; voce elata: Quid, ait, vinculis catenisq; ligatus teneor cum hac ipsa hora a padedris infernalibus liberum me persentiscam? Solutus itaq; ordinem liberationis suæ adstantibus narrabat in hunc modum: Sanctus STANISLAUS assumpsit me in supercilium excelsi montis ibiq; omnia a me abegit dæmonia & redire prohibuit, hæc q; locutus mihi: Ego sum STANISLAUS Episcopus Cracoviensis. Deo age gratias & cum benedictione mea vade in pace. Facta demum confessione peccatorum & Sacrosancta Eucharistia percepta, a vexatione dæmonum immunis deinceps fuit.

§ II.

Mulier quædam Cracoviensis infestabatur a dæmonio, non quidem ita ut laceraretur & torqueretur in membris ad instar aliorum arreptitiorum, sed quod præ amentate

etate nec cibum sumere nec quiescere posset. Nihil libebat, nihil placebat. Sola mors votum fuit miseræ. Parvum hoc fortasse dæmonium erat, quo nomine medici melancoliam hypocondriam vocitant: qua vexata mulieres à dæmone se infestās arbitrantur. Vovit afflicta Beati STANISLAI Rupellanas ædes invisere, & post votū pristinis liberatā est ab angoribus.

§ III.

Thomas Brożek de Villa Bisczá Sylvarum custos græci ritūs, per biennium à malo genio obsessus gravissima patiebatur tormenta, crescente potissimum vel decrescente lunā. In iugi manebat mortis periculo. Quippe orcinus ille agitator submergere miserum crebro tētabat, sicut & Alexium Thomæ fratrem ante aliquot annos submerferat. Nec personæ solum verum & bonis eius nocebat. Nam de pecoribus ac domesticis alitibus decimans, semper aliquid quovis mense mactabat. Affulsit tandem Divinæ miseratio pietatis calamitoso homini, quando per somnum in specie honorabilis viri stola oblonga ornati communuit eundem, precibus Divi STANISLAI se commendaret, & Ecclesiam eiusdem peteret, si ab immundo spiritu purgari vellet. Ad oratorium ergo Petravinense ex resurrectione triennalis mortui per Sanctum STANISLAUM eo in loco facta famosissimum, præmisit cognatum suum pariter dæmonio infestum: subsecutus ipse. Ambo post confessionem & sacram synaxim curati Anno Dñi 1626. Idem ab eodem Divo accepit liberationis beneficium Hedwigis Grzywaczowna Petricovienfis à Cacodæmone per malitiā sagarum possessa. Memorem beneficij tabellam appendit Petravini Anno 1627.

VITA SANCTI STANISLAI,
C A P U L V T V.

65

Apoplecticorum & paralyticorum curatorum, exempla proponuntur.

GRanum sinapis & in scripturis sacris & in medicorum scholis celebratur. Istæ contra paralyfim quæ nervorum resolutio est in una corporis parte: & contra apoplexiam quæ totius corporis dissolvit articulos, salubrem prædicant; illæ regno cælesti assimilant & miris extollunt laudibus. *Regnum calorum præsentis temporis Ecclesia*, dicitur à Divo Gregorio. Quivis itaq; fidelis in gremio Ecclesiæ velut in horto rationali constitutus granum sinapis debet esse. Granum memoratum est quantitate parvum, virtute fervidum, incremento magnum: & fideles humilitate pusilli, affectu inflammati, studio perfectionis Christianæ præcelsi nisi sint, inter flaccida olera ac herbas inutiles cõputabuntur. Præcipuo autem nomine Episcopi grano sinapis ex virtutum arbusculæ huius in suis animis expressione comparantur. Minimi sunt cæteris, dum monitum illud adimplent: *Quanto maior es humilia te in omnibus*. fervent calore fidei quia omne pravum dogma exurgens quod peculiariter officij ipsorum est, statim exurunt. fervent calore charitatis in Deum, cuius cultum promovent; & in proximos, quos refrigerijs fovent necessarijs. Mordaci in super sermone usq; ad lachrimas peccatores compungunt; tandem dignitatis gradu omnibus supereminet & in ramis protectionis ac defensionis suæ Diocesanos sustentant. Granum tale fuit Beatus STANISLAUS quia minimus erat & præ cæteris virtutibus humilitatem colebat. ferventissima ardebat charitate, quam aquæ multæ tribulationum & persecutionum nullatenus valebant extinguere.

Grani sinapis laudes.

Grano huic comparantur fideles.

Episcopi.

S. Stanislaus.

Glossa in Math: 13. *fides* (ait) *perfecta grano sinapis cō-*
paratur quod in facie est humile & nullarum virinum ap-
parens sed pressuris tritum quantū intus fervecat osten-
dit. Et Divi STANISLAI fides pressuris trita fervoris
 sui monstravit exuberationem. Mordax erat Boleslao in
 admonitionibus ac prædicationibus: sed mordacitas hæc
 medicinalis fuit. Nisi saxeus fuisset Boleslaus, mordacitas
 ista salutare ex eius oculis elicuisset lachrimas. Deniq; in
 altissimā crevit arborem ut sua altitudine cælos superaret.
 Redeo ad id quod initio dixeram. Sinapi tritum virtuosius
 est, & paralyticis ac apoplecticis mirifice succurrit: etiam
 Divus STANISLAUS, gladijs persecutorū tritus ac com-
 minutus, in medicinam paralyfis ac apoplexiæ omnigeno-
 rumq; morborum transit ut videre est ex sequentibus.

§ I.

Iudith fæmina consors Nicolai de Cosmirow Diæcesis
 Cracoviensis, a 21. Maij ad primam Octobris lecto te-
 nebatur. In infirmitate paralyfi tacta manus sinistra pe-
 diq; usu destituta est. In somnis venerandum virum
 albo indutum Epitogio vidit, qui monebat ægram ut Be-
 ato STANISLAO se curandam committeret. Experge-
 facta invocat Sanctū. mira velocitas? adhuc verba in ore
 precātis voluebātur & iam mēbra stabilita infirmā in pedes
 erexerunt.

§ II.

Agnes quædam filia Villani hominis in Cracoviensi
 diæcesi paralyfi dissoluta, speciem & formam priorem
 ore oculis & pedibus a sua rectitudine detortis, planeq;
 omnibus membris propter nervorum resolutionem e lo-
 co motis perdiderat. Ducta ad Ecclesiam Iaszell Parochiæ
 suæ com-

suæ commendata est à matris parentibus Parocho, ut eam spiritualibus iuvaret amuletis, cui humanum succurrere nequibat subsidium. Habuit is in Ecclesia sua Reliquias Sancti STANISLAI sericeo tectas velamine. His inter orationes & exorcismos infirmam signabat, per tres dies pi-um laborem continuans: cumq; tertia die solitas preces & signationes cum applicatione memorati velaminis super ægram faceret, illa gravata somno caput in sinum maternum reclinavit. Quietis itaq; causâ domum deportata est: at prius sana, quam domesticos penates salvavit.

§ III.

Etiam in Oppido Skarbimiriensi, fæmina cui Catharina nomen ex paralytis aut verius apoplexiæ affectione manus pedesq; inutiles nec prorsus officio suo aptas habebat. Caput præterea acutissimis vexabatur doloribus. Os Vehementiâ morbi contortum, auriculam deformiter aspiciebat. Plane monstro monstrosior videbatur mulier: Opem cuius spes nulla affulgebat in terris è cælo quærendam rata; in Festo S. Floriani Cracoviam ad-vecta ante sepulchrum Beati STANISLAI biduo oravit. Tertia die, dilata ipsius desideria creverunt, & crescentia obtinuerunt quod volebant. Nam & deformitas oris & capitis dolores & totius resolutio corporis Catharinam reliquerunt. Sana Skarbimiriam rediit, beneficium acceptum ubivis divulgando.

§ IV.

Vitkerus Civis Cracoviensis ex Alemania oriundus duos habuit filios, Gerardum vnum, Richoldum alterum: felix quòd prolem haberet; miser quòd morbosâ.

Gerardus enim paralyticus, Richoldus epilepticus erat. In utriusq; filij pressuris vehementius cruciabatur ipse parens, quippe unitus amborum natorum dolor fortius paterna rodebat viscera; magis tamen Gerardo quia absq; intermissione patienti compatiiebatur. Eo vis morbi in Gerardo quadrienni provecta fuit, ut præter loquelam ademptam, præter tangendi & ambulandi ligatam facultatem, etiam omnem capiendi cibi appetentiam ægro abstulerit. Quocirca infirmus 20. diebus absq; cibo & potu mansit, sorbitione tantummodo aquæ quam ex strophilo madefacto fugebat, spiritum refocillans. Vicinam filij mortem nulloq; humano præsidio propulsandam æstimans pater, ad Ecclesiam arcis Cracoviensis cum suspiriis & singultibus venit, votaq; ad D. STANISLAUM fudit post quæ domum regressus, filium qui iam plane animã agebat, loquentem ambulantem & operantem invenit. Præ gaudio extra se raptus ac in maiorem assurgens fiducia, non modo gratias egit pro Gerardi sanitate verum etiam eandem Richoldo, quem comitialis morbus singulis ferme diebus nec semel sed aliquoties per diem iactabat & miserandum in modum collidebat, precatus est. Plenum gaudium ex utriusq; incolumitate consecutus, vota reddidit, & munus quod appromiserat, unã cū consorte & liberis salvis, Divo STANISLAO gratificans obtulit.

§ V.

Sophia Ligezianka Anno Dñi 1624. Albertus Kostka ex Villa Sadlo Anno 1628. Ioannes famulus cuiusdam incolæ Petravinensis Anno 1648. ut tabulæ Ecclesiæ Petravinensis testantur ad implorationem Beati STANISLAI à paralyfi sanati sunt.

De ijs qui in pestilentia servati sunt.

Cicero libro 1. de Natura deorum meminit quòd antiquitus hostiarum immolatarum exta inspici solebant ut ex eorum habitu atq; colore cum salubritatis tum pestilentiae signa caperentur. Vanum hoc & fallax gentilismi augurium fuit: Sacra hostiarum immolatarum, hoc est Sanctorum Martyrum exta cineresq; ipsos si debita cum veneratione inspiciamus, non omen modò verum & rem ipsam salubritatis referemus. Plinius lib: 7. cap: 50. Senes non sentire pestilentiam asserit. Sit fides *Senes pesti-* penes authorem: ego iuvenes æque ac senes qui devoti *lentiã non* sunt ad Sanctum STANISLAUM vel non corripì lue. pe- *sentiunt.* stifera vel correptos servari autumo. Iuxta eundem lib: 2. cap: 96. Locris & Crotone pestilentiam nunquam fuisse notatum est: observatum & apud nos, in locis personisq; Divi STANISLAI protectioni creditis contagio- *Loca pestis* nem pestis vel non fuisse vel mox salvis personis exce- *expertia.* sisse. Ne asserere duntaxat & non probare videar, uno alterove dicta confirmare volui documento.

§ I.

Martinus Dzierżawá lue tabida infectus postquam monumentum Beati STANISLAI se visitaturum spondit pestilentiam in salubrem corporis commutavit habitudinem. Gratus beneficij destinatam absolvit peregrinationem & anathema cum expressione gratie ac propria recognitione in Rupella reliquit. Anno Christi 1589.

§ II.

Rupella in peste salva.

Ovid: in metamor. **A**Nno 1662. Dira lues quando (Cracias (vitiave-
rat auras:

Pallidæq; exangui squallebant corpora morbo,

Cæteris Patribus ad alia domicilia iussu Superiorum dilapsis remanserant in Rupellano cænobio Hieremias Modlisz, Baltasar Nowogorski, & frater conversus Andreas Siarczynski. Hi cum omnibus Parochianis immunes fuere contagiosæ calamitatis. Quamquã enim in toto Cracoviensi territorio & cunctis Parochiis pestifera lues funeribus miscebat funera, Rupella tamen cum Universis quos cura spiritali complectitur, peculiari præsidio Angeli custodis & Divi STANISLAI a malo invincibiliter servata est, ut in actis memorati Cænobij fidei notatum calamo. Anno quoq; 1677. & sequenti quos pestilentia atrocitas funestaverat, à Religiosis Rupellæ habitatoribus quantumvis aliqui in evidenti forent discrimine ut ipsemet post repurgatas à contagione auras ab illis audivi, & non aere solum corrupto verum & proximorum morticinorum nidore affarentur, nemo efflavit animam. Unicus Pater Benedictus Uher ad curam animarum & servitia infirmorum expositus in pio illo officio vitam mortalem cum immortalis commutavit ut qui eligebat denarium gloriæ æternæ pro laboribus accipere quam vitam sibi ad ultiores sudores prorogari.

§ III.

*Ex anatbe
matib; Pe
travinen-
sibus.*

ERasmus Kretkowski Cracoviensis Canonicus confisus protectioni Divi Martyris regionem in qua pestis debacha-

bachabatur peragravit Anno 1620. Paulus Velicki domū peste infectam ingressus, interpellato Divo STANISLAO nihil nocuenti sensit Anno 1624. Hic accensenda Villa Horbow à contagione & crebris funeribus liberata: & paræcia Opoliensis quam recursum ad Beati STANISLAI suffragia facto bullientis circumcirca mali expertem fuisse testatur Dobielovius Parochus Opoliensis in sua Apêdice.

C A P U T VII.

FEBRES SANATÆ PRODUCUNTUR.

IN variorum morborum examine etiam febres non postremum sibi vendicant locum, ut quæ non solum torquent, sed & mortem accelerant. Periodicas vocant, quæ statim temporis periodo accedunt & recedunt: veluti sunt quotidianæ, tertianæ, quartanæ. Curatas à Christo legimus. Ioannis 4. filius reguli cuiusdam ardore æstuans febrili, incipiebat mori in Capharnaum: Pater ad CRISTUM accurrens *descende* (inquit) *priusquam moriatur filius meus.* CRISTUS operatorio sermone petitionem reguli excepit: *Vade filius tuus vivit.* & hac ipsa hora imò hoc ipso temporis puncto reliquit infirmum febris. Lucæ 4. Socrus Simonis tenebatur magnis febribus: quia rogaverunt discipuli pro ea, ad mandatum CRISTI recessit febris. Magnis etiam annis febribus uterq; sexus frequenter calet: felices sumus si patres nostri & discipuli Domini (Sanctos intelligo in cælis regnantes) interpellent pro nobis, si precantur, *descende priusquam moriatur filius meus.* descende descende, suæ virtutis quæ æterna est nec unquam deficit: sane velocius nobis eiusmodi interpellationes salutem adducerent quam à pharmacopoliis porrectæ potiones. Quot ad

inter-

interpellationem Divi STANISLAI CHRISTUS febricitantes sanaverit, numerum scire solius est, qui sanitatem operatus: paucula duntaxat quæ ad notitiam nostram pervenire potuerunt exempla subijcio. Haud verò improporcionatum merito B. STANISLAI præmium, compressio calorum febrilium est. Sectio venæ sanguinisq; diminutio ex placito medicorum febrientibus medetur. Idem corpus cum capite, Patre, Pastoreq; nostro Divo STANISLAO in CHRISTO constituimus: quidni ergò apertio venarum eius & sanguinis uberrima effusio proficua nobis sit nostrosq; immodicos refrigeret æstus & febres abigat.

§ I.

Tres febricientes convalescunt.

MArcus Civis Cracoviensis è febribus post votum visitandi sacra Rupellæ adita convaleuit. Magdalena pariter Cracoviensis Mulier quæ febribus ita confracta erat ut plane exanimis longiori temporis intervallo iaceret, ad se reversa postquam juravit se ad Rupellanas Divi STANISLAI ædes religionis ergò lituram sanata est. Et infantulum Mathiæ Kiecher medio Anno febricentem, immoderatus & vitalem ex infantilibus venis absument humorem calor post directa a parente ad Rupellā vota dimisit.

§ II.

QUOD sequitur, Epigraphe est Anathematis cuiusdam inter anaglypta Divi STANISLAI in Rupella appensi: *Divo STANISLAO inclyto Regni Patrono quod sibi in gravissima febre sanitatem impetraverit, votum reddit Andreas Tárto de Sczekárzewice Canonicus Cracoviensis Decanus Opatoviensis. Anno 1615.*

§ III.

§ III.

Indicem eorum qui in hemitritæo & aliarum periodorum ardoribus se invocatione Divi Martyris curatos, Petravini testati sunt strictim pono. Nicolaus Skárszewski Anno 1607. Nicolai Komorka Petravinensis coloni filia nomine Marina Anno 1620. Albertus Ziołko Anno 1622. Stephanus Chochrcynski de Łaziská Anno 1624. Zophia Zaręmbina Anno 1632. Ioannes filius Remigiani Kiełczewski, Anno 1639. Stanislaus Kołucki, Anno 1646. His adnumeratur Catharina Skrzyniecka, quæ volæ manus incaute transfixa, sacro igne æstuabat. A medicis de eius vita desperantibus relicta, dum Petravinum ire statuit rubore caloreq; virulento abscedente sanam se mirata est.

§ IV.

Stanislaus Łozá Decanus & Officialis Luceorienfis Præpositus Tycocinenfis Iudex Tribunalitius, propitia Divi STANISLAI ope à maligna febris & vitæ discrimine liberatus beneficium recensuit votumq; quo se obstrinxerat reddidit. *Ex manuscriptis Rupellanis.*

§ V.

Matthæus Wyrzychowski, (propriam hominis recognitionem ex ephemeris de gratiarum Sancti STANISLAI mihi à Rupellano Conventu porrecta excerptam pono) genere nobilis, ordine Sacerdos, gravi diuturnaq; conflictatus febris iam mihi supremum adesse opinabar diem. Deo interim divisq; me commendans somnum inter & vigiliam aditare mihi decumbenti Beatum STANISLAUM conspicio, monereq; ut si incolumis esse velim, Petra-

K

vinum

vinum iter inire statuat. Expergefactus votum nuncupo, preces adjicio & ecce salutem spe maturius recuperō. Quare opis præsentis memor voti religionem exolvi. Anno 1631.

§ VI.

Simile est illud quod ad eundem annum tabulæ Petravinenses referunt. Christina uxor Stanislai Wstępien de Wronow in incendijs febrilibus obdormiscens, vidit virum candidis amictum vestimentis, qui apprehensa Christinæ dextra hæc locutus. Ego sum Petrus quem resuscitavit Divus STANISLAUS. Moritura eras sed meritis Divi STANISLAI vita tibi prorogabitur, modò sacellum Petravinense visites. Igitur cum marito ad sacellum properavit testemq; gratiæ acceptæ notam in eo reliquit.

C A P U T VIII.

CAPITIS LANGUORIBUS VEXATI SANANTUR.

Post digestas curationes morborum toto corpore ferocientium, ad singulares ægritudines, quæ singulatim varias corporis humani solent partes afficere, nomine Numineq; Divi STANISLAI invocato abactas descendendo. Caput nobilissima parvi mundi pars, omnium sensuum & nervorum per quos spiritus animales in membra derivantur arx, visceris excellentissimi sine carne sine cruore sine sordibus, cerebri nimirum sub cælo suo servatrix: ut reliquam corporis structuram dignitate superat, ita & morborum gravitate. Maximas infirmitates asserunt medici à capite descendentes: quibus sanandis varia præscribunt antidota. non damno, non vituperō & præscribentes & recipientes: at primum refugium nostrum ad superos esse debet. 4to: Regum cap: 4. Sumamiti-

namitidis filius in agro ægrotare cæpit. *Caput meum doleo caput meum doleo* patrem inclamabat, pater duci cum ad matrem imperavit: mater in gremio fovit. nihil tamen materna profuit sollicitudo; mortuus puer in sinu genitricis: nec ad tabulas viventium rediisset, nisi prudens Sunamitis in lecto Elisei collocasset extinctum, ipsiusq; Elisei adiutorium poposcisset. Eliseus Sacramento nominis sui idem significat, quod *Deus salvans*. Ex hac proinde narratione instruimur, in capitalibus & quibusvis alijs pressuris ante omnia recurrendum nobis esse ad Divinum auxilium, non ad humanæ artis subsidia, quæ haud rarò spem nostram ludunt, & non nisi crumenam emungunt. Salvat porro nos DEUS in ægritudinibus nostris, tum per se, tum per instrumenta salvatricis virtutis suæ, sanctos nimirum, seu adhuc in terris peregrinantes, seu iam in cælesti beatitudine quiescentes. Lege sequentia & videbis multos in capitis doloribus & in phrenitide, quæ (iuxta Galenum lib: 3. de locis affectis) fit ex inflammatione membranularum quas menyngas vocant, non ad fomenta humana curamq; quantumvis maternâ, sed ad lectum Elisei, hoc est ad sepulchrum Divi STANISLAI recurrentes & doloribus & morti ereptos esse.

§ I.

Phrenetici cuiusdam visio & salus exponitur.

MArtino de Lantkowice infirmitas gravis læserat organa capitis: propter quod in phrenesim actus, varias obvijs inferebat noxas; iam morsu, iam pugnibus, iam calcibus, iam præuultis sudibus, & quæ ad manum habere poterat armis lædebat occurrentes. Necessè proinde fuit ligari ipsum catenis funibusq; sic ligatus per 15. dies

in furia mansit. Tandem sextodecimo die lucidum intervallum nactus suspirare cæpit ad Beatum STANISLAUM eiusq; se precibus commendare atq; adstantibus desiderium suum visitandi sepulchrum eius intimare. Ductus ergo in vinculis, 4. diebus ac noctibus excubabat penes Ecclesiam Divi Martyris: quartæ noctis conticinio dum sibi somnus obrepset, vidit B. STANISLAUM Pontificalibus vestitum dicentemq; audivit: *Veni mecum & liberaberis.* Expergēfactus visionem narrat solviq; postulat sed in casum. Denuo itaq; consopitus somno vidit duos viros quasi ipsum ad Beatum STANISLAUM vocantes. Interea verò videbatur sibi consurgere & cum viris illis Ecclesiam ingredi in qua B. STANISLAUS Casula ornatus ac librum tenens stabat, ad quem cum propius accessisset, hīs ab eo in visione illa compellatus est. *Tu ne ille es qui afflictionem furoris patris?* quo annuente: *modicum* (inquit) *expecta & qua intueberis, meminisse cura.* Interim quasi in scænam prodibant varij variorum statuum homines diversorum cruciatuum præferentes simulacra. *Isti sunt* (subiecit Divi STANISLAI imago) *isti sunt ex gente Polona non bene morati homines: alij falsis testimonijs, alij iniustis judicijs & legum sanctione iniquarum, alij pauperum oppressione, alij ventris ingluvie ac libidine, alij demum variorum flagitiorum nequitijs notati propter quas damnationem & tormenta ijs quæ spectasti graviora meruerunt.* Age commune ipsos ut per pœnitentiam sibi consulant & delictis valefaciant. Sed & tu noli amplius peccare ne deterius tibi contingat. Evigilans Martinus rationis compos cuncta quæ viderat & audiverat in copiosissima populi multitudine edisseruit ac ferro quo oneratus erat recuso, à sacris ædibus ad propria cum gaudio regressus est.

§ II.

PAulus filius Ioannis de Vlina Nobilis, decimoquinto ætatis Anno phrenitide correptus, cum nullis medijs remediisq; ad saniozem mentem reduci posset: ex consilio Prandotæ Episcopi Cracoviensis ductus à Patre in Ecclesiam Cathedralem, cum aquam contactu annuli Sancti STANISLAI sacratam gustasset, subito præsentissimam & collectissimam recepit mentem, sanusq; domum cum Patre exultante rediit.

§ III.

VOtum fecerat ex proprio motu & libero devotionis affectu vir quidam vocatus Sedlecz, seq; obstrinxerat offerre in cultum Beati STANISLAI vaccam cum vitulo: sed in gratiam sororis Agnetis renuntiavit voto, paupertati sororis satius subveniendum ratus. Post hanc inconsultam & imprudentem voluntatis mutationem domo eiusdem germanæ suæ egressus, in pœnam violatæ religionis utroq; lumine & rationis & oculorum orbatus est. Rationi aliquanter restitutus de temeritate sua doluit, adductaq; ad Ecclesiæ D. STANISLAI vestibulum quam promiserat oblatione, & exteriorem & interiorem recuperavit visum.

§ IV.

Gravis intumescencia capitis sanatur.

CAtharinæ uxori Nobilis cuiusdam de Radzimice ita intumuerat caput, ut ne speciem quidem humani retineret vultus. Et oculos & auriculas & nares circumdabat tegebatq; tumor, vix aliquantum fûmitate nasi prominente. Tuber ingens dixisset totum caput. In eius cura sudarunt medici, sed oleum & operam perdidit.

VITA SANCTI STANISLAI.

Maritus cum brevi morituram crederet, non iam de temporali vita quam de æterna uxoris sollicitus metuensq; ne sacramentis non munita decederet, cucurrit Cracoviam ibiq; a Decano & alijs Prælati petiit, ac obtinuit, ut Presbyter cum sacra dactylothea ad agram mitteretur: qui cum primum ipsam signavit anello, & aqua cui intinctus fuerat, turgentem linivit faciem, mox deformis intumescētia evanescere cepit stupentibus hominibus. Igitur infirma ad curam animæ conversa, accito Patre Martino Ordinis Prædicatorum, ei confessionem fecit & sacramentam Eucharistiam percepit. Post aliquot dies ne vestigium quidem illius fædæ protuberationis relictum.

§ V.

Nicolaus filius Volstiborij militis, sextum agens ætatis annum, capitis gutturisq; nec non & pectoris nimio tumore turgidus desolebatur, velut iam iamq; moriturus. Cracoviam advectus libata quæ Præsuleum Divi Martyris annulum abluerat aqua, luctum parentis inflatione disparente in gaudium commutavit.

§ VI.

Vito Ecclesiæ Sancti Floriani extra muros Cracovienses Præposito, gravi capitis dolore in sinistra parte pressio, vis morbi loquelam per triduum, imò & cibi potusq; sumendi facultatem ademerat. Quarto die balbutiendo rogavit afferi sibi thynicum Sancti STANISLAI: quem postquam allatus est reverenter acceptum affectu applicabat parti, sentiens exinde non modicum doloris lenimen. Sequenti die, recrudescēte cruciatu cum de aqua ex eius immersione consecrata & consulto pro casu relapsus in morbum servata, aliquantum sorbuit, repente dolor omnis abscessit.

§ VII.

§ VII.

Petrus Kolcar Transylvanus fontico capitis tenebatur morbo, Anno Dñi 1620. Nihil iuvantibus splenys confugit ad B. STANISLAUM efficacior fuit oratio quàm artis medicæ operatio. Gratus beneficij Petrus ad Ruppellam Anno sequenti venit, ibiq; caput argenteum cum inscriptione proprij nominis, ac recognitione gratiæ acceptæ reliquit die 28. Maij.

C A P U T IX.

DE EPILEPTICIS SANATIS.

Inter capitales affectiones computatur Epilepsia seu comitialis morbus, qui cum totiùs corporis convulsione principales cerebri operationes tollit, toto cerebro vel duobus eius ventriculis affectis. Dicitur etiam sacer & Divinus morbus, quòd animi partem rationalem quæ longe sanctissima esse videtur, obsideat. Ferunt violam purpuream malo huic mederi. unde versus: *Purpuream violam dicunt curare inducos.* Citiùs tamen & faciliùs medicabilem credo gravissimam hanc infirmitatem per violam purpuream spiritualiter intellectam. Delicatissimo æque ac odoratissimo huic flosculo, quo primo vere terra pingitur, Christus Dominus se assimilavit. Nam in hebræa Canticorum versione ubiq; pro liliis violæ ponitur. Quare textus ille: *Ego flos campi & liliū convallium.* sic in hæbraicis codicibus redditur: *Ego rosa cæpi & viola convalliū.* Ex hac duplici paraphrasi datur intelligi CRISTUM Liliū esse in cōfessoribus; rosam & violā purpuream in Martyribus. Violæ igitur purpureæ morbis interni externive hominis corruptivis ac potissimum comitialibus curandis opportunissimæ, Martyres sunt: nominatim verò

Divus

Divus STANISLAUS, cuius hac in parte virtutem medicinalem si nosse desideras, ex subiectis discas exemplis.

§ I.

Boguslai de Pielgrzymowice filius, nomine Nicolaus, vi Epilepsiæ sæpius confringebatur & iactabatur ut mirum fuerit quòd toties animam in horrendis concussionibus non exhalarit. A Parente ad tumbam B. STANISLAI ægre deductus, dum sacro loculo osculum imprimit, sanitatem integram adeptus est.

§ II.

Alterius Boguslai de Grodźina equitis Poloni filius Damianus, eodem afflictus morbo, dum 10. vicibus per diem corripitur, & per unum atq; alterius dimidium agitur annum, fulcientibus eum cognatorum manibus ad monumentum Divi Martyris supplex accessit, sanus recessit. Similiter & Laurentius filius Brunar textoris Cracovienſis.

§ - III.

Stanislaus Lanckoronski Pocillator Bractavienſis cum coniunge sua Anna Constantia & filiolo dum proficiſcitur, puer forsitan ex subito metu comitali morbo arreptus est, quem mox ut parentes Divi STANISLAI patrocinio commendarunt, bene habentem videre meruerunt. Ingratos se tanti putabant beneficij si illud in abdito conscientia servassent. Quare ad Ecclesiam Rupellanam cum infante venientes, publicas pro eo egerunt gratias, & quæ in itinere cum ipsis acta sunt enarrarunt, Anno 1667. Ex manuscriptis Rupellanis.

§ IV.

§ IV.

Visitur etiam nunc in Rupella inter simulacra curationū Divi STANISLAI numine factarum tabella, cui polonico idiomate eiusmodi recognitio inarata est: *Quædam mulier honesta DEO gratias agens pro bona valetudine, liberis suis potissimum verò filiola quæ morbo herculeo laborabat, interventu Divi STANISLAI donata, hanc tabellam appendi curavit.*

§ V.

Sophia Ligęzianka Anno Dñi 1624. Albertus Kořká ex Villa Sadlo Anno 1628. Ioannes vicanus Petravinensis. Anno 1648. ab eadem infirmitate se Divi STANISLAI suffragio curatos testimonijs in sacra æde Petravinensi relictis recognoverunt.

C A P U T X.

Cacitatis & ægritudinis oculorum depulsæ narrantur exempla.

Oculi ab occulendo dicti, quòd ciliorum tegumine occulātur, non ita à natura muniti sunt ut prorsus ad eos ægritudo non penetret. Obnoxii sunt suffusionibus, lippitudini, epiphoræ, quæ est descensus humoris cuiusdam mordacis oculos perstringentis: obnoxij demum ipsi cæcitati seu privationi visus. Contra oculorum morbositates varia præscribunt colliria Ophtalmici. Quibus missis adduco Franciscum Valesium, qui lib: de sacra Philosophia cap: 42. multorum secutus sententiam docet, ad abstergendas inveteratas oculorum albugines nullum præsentius celebrari remedium quàm fel, præcipue cuiusdam piscis qui callionymus id est pulchri nomi-

*Callionymi
virtus.*

*Myſtice
quid per
eum deſi-
gnetur.*

nis vocatur, cenſetq; piſcem quem Tobias ex Tygri flu- mine extractum exenteravit, hunc ipſum fuiſſe Calliony- mum: de quo proinde illud intelligendum Tobia 6. *Et fel valet ad ungendos oculos in quibus fuerit albugo & ſa- nabuntur.* Per piſcem hunc CRISTUS deſignatur, per fel, amaritudo paſſionis illius, eò myſterio, quòd CRISTUS paſ- ſione ſua cæcitatem generis humani depulerit. Piſces di- xeris & omnes homines in mundo hoc velut in Pelago natantes; potiffimum verò Martyres iure callionymos vo- caveris. Quod enim pulchrius nomen quam eſſe CRI- STI Martyrem, veritatis Evangelicæ teſtem doctrinæ Di- vinæ verbo & opere aſſertorem? Horum igitur calliony- morum fel hoc eſt amaritudo obitæ pro CRISTO mortis, utiliſſimum eſt oculorum albuginibus & quibuſvis ægri- tudinibus curandis. Quot infirmorum & cæcorum ocu- los myſtico ſuo ſanarit felle Beatus STANISLAUS, ſequentes docebunt paragraphi.

§ I.

VRatislaviæ Sacerdos quidam perlonga & gravi in- firmitate primùm deficioculus, dein utroq; orbus lu- mine plangebat aliquando miſeram ſortem ſuam, & quod non videret faciem cæli ingemiſcebat. In mærore illo, preſſus ſopore honorabilem perſonam ſibi adſtantem vi- dit, quæ ipſum hiſ ſolabatur: *Compatior afflictioni tuæ mox relevande ſi conſilium meum ſecutus fueris. Peregrin- nare ad ſepulchrum STANISLAI Martyris; antequam autē ipſe pergas, priùs quidquid inveneris in tuo maſſupio de pecunia, per peregrinum quem tibi ſors obtulerit eò trans- mitte.* Iurabat Sacerdos in viſione illa, nihil penitus de peculio ſe habere, ſed apparens perſona inſtitit, omni- no quidquid inveniret apud ſe, offerendum Beato STANI-

SLAO

STANISLAI mittere non negligeret. Expergefactus narrat omnia visa auditaq; compresbytero suo Matthæo, à quo de vita morte ac miraculis beati STANISLAI edoctus, vera esse quæ vidit audivitq; & non illusionem aliquam, æstimavit. Misit itaq; manum in capsam & cum protulisset duos argenteos nummos simul in oculis illuminatus est. quibus ad cælum levatis, *Benedictus* (inquebat) *Deus quia & argentum quod non habui, penes me inveni, & pulsa oculorum caligine tam speciem quàm inscriptionem argenti video & perfecto lumine perfruo: quod in somnis sponendi, in vigilia religiose perficiam.* Ad Ecclesiam deinde pro gratiarum actione lætus & festinus currens peregrinum deprehendit ad monumentum Divi STANISLAI iter auspiciantem: huic argenteos binos porrexit precans ut pro se oblationem daret in loco quem petebat. Non longo post liminio secutus & ipse vestigia præeuntis, egit gratias Deo & Divo Martyri: visionisq; ac miraculi seriem omnibus qui aderant enarravit.

§ II.

IArosiao Vladislaviensi uxor prolem pepererat monstruosam, quia cæcam & in qua nec oculorum quidem sedes apparet, modicâ tantummodo lineâ palpebras à genis secernente, præterquam quòd cuticula capitis totiusq; corporis totaquantâ ulcerosa esset, & sanguinem sanicq; egerens. Parochus qui infantem die natalem Salvatoris subsequente baptisavit, suavit Parentibus ut triduo ieiunio Divum STANISLAUM sibi suæq; proli conciliaret, certo certius solatium reportaturi. Fecerunt prompta devotione quod ipsis suavit est, nec sunt fraudati à desiderio suo. Nam alterius ab ortu pueri septimanæ decursu, & oculi in fronte infantis & cutis in toto corpore secundum

cundum solitam humanæ naturæ formam apparuit. Actæ pro beneficio ab tumultu Divi STANISLAI solennes gratiæ.

§ III.

Virgo nomine Osanna Martini & Agnetis Boyseviourum filia, genere nobilis, ob diuturnos oculorum dolores cæcata nec signa quidem lucentium globorum prætulit. Post lapsum aliquot annorum mæstos parentes Divinum inspiravit Numen, quatenus Sanctum STANISLAUM pro filia sua interpellatorem adhiberent & ad eius sepulchrum præsentandam promitterent. Inspirationi obsecuti, probe videntem filiam videre meruerunt.

§ IV.

Civis Cracoviensis qui Ciner vocabatur & Amlethæ filia, Margaretha, post iugem ophtalmiam & capitis ardorem, sexto a nativitate anno visu destituta, dum nulla ope medica juvari posset: ad Ecclesiam B. STANISLAI Sepulchrumq; ipsius Matrem præcedentem chlamyde eiusdem apprehensa, subsequens jvit. Mater pro filia candelas accensas & oculos ex cera fabrefactos, cum alijs munusculis obtulit: filiam quoq; monuit ut & ipsa devotis precibus lumen oculorum a Deo per merita S. STANISLAI efflagitaret. Nec steriles fuerunt ipsarum Orationes. Nam vix eggressæ sunt ex Ecclesia, Margaretha crocotæ oram quam viæ directricem tenebat, abiecit & sine ullo manuduce, sine ullo sustentaculo gradiebatur, Matre inspiciente & mirifice lætante. Intra prandendum perfectio visu se præditam testata est, atq; ab illo tempore nullas oculorum persensit molestias.

§ V.

§ V.

Sobootha mulier ex vehementi oculorum labore per biennium tolerato cæca effecta, non tantum inde augebatur quod oculos amisisset; sed etiam quod parentibus suis ob cæcitatem tanquam inutilis fastidio esset. In hac igitur angustia sua ferventiori cultui Beati STANISLAI se dedicat, si modo lumen oculorum ipsi restituat. Ducta deinde ad sepulchrum D. STANISLAI obtinuit quod volebat, grata post modum parentibus & ex miraculo & ex instantia operum servilium.

§ VI.

Rynardus Vexillifer Cracoviensis die festo Sancti Michaelis neglectis & intermissis Divinis ad venationem se receperat, e qua rediens capitis & oculorum gravi dolore correptus est. crescebat de die in diem malum, usq; dum dexter oculus ex orbe suo in faciem defluxit, sinister verò ruptus est. In hac miseria à fratre sororeq; commonitus, iussit se duci ad sepulchrum B. STANISLAI ubi una cum suis dum in oratione persistit, utrumq; bene lucens recuperavit fidus, nullâ præteritæ deformitatis nota remanente. Hanc hyistoriam pictura eleganti expressam asservat Rupella.

§ VII.

Alter Ensifer Palatinatus Cracoviensis nomine Vlosci-borius, uti mali eiusdem ita paris beneficij particeps. Hic vehementia infirmitatis exoculatus non pupillam, non corneam tunicam, non humorem crySTALLINUM aliosvè non quidquam ad visum pertinens habebat, sed solam rubeam carnem. Ductus ad Ecclesiam arcis Cracoviensis petijt ac obtinuit loca luminum annulo Divi STANISLAI

signari cōtingiq; nec non aqua cui intinctus erat abluī quo facto carbunculosus ille tumor abscēssit natusq; oculorum decor una cum appetentia cibi ac potus, quam vis morbi & anxietatis excluderat, succēssit.

§ VIII.

PRybslavæ Virgini, filiæ Kigheri Civis Cracoviensis, morosa & acerbissima prurigine verminabat oculus sinister. Vermes qui nulla arte educi valebant, eduxit lapillus e tumulo Beati Martyris acceptus. Nam ut primum affectæ parti applicatus est, bullire ceperunt, in terramq; defluerunt: crassior unus pertinaci renitentia intra palpebras ad sequentem diem hæsit, sed & is invocatione D: STANISLAI deperiit.

§ IX.

AD indicem aliorum a iugi caligine & tenebris B. STANISLAI liberatorum præsidio, pertinet etiam Grysfanus de Piotrkowice, cui ad gravium morborum cumulum ingens cæcitat̃is malum accesserat. Hic a Stephano vicino Cracoviam in carruca deductus, dum ad sepulchrū D. STANISLAI cum lachrymis orat, & luminis & sanitatis integræ beneficio donatus est.

§ X.

NOtario Civitatis Sandomiriensis, nomine Gregorio, de vix iam ætatis viro caligabat oculorum acies ut inter obiecta occurrentia discernere non valeret. Is c̃ medicinis nullam opem se consecuturum ratus, ad D. STANISLAUM convertitur, Orationum peregrinationum & jejuniorum labores sibi imponit, eo nomine, ut visus claritatem

ritatem recuperet. Subibat per annum iniunctes sibi labores: necdum verò finis anni advenit cum ipse quod votis omnibus exoptabat lumen perfectum recepit.

§ XI.

EX uno morbo plerumq; graviores nascuntur. In Dorothea pictoris cuiusdam Cracoviensis coniuge, tanta erat morbi atrocitas, ut ipsi oculos ex sedibus nativis eiecerit, ut proinde globus uterq; supra genas cum nausea & horrore spectantium dependeret. Consilium medicorum fuit pendentes abscindere, sed huic non acquiescens mulier meliora desuper sperabat. Sponsione se adstrinxit Rupellam visitare, Missamq; ibi audire: vix sponsio facta, & o mira DEI potentia! oculi ad suos alveos se condiderunt cum perfecta videndi facultate.

§ XII.

ANno Dñi Millesimo quadringentesimo primo, Mense Maio Petrus Hisperg Cracoviensis mercator, præ senectute cæcutiens & vix modicum quid cernens, cum varias Ecclesias ex facultatibus suis auxisset, etiam Rupellæ benefacere statuerat: de qua re in Rupella tractavit cum Iacobo Parkowski pro tunc loci Præposito, tractatuq; hoc permotus ad decem minas Ecclesiæ illi pro ædificio cuius fundamenta iacta viderat offerendas, & ad bona aliqua immobilia eidem Ecclesiæ emenda. Pia confabulatione finita, dum ductore prævio regreditur, in genuit ad Divum STANISLAUM, quatenus interventu suo apud DEUM, usuram lucis sibi restitueret: se verò in vim gratitudinis, quod pollicitus est omnino executurum sancte promisit. Magno stetit pactio hæc. Nam confestim
ferena

serena lux blandita est gradienti & amæno radiorum illapso apertos eius recreavit oculos. Quocirca reliquum itineris absq; duce, exultando peregit. Et festine fidem suam liberans, promissam pecuniam Rupellæ largitus est. insuper molendinũ in Villa Episcopali dicta Blonie ad usum & possessionem eiusdem mercatus: sed tam Villæ quàm molendini nullum nunc vestigium. quippe rapidus Istulæ fluvius eo loci alueo suo præterlabitur.

§ XIII.

Lelovia Oppidum est in Palatinatu Cracoviensi sex leucis à Claro Monte Czeszochoviensi distitum, Hic advocati filius quadriennis graviter ex oculis laborabat. Ipso die Sancti STANISLAI Parentes cum familia dum mensæ assident, familiarem inter se de festivitate Divi STANISLAI, de ingenti confluxu populi ad Rupellam, de gratiis quas ibi reportant homines, sermonem miscuerunt. Secuta confabulationem suspiria. *Eia, (inquebant) Digne STANISLAE etiam nos maestos quantumvis à tua tumba distantes solare & virtutis tue præsentia infirmum filiolum nostrum fac curatum.* Post hæc ex angulo in quo hærebat erumpit filius oculos probe videntes in Parentũ figens ora, cibumq; poscens. Incredibili affecti lætitia Parentes ad Rupellam pro gratiis agendis post breve tempus iverunt miraculumq; prædicarunt.

§ XIV.

Michael Gothysam Canonicus Sendomiriensis in gravi infirmitate oculorum ab humanis ad Divina recurrens remedia, decrevit Ecclesiam Divi STANISLAI in Rupella invisere, decretumq; adimplevit pro modico itineris labore, perfecti visus gratiam consecutus.

§ XV.

§ XV.

ET Martinus dictus Molcufor monetæ in Cracoviensi Urbe, fædam excreſcentiam ſupra oculum dextrum cum periculo cæcitatis patiens, poſt votum peregrinationis Rupellana, ſanum ſe pereunte apoſtemate miratus eſt, & devote peregrinationem peregit.

§ XVI.

ANno Milleſimo ſexcenteſimo vigefimo ſexto quarta die Menſis Octobris, Martinus Cygan, Weprio oriundus, duodecim ſeptimanis Eclypſim in oculis paſſus, cum promiſiſſet iter facere ad Sepulchrum Divi STANISLAI in Rupella, viſum recepit. Deſtinatum non modo ipſe ſuſcepit iter, verum etiam oculatos miraculi teſtes ſecum duxit, Valentinum Gawin de Zywiec, Blaſium Chwalek, Andream ſenem, & alios complures, qui omnes teſtimonium perhibuerunt de viſu miraculoſe per Martinum recepto. Videre licet imaginem in qua rei huius hiſtoria exprimitur.

§ XVII.

ETiam in Eccleſia Petravinenſi Divum STANISLAUM curatorem oculorum & cæcitatis depulſorem non pauci experti, ut Stanislaus Paczanovius Eccleſiæ illius commendarius, qui Anno Milleſimo ſexcenteſimo vigefimo quinto à diuturna lippitudine liberatus, hanc memorem beneficij inſcriptionem ibi reliquit: *Tuo Preſul inclite beneficio iam video miro artificio.* Item Andreas Nawski, qui pro oculorum bona habitudine gratias ſancto Martyri perſolvit Anno Milleſimo ſexcenteſimo vigefimo nono. Stanislaus Bytlewski qui Anno eodem ab Epiphora & alijs morbis ſalvus, tabellam cum inſcriptione beneficij re-

posuit. Pater Christophorus Iankowski e Societate Iesu qui post recuperatum visum ope Divi STANISLAI in equo albo sibi Pontificaliter apparentis votum gratitudinis deposuit. Anno Dñi 1668.

C A P U T XI.

LINGUÆ VINCULA & ULCERA SOLVUNTUR
& SANANTUR.

Marci septimo CHRISTI infirmos curantis laudatur Evangelistæ calamo omnipotens virtus; *bene omnia fecit & surdos fecit audire & mutos loqui.* CHRISTUS idem heri & hodie, idem qui & ante sæcula: quæ beneficia humano generi faciebat dum in terris esset & cum hominibus conversaretur, eadem nunc præstare dignatur per sanctos suos quos & honorat ipse & a nobis honorari vult, dum ad invocationem ipsorum obstupescuntibus cunctis Machaonibus ac Podalirijs, linguas mutorum disertas facit. Nimis hac in parte honorificatus est Beatus STANISLAUS per quem CHRISTUS mirabilis in Sanctis suis *bene omnia fecit, & surdos fecit audire & mutos loqui.* Restitutæ loquelæ & sanatorum oris ulcerum per D. STANISLAUM, aliquot subijcio monumenta.

§ I.

Lingua Annæ filiae cuiusdam Iacobi agricolæ, in infirmitate ita intumuerat, ut semper exerta teneretur nec posset intra fauces induci. Varia quærebantur remedia, sed nullum efficax inventum. Quam nulla dare ars potuit sanitatem, dedit Sanctus STANISLAUS à Parentibus filiae invocatus, dum & ægritudinem ex corpore & suppurationem ex lingua depulit.

§ II.

§ II.

IN Villa Skotniki Radoslaus homo ad labores serviles natus, filium habuit Petrum nomine tres hebdomadas mutum, ac insuper læsæ phantasiæ, ut qui semper imaginaretur imminere sibi à tergo manus libertati & vitæ suæ inimicas. Pater ergo ad Divum STANISLAUM Cracoviam profectus, Martyrem pro filij quem etiam secum duxerat, incolumitate precabatur. Post orationem cum æger filius sacro Martyris annulo fuisset signatus, & aquâ ex contactu eiusdem annuli sacratam bibisset, protinus & lingua ad suum redijt officium, & vana meticulositas propulsata.

§ III.

ANastasia Petri Sławkoviensis Civis filia trima, die Epiphaniarum languore correpta, dum morbus usq; ad Dominicam palmarum serperet, usum loquendi aut verius balbutiendi non ita pridem familiarem sibi perdidit, ut deinceps usq; ad diem Inventionis Sanctæ Crucis muta & elinguis permaneret. In hac magis sua quàm filiæ diutina afflictione Parentes constituti, salutare ineunt cōsiliū, & Cracoviam ad Sanctum STANISLAUM cum filia festinare proponunt moxq; propositum in actum deducentes, impositâ rhedæ filiolâ iter arripiunt. Vix medium milliare confecerunt, muta loqui recte inceptit: sequenti die dum vota & orationes penes tumbam Divi STANISLAI pro se & pignore suo multiplicant, perfectæ valetudinis gratiam in filia adverterunt.

§ IV.

Albertus de Wawrzynczyce rationis loquelæ & auditus impos, postquam a propinquis Divo STANISLAO

commendatus esset: & vinculum linguæ eius solutum est, & aures apertæ, & rationis lumen restitutum.

C A P U T XII.

[SANATI GUTTURIS BENEFICIA RECENSENTUR.

Guttur pars colli anterior per quā spiritus a pulmone ad os transmittitur, varijs apostematibus seu abscessibus occupari lædiq; solet, per quos dum spiritus præcluditur, mortem sequi necesse est. Scrophæ, strumæ, glandulæ, gutturis sunt affectiones, quas ficubus curari docent medici:

Scrophæ, tumor, Glandes ficus Cataplasmate cedunt.

Medicinalem salubremq; esse ficum non tam medicorum traditionibus, quàm tabulis scripturæ doceor. Ægrotante enim Ezechia Rege Iuda iussit afferri Izaïas massam ficorum, quæ allata & apposita ulceri Ezechia, curavit infirmum. 4. Regum 20. cuius curationis etiam Isaïæ 38. mentio habetur. Mystice per ficus bonas boni & sancti homines; per malas peccatores designantur, uti expresse Dominus ipse exponit Ieremiæ 24. Huc illud quadrat Cælij nostri in caput secundum Canticorum scribentis:

Ficus duplices.

Mysterium carum.

Cælius Pan Omnis qui se inter alios communiter socialiterq; gerit & nonius in non solum sine querela conversatur sed etiam multa cum Canticorū suavitute utendum se omnibus præbet in omni officio charitatis. cap: 2. tatis cur non illum, dulcem esse ficum dixerim? Talem porro fuisse Divum STANISLAUM nemo ambigit, qui vitam eius exploratam habet. Dulcis nimirum erat in moribus, suavis in consuetudine, mellitus in quovis officio charitatis. Ex ficu hac matura & dulci, massam fecit, malo qui-

lo quidem suo, sed bono nostro Beleslaus, quando corpus eius sacrum impia ministrorum manu comminuit. Massa hæc seu Martyrium Divi STANISLAI ut alias infirmitates ita & gutturi medicatur defectus.

§ I.

Voislao cuidam in pestilentia angina occupaverat guttur, ut plane nihil glutire potuerit. Conclamatum de vita ipsius erat, iamq; face prætenſa ad mortem ritu Christiano disponebatur. Interea per viſum à veneranda in candidis veſtimentis perſona monetur: ſurgeret velocius & Cracoviam properaret ad conſpectum tumbe Sancti STANISLAI discrimini præſenti eripiendus, & priſtinæ ſanitati reddendus. Evigilans verſabat mente viſionem cum animo feſtinandi quo iuſſus erat. Mox ſolutum quod fauces conſtringebat malum expeditiorem fecit Voislaum ad promiſſum iter incundum.

§ II.

Martinus de Moravica Nobilis, ex ulcere gulam infidente loquendi & edendi potentiam amiſerat. Expiraffet procul dubio niſi monitus per viſum de fiduciali recurſu faciendo ad B. STANISLAUM, curaffet in domum ſuam afferri annulum Sancti Pontificis, quo poſtquam guttur ipſius ſignatum eſt, ſtatim ulcus purulentè limoſū diſſluit, & æger in brevi vires priſtinas recuperavit.

§ III.

Idem in eodem morbo beneficium conſecutus de Proſowice Nobilis, cui caro ſanioſa in gutture excreſcens, quidquam in ſtomachum trajicere, & Spiritum attrahere ac

M₃

reddere

reddere prohibebat. Postquā enim vorum peregrinationis ad sepulchrū D. STANISLAI emisit, cōsentim eum laethalis illa molestia & ægritudo pileo donavit. Redierat successū temporis ad Andreā morbus, redijt & gratia D. STANISLAI, iteratum in Andrea curans affectum.

§ IV.

I Avitam consortem Boguslai Chetmenfis synanche affligebat, nec cibum nisi cum magna difficultate capere permittebat, per sex hebdomadas. Divina afflata Spiritu ad tumultum Sancti Martyris pedestri itinere pergere condixit stetitq; conventis, & paulo post morbo defuncta est.

§ V.

E Tiam Terefia Mankowska ob abscessum in gutture morti obnoxia, valetudinem quam redipisci meruit, debere se D. STANISLAI auxilio facta est Petravini Anno Millesimo sexcentesimo quadragesimo septimo.

C A P U T XIII.

De cordis ventris ac intestinorum pulsus affectionibus.

I N Corpore CHRISTI quod Ecclesia est quantumvis secundum variorum ministeriorum gradus varia membra sint non eundem actum habentia iuxta imā ad *Corinth: cap. 12.* tamen singulari quodam privilegio PRÆSULS omnium similitudinem gestant membrorum.

Pontifices Oculi sunt, quia verbo & exemplo prælucent alijs; denique *in Corpore* tes sunt, quia verbum DEI in alimoniam spiritualem suis *Ecclesie* sūt quasi concidunt & molunt expositionibus; manus sunt, *omnia o-* quia non sola doctrinā, sed & protectione ac operatione *mnibus.* tutantur gregem CHRISTI; pedes sunt quia velut bases marmo-

marmoreæ sustentant infirmiora membra. Quæſierit aliquis an etiam venter dici poſſint? omnino. Nam cibum verbi Divini & ipſi recipiunt, & ex eo digeſto in totum Eccleſiæ corpus vitalem myſteriorum diſpenſant ſuccum fæces etiam pravorum dogmatum a puritate Evangelij ſecerunt: in ſuper factum concipiunt & parturiunt cum Apoſtolo: *Filioli mei quos iterum parturio*. In Cantico Salomonis venter Corporis Chriſti eburneus dicitur diſtinctus ſaphiris. iuxta hebraicam verſionem: *nitor eburneus involutus ſaphiris*. iuxta græcam: *pixidula eburnea in lapide ſaphiro*. In ebore duo ſunt, candor & ſoliditas. Saphirus gemma gemmarum eſt, coloris ærei cælo ſereno ſimillima, punctis interlucens aureis, fulgorẽ ad radios ſolares eiaculans, caſtitiſſima, oculiſ qualitatibus & varia medica virtute prædives. Nam de Saphiro ait Plinius, quod corpus geſtantium vegetet & confortet, tumores ſanet & ulcera, varioſq; curet morbos vi prorſus admirabili. In pixidula ſeu pixidicula aromata cor cerebrũ & ſpiritus reſolcillãtia vitales, aſſervari ſolent, ut ex odore eorum languens & deficiens recreetur homo. Talis venter, talis ſaphirus, talis pixidicula fuit quem memoravi Beatus Apoſtolus Paulus qui cælitem vitam in terris egit. *Noſtra converſatio in cælis eſt*, ac media polens virtute omnigenos curabat languores & deficientes reſciebat ſpiritus. Unde Act: 28. de ipſo dicitur quod cum Romam navigans ad Melitam inſulam veniſſet, a Publio Principe inſulæ perbenigne acceptus & triduo habitus Patrem Publij febribus & diſſenteria cruenta vexatum oratione & impoſitione manus ſanaverit. Quo facto omnes qui in inſula habebant infirmitates, veniebant & curabantur. Talis pixidula, Saphirus, venter & nitot eburneus fuit etiam eſtq; hodie Beatus STANISLAUS, quia
totus

VITA SANCTI STANISLAI.

totus candidus solidusq; in amore Dei in tantum quòd nulla vis soliditatem eius valuerit infringere, totus insuper cælestis & medicinalis cordisq; ac totius hominis ex viscerum torminibus defectionem aromatica & Saphirina virtute propulsans.

§ 1.

In cordis doloribus relevati ponuntur.

Elisabeth Skidzinska Matrona Nobilis in cordis frequenti syncope dum fomenta Hippocratis nihil iuvant, oratione ad Divum STANISLAUM à cordolio liberata Anno 1626. Etiam Reverendi Ioannis Pisarkowicz, Canonici Lublinensis Parochi Ostroviensis in animi ægritudine cor angustiabatur, sed Divus STANISLAUS angustias mæroresq; eius in gaudium commutavit Anno 1629. sicut & Iachimi Swederski Anno 1661. Testimonium super his in Petravinensi Oratorio videre licet.

§ I.

INTESTINA PUTRESCENTIA SANANTUR

PAuli & Osannæ de Złotniki filius Stanislaus, gravi excarnificabatur infirmitate, in qua venter eius magis magisq; in dies putrescens, intestina detexerat. Renascebatur quidem indilapsi tabo corporis locum, caro instar pelliculæ: sed quod renatum est, iterum iterumq; computruit. Sic luctuosa vicissitudo illa, cruces ac tormenta puero mæstisq; augebat parentibus. Qui demum ad B. STANISLAUM animis devotis conversi, fletibus & vocibus instabant ut tam prolis quam parentum misereri dignaretur. Per triduum continuabant preces: interea verò hiantem filij ventrem aqua de annulo Sancti Præsulis sacrata conspergebant. Tertia die nova caro & cutis non iam fæ-

iam fæde colliquescens, sed bene sana & solida apparuit; atq; ab hinc melius ac melius valebat puer: qui processu tēporis Ordinem Minorum B. Francisci ingressus, vitam in eo laudabiliter finivit. Paris prodigij est illud quòd Martinum Margarethæ fæminæ Nobilis gemellum, absq; cuticula natum, Beatus Martyr precibus Marris exoratus decora vestierit pelle.

§. III.

Dissenteria laborantes curantur.

GAsparus Seimirei de Trabino penes febres & tussim violentam cruenta dissenteria tabescebat, ac viribus fatiscens ante mortem mortuus videbatur. Simul atq; devotione amicorum ad Rupellam oblatus est, vigorem roburq; pristinum resumere cepit, cunctis quæ contra salutem eius conspiraverant dilapsis ægritudinibus. Fatus ipsemet Anno 1630. *Ex M. S. Rupellanis.*

§. IV.

MEndicus septuagenarius Felix nomine: & Generosi Adami Drzewicki Georgius filius, ambo lienteria exhausti vix ossibus hærebant. Idem morbus eadem spiritali medicina in utroq; curatus Anno 1636.

§. V.

Gregorius Stalinski Presbyter, Petravinensis Vicarius torturis & carnificina viscerum plane ad mortē cruciabatur. Ad ultimam se præparaturus luctam sacrificium celebrare; quamvis debilitas ingens retraheret, destitavit. Dum se disponit hæc mentem ipsius subivit cogitatio: ecquid verò Sancti Præfulis opem non imploro?

N

nunquid

nunquid abbreviata manus Domini ut non succurrat mihi per servum suum Sanctum STANISLAUM Universis ad se confugientibus semper facilem & benignum? sacrificium deinde magna reverentia & devotione peregit. Post quod ad cubiculum deductus ulcere intestinorum rupto, putidam virulentiam viâ secessus egressit Anno 1625.

§ VI.

Mulieres ab internis doloribus & affectionibus liberantur.

*Longinus
fol: 321.*

Barbara uxor Nicolai Civis Cracoviensis periclitans in partu, & ob extremas torturas funeri vicina dum pro ea maritus ad Beatum STANISLAUM fundit preces, e periculo & morborum evasit agmine. Marianna Myskowska dum ad eundem sanctum orat, fecunditatis gratiam sibi impetravit Anno 1629. Barbaram Sitkowna provectæ ætatis mulierem ossium dolor per triennium infestabat. Subvenit precanti & Petravinensem Ecclesiam visitanti Beatus STANISLAUS qui corporis solidamenta confirmavit pravosq; nervorum quibus illa colligantur depellens humores sanavit infirmam Anno 1628.

C A P U T XIV.

DE PEDIBUS INFIRMIS CONSOLIDATIS.

PEs totum id dicitur in animalî quod est à femore ad calcem, dividiturq; in coxendicem, femur, genu, femen, poplitem, crus, suram, inum pedem qui calx appellatur. Pedes bases sunt & fulcra corporis humani ut his laborantibus & suum baiulandi corporis officium exercere non valentibus tota moles corporis humani, velut truncus jacere debeat. Fictiles sunt hæ bases: &

ses: & minuto quantumvis lapillo ægritudinis alicuius fatiscunt totamq; structuram corpoream velut statuam Nabuchodonosor corruiere faciunt. Abscessus, vulnere, inflammationes, eluxationes, fractiones, podagra in pedes plerumq; sæviunt de podagra Ovidius:

Solvere nodosam nescit medicina podagram.

At non soli podagræ sed cæteris etiam coxas in putredinem vertentibus affectionibus inutilis crebro est ars manusq; medica. Ultima archiattrorum industria & suasio corruptum refecare membrum & ossæo pedi ligneum substituere. Ex tali consilio amisisset ille hortulanus pedem de quo in vitis Patrum lib: 4 Hic post eleemosinas liberaliter ex labore manuum suarum initio erogatas quasi cautior factus, servabat pecunias pro casu infirmitatis. Lapsus in morbum, pedi putrescēti succursurus per chirurgos, totum quod collegerat expendit peculium prorsus inutiliter: quia nihil proficientibus eorum curis, stetit, servando corpori toti emortuam rescindere tibiam. Nocte illa qua crudele operiebatur ferrum, inter cogitationum æstus ingemuit oravitq; Dominum, meminisse dignaretur suarum quas antea faciebat beneficentiarum. Mox adstitit ei cum fulgore Angelus hisq; orationem eius excepit: *ubi sunt nummi tui quos collegisti? ubi spes quam in peculio reposuisti?* ad hæc hortulanus: *peccari veniam posco in rebus caducis deinceps fiduciam reponere cavebo.* Post hæc Angelus tetigit pedem eius & statim sanatus est; factoque mane abiit vir ad colendum agrum, alipta qui ad pedem secandum venerat, in stuporem versò. Hoc ideo attexui non quòd medicinam ab altissimo creatam reprobem, sed quòd omnem spem suam collocandam in Dei

auxilio, qui claudos facit salire instar cervorum: qui per Petrum consolidavit coxas claudi ad speciosam portam sedentis: qui demum per varios sanctos singularum Provinciarum Patronos, remediatur infirmitates, ut aliarum corporis partium ita & pedum. Per Divum STANISLAUM Patronum Poloniæ quot infirmos sanaverit pedes, discas ex sequentibus.

§ I.

VLadislao Opoliensi Principi Cracoviam ad Boleslaū Ducem Cracoviensem capitum conferendorum causa pro præfixo tempore festinanti, ex itineris forsan fatigatio ardens fixus in femore erupit, quo consternatus in propria regredi cogitabat: sed in somnis visione quā in spem sanitatis ante capulum Beati STANISLAI recuperandæ erigebatur, commonitus iter suum profecutus est. priusq; voto ad Divum STANISLAUM facto sanatus quā ad terminum viæ perveniret. Cicatrix sola ulceris remanserat ut memoriam accepti beneficii refricaret. Imago historiæ cum sua inscriptione in Rupella exhibetur.

§ II.

Vir Nobilis Smil Moravus, dextro pede laborans & gravissimas convulsiones patiens, iam domui suæ, actum de vita ratus, disposuerat. Venit interea sibi in mentem Divina pietas ad invocationem Nominis Divi STANISLAI multa signa & prodigia patrans, ac omnigenos sanans languores. Igitur in spem assurrexit, Beatum STANISLAUM sospitatorem invocavit, annulo eius aridam tibiā suā benedici petijt: quod ut obtinuit, simul etiam perfectam gradiendi facultatem consecutus. Constitutam deinde ad tumulum Divi Martyris nullo artus regente sustentaculo peregit viam.

§ III.

§ III.

Nicolaus Ogonek Oppidanus Zatorienſis quatuor Mēſibus & ampliùs ægritudine preſſus ſtare ſupra pedes ſuos non poterat, imò etiam iacens de latere in latus ſeſe vertere non valebat, quocirca diuturna reſuſpinatio cutem e dorſo infirmi deraſerat. Poſt factum peregrinationis Rupellanz votum, cereiq; ſtaturæ ſuz æqualis ap- promiſſam oblationem, cepit mox convaleſcere. Robuſtior factus, grefſuſq; ſolide figere valens ſua pollicita adimplevit.

§ IV.

Nicolaus Wagl ex Lancienſi regione in Ungariã profeſtus, ibiq; diutius agens podagricus effectus miſerũ ſe querebatur; ut qui præter dolores maximos nec ambulare, nec equitare valeret ſed dũtaxat miniſterio baiularetur alieno. Ærumna religionẽ docuit. Pactus eſt Divo STANISLAO, ſi vires ambulandi tribueret, ad ſacras eius ædes pedeſtri ſe iturum grefſu. Melius abhinc habere cepit nec expectata abſoluta valetudine iter conceptum arripuit, in quo reliquum contumacis doloris e ſuis exceſſit cruribus. In eodem itinere multa ope Divi Martyris ſuperavit pericula: e quibus illud maximum quod pernoctantem in ſolitudine vaſtiſſima ſupervenientiſ Vruſus, ex rabie circumhabitantiſ loci incolis notiſſimus nullatenus læſerit nec morſu appetierit, qui tamen crebra funera ſtragefq; magnas in hominibus fecerat.

§ V.

Franciſci Oppidani in Grodek Dioceſis Leopolienſis filia, quatuor integris iſſq; continuiſ annis contracta nullatenus ſe movere potuit; alieniſ duntaxat manib;

levabatur. Voto per Parentem facto quo ipsam ad sepulchrum Divi STANISLAI ducere promiserat, surrexit & ambulavit, doloris ac ægritudinis omnis in posterum expers.

§ VI.

Ioannes Civis Lublinensis ad nundinas Cracovienses ipso die Sancti STANISLAI fieri solitas proficiscens, socijs itineris in pervigilio festivitatis eius ieiunantibus, ipse carnibus, forsan interveniente occulto contemptu, vescabatur: sed mox acerbissimum pedis dolorem in tædio ingenti sentiens, pænitenſq; facti, gratiam eius fieri sibi, Divum precatus est cum proposito Ecclesiam ipsius face prætenſa visitandi & deinceps pridiano solennitatem ipsiusmet ieiunio venerandi. Malum quod culpa procrearat, pænitentia & voti religio extinxit. Liber & expeditus ab omni molestia Ioannes quod supererat viæ, prospere absolvit & quod voverat exolvit.

§ VII.

Magnificus Dominus Stanislaus Naklecki Castellanus Zavichostensis inter gravium morborum impressiones cum usum pedum imò & spem salutis amisisset, soporatus aliquando & in somnis admonitus ut ad locum in quo Divus STANISLAUS victima Deo factus sese deferri iuberet, posteaquam evigilavit non modo se valentio-rem agnovit, verum etiam stratu relicto, pedibus insistere potuit firmiter, & progredi. Pro beneficio accepto egit gratias ad aram Divi STANISLAI in Rupella testeq; miraculi tabellam reliquit Anno Dñi 1518. die 28. Mensis Aprilis.

§ VIII.

§ VIII.

Petravinensis Ecclesiæ Anathemata sequentes in pedū doloribus invocatione Divi STANISLAI curatos producunt: Stanislaum Norski Nobilem ex tractu Lublinensi, qui per undecim & amplius Annos cum nonnisi fulcrorum subalarium ministerio membra libraret, à mæsta Matre eo loci adductus & dolores & fulcra reliquit Anno Dñi 1610. Laurentium Babecki Presbyterum Vicarium Casimirensem, qui cum antea claudus esset rectum se recuperasse gressum fassus Anno Dñi 1624. Barbaram Mácietowska Priorissam Monialium S. Francisci Conventus Drevicensis, quæ ægrum a pueritiâ pedem habens dum in itinere Lublinensi ad Petravinum sacellum divertit, auditq; sacrum Missæ sacrificium ad suam intentionem celebratum, sensit pestilentem quēdam e morbido pede evolare halitum & cum eo dolores evanescere Anno 1632. Albertum Ioponski Palatinatus Posnaniensis, qui in sacra illa ædicula beneficium optatæ valetudinis ad implorationem Divi STANISLAI se obtinuisse recognovit. Anno Dñi sexcentesimo quinquagesimo.

C A P U T XV.

DE INFIRMITATIBUS INNOMINATIS ABACTIS.

Non est in medicis semper releventur ut ægri. Solus animarum Medicus Christus cunctos errores & corruptiones vitæ ac valetudinis nostræ semper sanare potest. Non enim adstititiam defectibilem & limitatam habet virtutem sed propriam indefectibilem & ad omnes se quovis tempore extendentē languores. Quo- circa scriptum est *quia virtus de illo exibat & sanabat omnes*: per quod datur intelligi, ait Cyrillus, *quod non accipiebat*

His pugnat contra vigilatium Hieronymus.

accipiebat alienam virtutem sed propriam super infirmos ostendebat. Eandem communicavit suis discipulis & amicis, quia dedit eis potestatem ut languores curarent. Illud proinde inter sanationes & miracula CHRISTI ac Sanctorum discrimen: quod CHRISTUS potestate propria, Divina, & permodum imperij; Sancti verò potestate aliena, & permodum impetrationis effectus tam curationum quàm alterius generis faciebant faciuntq; admirabiles. Si Discipuli CHRISTI adhuc dum & ipsi infirmitatibus essent obnoxij, curare poterant infirmos; quantò magis quando incorruptionis & immortalitatis perpetuo fruuntur munere. Si Apostoli & Martyres in corpore constituti possunt orare pro ceteris: (Hier: contra vigilantium) quando pro se adhuc debent esse solliciti; quantò magis post coronas victorias & triumphos. Si ergo Beatus STANISLAUS in vivis manens gratiã habuit curationũ, putas ne eam nunc amisit? si orabat pro infirmis infirmus & ipse putas, nunc clausa semper tenebit ora, & pro ijs qui suffragium eius requirunt, mutire non poterit? meliorq; erit canis vivens, quàm ille Leo mortuus? quod recte ex Ecclesiastice proponerem, si Stanislaum mortuum in spiritu confiterer: at quia vivit in spiritu, & vivit vitam nobiliorem, respectu cuius vita animalis mors est dicenda; quis tam fatuus erit, ut blateret, non posse eum pro aliis deprecari, & seu corporis seu animæ salutem impetrare ægrotis. Quod multis multoties in certis & suo vocatis nomine infirmitatibus auxiliator & Patronus affuerit, hucusq; legisti; iam leges in infirmitatibus quoq; innominatis eius affuisse præsidium.

§ I.

Fulconi Palatino Cracoviensi decumana presso infirmitate, inter dormitandum potius quàm dormiendum apparuit

apparuit Beatus STANISLAUS in Pontificalibus, eumq; blandis solabatur verbis, promittens non ipsi duntaxat, verum & omnibus ad sua suffragia confugientibus, ac sepulchrum suum religiose visitantibus, refrigerium in adversis. Iterum & tertio leviter obdormiscenti eadem recurrebat visio. Tandem e lecto consurgens ac si nulla eum tenuisset ægritudo, bene se valentem advertit, devotior deinceps ad inclytum Præsulem eiusq; laudum studiosior factus. Quam in se, eandem in filio expertus gratiam. Hic enim cum aliquando Posnaniæ morbo letali ad mortem urgeretur, Patre miserandum in modum plangente, & almo Martyri supplicante, oculos aperiens, his parentem allocutus est: *Sera quidem tua ad Divum STANISLAUM pro me oratio, attamen non cassa. Precibus enim beatissimi viri & vitæ sum redditus & tibi, ante loculum eius ad quem duci desidero, integras vires resumpturus.* Dictorum eius veritatem res ipsa postmodum monstravit.

§ II.

Petrus procurator Magistrorum Collegij de Igolonia, in immedicabili imbecillitate cum se obligasset ad Rupellam ire, ibiq; Missam legi facere convaluit. Similiter & Dorothea vaor Ioannis Stalmacher Cracoviensis tribus annis cum quarti dimidio ægræ. Et Ioannes Heptarz Cracoviensis.

§ III.

Vltra hos, quorum memoriam Longini calamus posteritati consignavit, complures ex varijs infirmitatibus ope Beati STANISLAI salvi in votivis tabellis apud Rupellam exhibentur, ut Ioannes Rechemberg de antiqua filva. Stanislaus Bobrowski, & Dorothea Omilanowna

Anno 1616. Alexander Nicolaus Szemberg Kostká Anno 1643. 4ta Decembris. Antonius Castillo Italus Anno 1627. Et plures alij qui suppressis nominibus in laminis testimonium fospitatis à Divo STANISLAO acceptæ reliquerunt.

§ IV.

Petravinenfes imagines hos qui sequuntur repræsentant: Sophiam Chanska varijs morbis per triennium conflictatam, Anno 1628. convalescentem: Mariannam filiam Laurentii Cichosz de Villa Kamięn ex letalibus symptomatibus Anno 1628. salvatam: Catharinam filiolum Sophiæ Smárzecka per sesqui annum multiplicibus tentatam paroxifimis, Anno 1632. sanitati redditam: Gabrielem Podhorodinski ab infirmitate gravi Anno 1633. recreatum: Filiam Sophiæ Koszowska Anno 1634. Catharinam Zorawkowa Anno 1634. Hedwigem Pekosławska Anno 1659. e diversis languoribus expeditas.

C A P U T XVI.

DE PISCINA SANCTI STANISLAI.

Sicubi, certe in liquido aquæ elemento natura admirabilium artifex operum humanas oblectat imò in stuporem vertit mentes. In Epiro fons est, in quo accensæ faces extinguuntur, extinctæ acceduntur. In lacu bituminis, seu mari mortuo, candela ardens supernatat, extincta demergitur. Theffalia geminos habet fluvios, e quorum uno si bibant oves, nigrum; si ex altero album; si ex utroq; varium nanciscuntur colorem. Cuidam Colchidis flumini iniectum lignum durescit in lapidem. In Sicilia fontem esse scribit Aristoteles in quo mortuæ aves, imò & animalia bruta reviviscunt. Magna sunt hæc & admiran-

admiranda portenta? maiora nihilominus in sacro Divi STANISLAI lacu. Eum piscinæ probaticæ, in sacrorum literarum tabulis commendatæ, conferre licet. Movebat invisibili virtutis contactu aquam probaticæ piscinæ Angelus, & ad motum illum præcurrentes sanabantur infirmi. Movet pariter latenti virtute aquam piscinæ suæ D. STANISLAUS: & motus iste, quia perpetuus, perpetuó admirabiles operatur curationes. Et quanquá universis medetur membris, singulariter tamen lumina vel debilia reficit, vel levis obducta clarificat, vel læsa reparat, vel de integro amissâ restituit. Aqua piscinæ huius rosacea est, quia roseo Martyris sanguine colorata: quidni igitur defectuosum proferat visui? Fonte reparari visum, alibi natura est; h'c miraculum. In laudem huius famosissimæ lacunæ quadrat illud Nasonis:

*Est nitidus vitroq; magis pellucidus amnis,
Fons sacer: hunc multi Numen habere putant.*

In Epistolis

§ I.

Mulier sanatur potu aquæ D. STANISLAI.

BArbara Stanislai Stanstrichar Civis Cracoviensis marita, gravibus afflictata intestinorum corrosionibus, in crebra nausea aquosum humorem ad vnius capedinis mensuram ex ventriculo egresserat, nec tamen quievit malum: cui sopiendio & domestici & extranei medici adhibebantur, sed fomenta eorum nihil opis adferebant ægræ. A medicis ad Superos conversa, varia loca sacra obibat, solatium ubivis ferme per 14. annos quærens, nec tamen inveniens. Ad ultimum, quasi in se reversa, cæpit seipsâ redarguere, cur foris quæreret, quod domi haberet? cur

longinquarum peregrinationum labore se conficeret, præsentissimam de prope habitura medelam? In Rupellam deinde quodam die veneris profecta, Missam in honorem Sancti Martyris rogatu suo celebratam audivit. reliquias sacras eiusdem sancti exosculata est: & intra redeundum aquam e piscina, pro more aliorum hominum illuc confluentium, potavit. omira rerum fides? quam nulli syrupi dare poterant salutem, dedit unicus gelidæ haustus! Grata beneficij Barbara, casulam cum alijs paramentis Ecclesiasticis ex panno purpureo Ecclesiæ illi obtulit.

§ II.

Aqua piscine Divi STANISLAI ad usus æconomicos non debet adhiberi.

MAtrona quædam Casimiriensis e Paræcia Rupellæ, villicam nomine Pretnam recenter ad famulatum nata, aquam, e Vistula lavandis linteis afferri præcepit: Villica e piscina Sancti STANISLAI aquam hausit, putans eam Vistulæ cognomento appellari. Mirum dictu! aqua illa igni apposita, inter bulliendum maximam cicadarum protulit copiam: quibus visis, territa mulier, Nicolaum Cathedralem Notarium, qui apud eam hospitabatur, cōpellat: Forte, inquit, tu cicadas in lebetem misisti? negante illo & monente, videret, ne forsan unda isthæc ex lacuna Divi STANISLAI apportata sit, didicit ex famula, omnino lacunæ præfatæ aquam esse. Reportata quanto-tius, ut primum in piscinam effusa est, spectrum illud portentosorum insectorum disparuit.

§ III.

Casimiræ, Ioannes Glatki braxans cervisiam, aquam, cum hæc sibi deficeret, e piscina Divi STANISLAI iussit

iussit advehi velociter. Iussis heri morem gerens famulus, iunctis currui equis, ad stagnum venit, cuppam implevit; sed dum vult regredi, iam loris flagroq; iam clamore stimulando equos, efficere non potuit ut cum curru loco moverentur. Necesse proinde fuit effundi aquam.

§ IV.

Cæci vident.

IN nostram ætatem venit quod sequitur, estq; ab oculatis acceptum testibus. Nobilis quidam à dolorificis affectibus exoculatus, & multo tempore continuam secum circumferens noctem, post sacrificium Missæ devote in Rupella auditum, dum contenebratos in stagno sacro proluit oculos, protinus uno prospexit. Mansit deinceps aliquandiu luscus, felix tamen quod vel una corporis lucerna sibi radiaret. Post aliquem temporis decursū dum in fonte Calvariæ montis, Cracovia quinq; lapidibus distantis, lavat, & alterum luminare prodigiose ipsi illuxit. Miraculum hoc ea tempestate recens e suggestu Ecclesiæ Rupellanae Anno 1685. feria sexta post Pascha a Concionatore qui tam virum quam viri cæcitatem & curationem noverat, vulgatum. *Ex M. S. Rupellanis.* Sed quid ego unum memoro? Non unus Tiresias nec una Hypsea seu naturæ seu humorum malignorum vitio, ad iuges damnati tenebras, dum limpida Divi STANISLAI lymphâ oculos abluunt cæcitatibus malum absterferunt. *Ante diem clauso componet vesper olympo,* quàm omnes lolio victitantes recenscam visus hinc claritate donatos.

*E piscina Divi STANISLAI aqua ad domos proprias
asportatur ab hominibus.*

Longinus **V**Ltimo hoc paragrapho placuit verba Longini subnectere qui tractatu 3. Cap: 52. ait. *His & pluribus aliis miraculis voluit Sanctus STANISLAUS aquam* *Tract: 3.* *Cap: 52.* *hanc honorare, multaq; beneficia & gratias sanitatum per eius intinctionem, diversis hominibus conferre. Ita illc. Hinc est quod pia increbruerit consuetudo, aquam inde in lagenas & urceolos accipiendi, ad remedium quarumvis infirmitatum adhibendam. Imo paucos ante annos, grandibus vasis ex ea impletis saburratus currus in longe distitas provincias ductus est, præpositum loci agente P. Eusebio Nayman, à quo id fidis auribus meis creditum.*

C A P U T XVII.

VARIA DE BEATO STANISLAO COMPLECTITUR.

ARcano Spiritus Sancti dictamine erudita Ecclesia B. Martyrem STANISLAUM præ alijs cælitibus (Thomam Cantuariensem si excipias) præconio singulari celebrat dum GLORIOSUM in oratione Divino Officio inserta vocat. Aptissimum sane est nomini Divi Martyris istud Epitheton. GLORIOSUS enim in vita STANISLAUS, gloriosus in morte, gloriosus post mortem. In vita ex sanctitate, in morte ex Martyrio, post mortem ex miraculis. Quocirca illi oraculum Regij vatis entheamente futura prævidentis, occinere possumus; *Secundum nomen tuum sic & laus tua in fines terræ.* Nomen Divi STANISLAI e vernaculæ sono linguæ ominatur laudem; secundum nominis etymon, laus eius per universum Orbem pro-

bem propagata est. Philosophi 4to metaph: sententia, nomen esse definitionem quæ designat propriam rei naturam, fallit forsân in alijs: in STANISLAO nequaquam, cui nimirum gloriæ decus plane in naturam transierat. Hæc omnia quæ hætenus legisti signa, nonne insignem & gloriosum prædicant? Claudent agmen aliqua quæ ad ordinem præcedentium materialium non videbantur spectare.

§ I.

Precibus D. STANISLAI multi salvantur.

ADhuc ante relationem nominis Divi STANISLAI in fastos Sanctorum, Suentoslaus municeps Sławkoviensis, vir integerrimus & erga superos admodum pius cum die quadam antelucano tempore labores sutrinæ orationis penso in superioribus domus præveniret, visa sequentia oculos eius, aut veriùs imaginationem incurrerunt. Vidit trans pontem fluvio Civitatem alluenti instratum, infinitum de utroq; sexu agmen, hostilemq; primo intuitu suspicatus exercitum, pavere cæpit. In agmine illo vir quidam Pontificalibus indutus Clericorum stipatus manu nec non religiosorum ac secularium lectissima cinctus corona eminebat, universis qui eum vallabant, elevata manu ad 4. mundi partes benedictionem imperiens. Benedictione accepta, exercitus ille scitè ordinatus præeuntibus vexillis plurimis, Episcopo medium tenente locum, pontem & fluvium pertransiit, atq; ad Civitatem & Ecclesiam Sławkoviensem progrediebatur unisone cantando: *Benedictus qui venit in Nomine Domini.* Cum verò propiùs accessisset, & Pontifex e regione loci in quo Suentoslaus orabat, haud procul stetisset, retraxit se ad tergum columnæ transtra fulcientis Suentoslaus, & furtivo aspectu pompam spectaculi intuens, exitum

tum avide opperiebatur. Illico vero vir unus e multitudine, sereno vultu, cana cæsarie, & byssino venustus, expectante tantisper agmine ad domum Coriarij appropinquans: *Quid, inquit, Suentoslae te abscondis? quid stupescas, amici venimus non hostes? Nostinè quis sit iste Pontifex, qui populus ante & retro incedens?* Respondente Suentoslao se nescire: *Iste est, ait, Beatissimus STANISLAI Episcopus Cracoviensis, gloriosus Martyr, Polonorum Patronus, advocatus & protector: tanta verò constipatio populi est gens Christiana precibus eius salvata & salvanda. Age, Cracoviam propera & quæ vidisti fideli narratione Fratri Vincentio Ordinis Prædicatorum, quem in Ecclesia Sanctissimæ TRINITATIS confessiones excipientem reperies, edisere. Insuper annuntiabis illi superesse è Regno Polonia & Sanctos, meritis & sanctitate STANISLAO suppare, cum DEO placitum fuerit in solatium hominum revelandos.* His dictis & nuntius & tota illa scena disparuit. Hæc Longinus. Cæterum qui sint Sancti isti quo tempore revelandi, & an iam aliqui revelati sint, extra nostræ sphaeram notitiæ est. Deus id in suis occultorum judiciorum signavit thesauris. Illud indubitatum, plurimos post exitum Divi STANISLAI accessisse ex Orbe Polono indigetes polo. Nimirum Polonia Equus Troianus est, e quo heroes Regno Cælesti maturi, continua successione egrediuntur.

§ II.

Mulier quædam miraculosè ad penitentiam pertrahitur.

VRsula Cracoviensis, prostituta pudicitia, virginitatis insigne coronam plectilem ex floribus gestabat. Hæc aliquando cum Matre deflorationis suæ conscia ad Ecclesiam arcis Cracoviensis, in festo solemni ibat, cumq; ad civum Montis cui Ecclesia supereminet venisset, velum quo

quo arcebat solis æstus, a capite amovit, neglecto Matris monito ut velata templum ingrederetur præcipientis. Ingressa basilicam, cum in reverentiæ testimonium caput inclinasset, fertum in terram defluxisse videt, quod levatum suo repositura loco dum crines turbatos componit, totum depilavit verticem, glomōq; capillorum in manibus conspecto flere ubertim cæpit, quod repentinæ calvitiei ignominiam scelere promeruisset. Ad sacrum igitur pænitentiae tribunal accedens, flagitij hæctenus silentio palliati enormitatem fassa, ex opprobrio illo salutem animæ reportavit.

§ III.

Dicacitas blasphema punitur.

Sententia Satirici est: *Nunquam tacuisse nocet, nocet esse locutum.* Nocuit admodum scurrilis dicacitas Matthæo cuidam inter nubes hominum e Ducatu Masoviæ catervatim Cracoviam ad sepulchrum Divi STANISLAI itinerantium, equum monoculum suas & alienas sarcinas portantem minanti. Hic post multos maligniores ronos & non satis festivos iocos eò provectus est, ut etiam in cælum poneret os suum, & Sanctum STANISLAUM per risum interpellaret pro oculo restituendo quadrupedi clitellarum baiulo. Citò insulsa facetia penetravit cælos, & iram DEI in blasphemum detraxit. Nam iumento quidem alter oculus prodigiose datus, ut Matthæus joculari optaverat voto; at ipse altero derepente captus est. Externi dispendio luminis sapere doctus lugebat quòd non socios modo, sed & electum DEI Martyrem mōrdacibus præsumpserit incessere salibus. Cumq; ad monumentum Sancti pervenisset, peccatum confessus, cumulavit preces, vota votis addidit, lachrymas miscuit

P

lachry-

lachrymis: & tandem quem stulta garrulitate & fatuo risu amiserat oculum, fletu recepit. *Discite iustitiam moniti & non temnere Divos.*

§ IV.

Milites perniciosè colligati terrentur.

Misera erat Reipublicæ Polonæ facies Anno 1661. quādo exercitus regni vinculo religione iuramenti firmato colligatus, per omnes ditiones, Urbes, Civitates, Oppida, pagos, prædia debachabatur, specie exactiois stipendiorum militarium patriam depopulans. Petulantem militem nulla valebat compescere potestas. Non regiæ fulgor Maiestatis, non Ducum metus, non anathematis Ecclesiastici rigor, non spectans ab alto Deus à pernicioso nexu coniuratos revocabat. Dum aliquādo primores Kielcijs ubi eorum antesignanus sedem fixerat, capita conferunt, terruit consultantes Divus STANISLAUS, zeli plenus apparens, pedoq; Episcopali minitans: quo factum, ut ad officium suum atq; obedientiam Imperatoribus debitam reduci se facile postmodum acquieverint. En quomodo bonus Pastor suas diutius deglubi oves non permisit? *Ex M. S. Rupellanis.* Narratæ fidem non derogabis rei, se meminisse velis oraculi à Supremo Ecclesiæ antistite de Stanislao in bulla Canonizationis editi: *Qui vivus ferro Boleslai cecidit, mortuus universos exercitus atq; integras acies piorum regum patronus atq; adiutor gentisq; sue amator fugat: ubi non externorum duntaxat hostium propulsatio, verum & domesticarum in patriæ perniciem armatarum phalangum dissipatio sub generalium & irrestrictorum compendio memoratur verborum.* Extra dubium itaq; est, quod ipse incubantem vi-

scribis

scribis regni fugaverit exercitum, & damnosissimam colligationem solverit ut regij throni patronum gentisq; suæ amatorem se monstraret.

§ V.

Sanguis & nomen Divi STANISLAI Sanctos prodigiosè parit.

Lapidibus quibusdam virtutem pariendi arrogat Plinius, verone an falso iudicio, disputent phisologi: ego lapidibus mysticis vim pariendi inesse non dubito. Qui autem hi lapides? Illi de quibus Ieremias threnorū. *4. Dispersi sunt lapides sanctuarij in capite omnium platarum.* Chaldaeus legit: *Effusæ sunt margaritæ Sanctæ.* Hebræi interpretes locum hunc intelligi volunt de guttis sanguineis e vulnerato Iosia rege rorantibus, quas Ieremias in templo religiose custodivit, at Babilonici milites dissiparunt. Sanguis me hercle Martyrum pretiosissimus est, in uniones inæstimabiles sese guttatim partiens. Nec absq; fatura uniones isti. Nam, si Tertuliano fides, *sanguis Martyrum semen est Christianorum.* Stillæ, aut verius scatebræ cruentæ e corpore Divi STANISLAI defluentes velut salutaris & ferotinus imber, plurimam cælis prodigioso partu procrearunt sobolem. Argumento sunt millia hominum, qui ante tumultum Divi Martyris vitam abiurarunt nefariam, & hodie abiurant: argumento item est ipsum Divi STANISLAI Nomen, quo qui insignitus est, occultis igniculis ad morum integritatem inflammatur. Plane in legem abiit, ut qui Stanislaus nominatur, sanctitatis sit sectator. Beati: Stanislaus Kostka, Stanislaus Casimirianus, Stanislaus Hosius, Stanislaus Oporovius splendidissimum religionis nostræ fidus plurimis in Ecclesia Oporoviensi coruscans gratijs; perfectissimus

Lapides mystici.

& uniones

VITA SANCTI STANISLAI.

ille quaternio, quadriga illa currûs Sarmatiæ, quadruplex ille in monili Poloniæ adamas, nonne in se ipsis perspicue ostendunt, qui Stanislaus est, sanctissimum esse iuberi. Qui ergo tenes nomen, & nominis retine dignitatem; vel certe si mores non mutas, muta nomen. *Cur appellationi, cuius virtute cares, contumeliam irrogas?* verbis aio Basilij Seleuci Oratione 19. *quid gestas cognomen, quod personæ probro sit? factis appellationem impugnas, & calumniâ nomen tuum afficis.*

§ VI.

Rupella hypotyposis.

OLim à quodam e religione nostra, ut ætatis ita & prudentiæ provectæ viro audiui, Rupellam Divi STANISLAI non tam miraculosam quam potius miraculum esse. In numero igitur miraculorum liceat ipsam ponere. Sane in laudem ipsius fatidicus Psaltes luisse videtur: *Petra refugium leporibus.* ut legit Hieronymus in Epistola ad Demetriadem: vel iuxta vulgatam, *herinaceis.* Herinaceus sentibus opertum animalculum, hominem significat, qui asperis tribulationum pungitur aculeis. Senticosis animalibus, hoc est miseris, & seu ex morbo seu ex adversâ fortuna ærumnosis hominibus, petra hæc Præsuleo conspersa sanguine, refugium est, ut iam vidisti: superest, positionem eius gazamq; spirituales ac ornatum spectes.

CAsimiræ, quæ est suburbana Cracoviæ Civitas, in loco ab hominum consuetudine aliquantum semoto, penes Itulæ præterlabentis fluvium, mons saxeus humiliter sublimitate assurgit, Vavelum montem, in quo Cracovienſis

viensis arx superbas erigit turres, respiciēs ab occasu. Ad radices eius lacuna est famosissima, ante annos aliquot muro per quadrum ex secto lapide circumdata, de qua superius. Rupī ipsi supereminet Ecclesia: crepidini rupis Oratorium Sanctæ Sophiæ honori dicatum adiacet, quo loco corpus Sancti STANISLAI in partes septuaginta duas traditur esse conscissum. Monasterium elegans Ecclesiæ adnexum in rupe incipit; in terra, palustribus incredibili sudore & pretio multaq; fistucatione firmatis per pavitores fundamentis desinit. Ecclesia veteri fabricata artificio, e multis suam trahit nobilitatem. Nam primò quidem sanguine Martyris dedicata est & cerebro eiusdem respersos ostentat parietes, quod per vitri perspicuitatem transparens pias a fidelibus suaviatones accipit. Deinde reliquias notabiles ex sacro ipsius asseruat corpore; brachium nimirum, & digitum quem piscis voraverat; cineres item sacros, & tumbam primævam, quam ad latus aræ Divi STANISLAI, quatuor genij cælites ex alabastrite, æmulo Praxitelis formati cælo, sustentant. In sublimioribus parietum spatijs grandiores videre est tabulas vitam ac mortem inclytī Tutelarīs Apellea effictam arte exhibentes & iucundis intuitum oblectantes parergis. Gratosum sane spectaculum nec nisi illis invisū qui *Hipponam & facies olida ad præsēpiā pictas* quā sacras *Iuvenalis.* effigies spectare malunt. Habet præterea pinacotheca Rupellana marmoreā D. STANISLAI mensam citreis & acernis Romanorum stibadijs pretiosiore, Delphico tripode Diviniorem, & (ne fuco gentilismi sacra contaminare videar) trapezā legali ex lignis Sethim facta atq; auro purissimo obductā sacrationem. Quidam sigma citrinum auro præferre non dubitavit:

VITA SANCTI STANISLAI.

*Accipe felices Atlantica munera sylvas :
Aurea qui dederit dona, minora dabit.*

*Mar. inXe
mÿs.*

Vero verius est, quævis chrysendeta si cum tabula D. STANISLAI in contentionem veniant, viliora esse. De hac quondam Andreas Trzebicki, Episcopus Cracoviensis, veniens, quod illustria quæq; Orbis Poloni factitant nomina, devotionis gratia ad gloriosi monumentum Martyris, sedulo ex nostris inquisivit Patribus: monstratamq; sibi in quatuor angulis deoculatus est adiiciens eximia ipsius encomia. Hæc, inquiebat ille Patribus astantibus, hæc mensa est Sancti STANISLAI in qua DEO Omnipotenti hoc in loco sacrificavit, quam lachrymis pro Conversione Boleslai fufis, & demum sanguine suo ad eam cæsus resperfit. Crescit & inde amplitudo loci, quod universi Reges Poloniæ, antequam diadema in solemni coronatione accipiant, prius ex more institutoq; veteri, pedestri gressu inter frequentissima populorum examina illuc veniant, Boleslai culpam propria diluentes pænitentia. Locus insuper ille ex thesauro meritorum Christi abunde spiritualibus divitiis locupletatus est. Nam præter indulgentiam. 20. annorum & totidem quadragenarum, varijs festivitatibus adnexam, etiam singulis ferijs sextis indulgentiam unius anni & quadragenæ lucrantur fideles Rupellanam visitantes Ecclesiam, si peccata sua vere confessi fuerint, & auxiliatricem, ad augendum Ecclesiæ eiusdem decorem, porrexerint dexteram iuxta tenorem bullæ Iulij Papæ secundi, Sixti, aliorumq; Pontificum. Taceo uberes alias indulgentias, ratione confraternitatis Sancti Angeli custodis Ordini nostro à Sede Apostolica incorporatæ Ecclesiam prædictam ditantes. Hinc fit quod Rupella, maxime post festa Dominicæ anastasis à con-

à confertissimis agminibus exolvendæ gratia devotionis qualibet feria sexta frequentetur. Honorem famamq; loci vel maxime augent miracula, quibus, ut docui, coruscant. De illis Romanæ Apostolicæ Cathedræ, nisi tædet, audito testimonium: *Ad Ecclesiam Sancti STANISLAI extra muros Cracovienses Ordinis Sancti Pauli primi Eremitæ, omnes fideles regnicole, ob crebra miracula quæ in ea operatur altissimus singularẽ gerunt devotionis affectũ.* Ita fixus Papa in brevi incipiente: *De salute gregis Dominici.* Memoratam toties Ecclesiam regunt religiosi Ordinis Sancti Pauli primi Eremitæ, quos sepulchri sui custodes a duobus & amplius seculis Divus STANISLAUS elegit. A Ioanne Longino Nominato Archiepiscopo Leopoliensi Canonico Cracoviensi ad eam Anno 1471. introducti. In vim gratitudinis tanti beneficii sequenti Anno Ioannem cum D. Casimiro totaq; regia domo Iacobus Poloniæ Provincialis in confraternitatem Ordinis adscivit.

§ VII.

Ecclesiæ Zembocensis referuntur decora.

ETIAM Ecclesia Zembocensis 4. levcis Cracovia distans eximijs memoriæ ac favoris D. STANISLAI refugit monumentis. Primum est pileolus.

*Velleribus primis Apulia, Parma secundis
Nobilis; Altinum tertia laudat ovīs: cecinit Poeta.*

Dixerim ego, velleri Zembocensi primam deberi gloriam quod à capite Sancti Martyris nobilitatem traxit. Pileus libertatis insigne dicitur quam multo comparavit pretio ille qui locutus: *Totis pilea sarcinis redemi.* Zembocense

böcense galericulum equidem signum est ut vocant præticum libertatis quia assertionis & duro morborum dominio operatorium ut proinde non possit ditissimis & gallaico rubentibus metallo æstimari sarcinis. Hieronymus à Paulino Antiochenæ vrbis Episcopo donatus caputiolo gratias referens: *Pileolum inquit, texturâ breve sed charitate latissimum libenter accepi & munere & muneris auctore latatus.* Sane pileolum D. STANISLAI, textura breve sed charitate latissimū est. Plurima namq; charitatis specimina per illud varijs exhibita. Alij contactu eius a dolore capitis liberati ut Samuel Korycinski Pincerna Cracoviensis: alij à surditie ut Michael Iachimowski, & Albertus de Grembocin: alij ab ophtalmia ut Agnes Cracoviensis Mulier, filia item Zophiæ Kużerowna: alij à febribus ut Christina Pieglowska, & Anna Kortynis. Accepti ab his beneficij recognitionem cum annorum expressione votivæ loquuntur ipsullices ad aram Zemboçensem pendulæ.

Mart:

Grande loci meritum testantur & altera dona.

Solemne sanctis est non animi duntaxat sed manuum quoq; vacare exercitijs. Quomodo enim lætæ segetes & uberes agri interdum culmis aristisq; luxuriant: ita præclara ingenia & mens plena virtutibus in variarum artium laborumq; redundat elegantiam. Surculos truncis inferere, areolas componere, arbores in unguem disponere, Xystum fabricare multis fuit estq; hodie otium negotiosum. Etiam D. STANISLAUS eo tempore quo, ut fama verax constanti seculorum sensu firmata fert, factus Presbyter Ecclesiam Zemboçensem Parochialis ministerij iure & officio rexit, plantavit in cæmeterio eiusdem tiliam quæ nunc

quæ nunc patulis diffusâ ramis, totum folijs ut est natura huius arboris, in angulum acutiorem rotundioribus ac prolixioribus, in orbem verò, lente crispis ac seratis opacat locum. Altitudine & latitudine vincit *daphnionis*, *platanos*, ac *aerias cyparissos*. Florem tiliagneum aiunt curandis prodesse morbis. Maioris memorata arbor virtutis: quia non solo flore ast & folijs & termitibûs medicinalis; ut vulgus experitur devotum. Ex arbusculis si potissimum miraculose calyculos floresq; turgentibus proferant gémis, insoliti præsagium eventus sumitur. Sic plâ-tata à B. Luca Nostræo tilia ac repente frondescens, victoriæ quam fatidicus Vir Ludovico Hungarorum Regi prædixerat, divinatrix & prænuntia fuit. Sancti STANISLAI arbor brevi in tempore non absq; prodigio à caudice in altum porrecta frondibusq; ac folijs vestita, Divum ipsum Martyrij decorandum laurea portendebat: & nunc dum ramorum longe lateq; protendit brachia, paratam omnibus præsentemq; ominatur authoris sui protectionem.

Tertium est quod sequitur. *Pudet dicere & tamen dicendum est*, exclamat sacri nominis Doctor, *Nobiles femine vilissimæ conditionis hominibus & servulis copulantur ac sub nomine religionis & umbra continentia interdum deserunt viros Helenæ, sequuntur Alexandros nec Menelaos pertimescunt*. Impletum vaticinium istud ea tempestate qua mulieres Polonæ prolixiore coniugum in Russia cum Rege commorantium absentia abusæ, non contentæ secreto dedecore libertatem in procacitatem verterunt & famulos terosulos pro maritis contra honorabilis coniugij iura acceperunt, hybridæ ex eis suscepturæ. Non omnibus tamen macula hæc nullo nitro, nulla fulgonum eluibilis adhasit herba. Inter constantes & tori immaculati honorem custodientes Matronas prii cipem

*Annales
nostri lib:
2. cap: 15.*

*Ad Gaudē-
tium.*

VITA SANCTI STANISLAI.


tenuit locum Margarita in Zembocin Comitissa. Hæc in turri Ecclesiæ adnexa toto illo absentia maritalis spatio instar Iudith orabat, instar Deborah floribus scripturarum pascebatur, instar Mulieris fortis operata est consilio manuum suarum. Non cerussa & purpurisso pingebat faciem, non oculos stibio fuliginabat, non graves censibus uniones ad ornatum adhibebat, sed simplici quod honestarum est contenta cultu Divinis non humanis placere studebat oculis. Asella Romana exemplum pudicitia & insigne virginitatis vocata est: Margarita nostra insigne matronalis castitatis profectò meruit appellari. Tuum id opus Divinissime Præsul, tuarum fructus orationum & lachrymarum. Plangebamus enimverò Regem Boleslaum velut Samuel Saulem, plangebamus populum velut Paulus Corinthios: & crebrò Diocesis tuæ circumiens territoria ad salutis viam revocabas errantes, recto autem calle gradientes in sua rectitudine qua verbo qua exemplo firmabas.

Mart:

*Te igitur pia tura rogent, te vota saludent.
Purpura te felix, te colat omnis bonos.*



C O R O-



C O R O N I S

Vereor ne ex convivio spirituali gratiarum Divi STANISLAI lectioni tuæ aut verius pabulo animi tui expositarum discedas ieiunus. *Non enim, ut, ait, Hieronymus ad Marcellam suaves sunt epulae quæ placentam non redolent quas non condit Apicius in quibus nihil de magistrorum huius temporis iure suffumat.* Pinguem quidem & opiparam obtuli materiam; at quia verborum pigmentis non satis condita, non facit forsitan ad stomachum. Igitur ne integra fame abeas, saltem analecta delicatiora fastidire noli: & quæ ex dictis discenda eruam, tanquam sportellas & artologanos habeto.

Exercitationes & virtutes Anachoretarum magnificis extollens laudibus Rufinus insigni illo usus est epiphonemate. *Quis dubitet meritis Sanctorum adhuc stare mundum?* Non dubito, non inficior meritis Sanctorum adhuc stare mundum. Prædum ruiisset & in antiquum rediisset chaos nisi à Sanctis succollaretur: dudum in dehiscientis telluris viscera collapsus fuisset nisi patrocinijs cælitum velut firmissimis fulciretur columnis: *non circumfusopenderet in aere tellus nisi eam tribus appensam digitis, indigetum orationibus placatus teneret DEUS.* Quod generaliter de orbe universo dictum est, nihil veritat de Orbe Polono dici. Quis dubitet meritis Sanctorum Patronorum adhuc stare mundum Sarmatiæ, potissimum verò meritis Divi STANISLAI gloriosissimi Tutelarioris nostri. Liqueat ex libello ad cuius umbilicum perveni, maiores & minores Poloniæ Ordines omnesq; & singulos eius vernaculos curæ esse sancto STANISLAO &

In prefationes ad vitam Patrū.

Ovid: 1. Metamorph.

Polonia stat meritis D. STANISLAI.

fofpitatem cunctorum ab eo vel fervari vel refarciri. Duo sunt quæ mundo corruptionem ac interitum accerfere valent, morbi & peccata: morborum quanta fit in mundo feges, nemo eft qui non videat? quot homines tot variorum feminaria languorum. Morbi quoque ipfi propter peccata ut plurimum contingunt, quemadmodum ex Ioannis 5. & aliunde liquido conftat; quantis porro & quam crebris mundus & uniuersalis & Lechicus nofter fcetet peccatis? Per hæc & propter hæc,

*Viſta iacet pietas & Virgo cade madentes
Vltima caeleſtum terras Aſtraa reliquit.*

*Regnum
Poloniae re
ligione
ſtat.*

Mundus immundus ſentina eſt ut peccatorum ita & morborum. Utrumque malum, everſioni Sarmatiæ occurrendo, avertit Beatus STANISLAUS ut opusculo hoc vidisti. Illius igitur præſidio nixa Polonia, ſecura conſiſtit nec lapſum quem promeruerat pertimeſcit: Habet Atlantem ſuum in cuius humeris tuta reſpirat. Ludat ut vult ſtolida procacitate vulgus, regnum Poloniæ diſordine ſtare. Equidem animatum non eſſet ſi anima rerum careret ordine: putens cadaver eſſet, ſi quo cuncta vivunt vigentque imperia, deſtitueretur ſpiritu. Dicam ego nec ludens dicam, ordinatiſſima ad Superos religione Poloniæ ſtare. Maior nuſquam ad Divos pietas, ſacrorum reverentia, templorum nitor, jeiuniorum rigor, in domos perſonasque ſpirituales munificentia proſus nuſquam tanta. Vicem proinde reddit cælum & tutamine ſuo declinem alioqui in præcipitium, & ruinas minantem patriam ſervat, ut non concidat quæ tanto ſtudio Superos colit. Diſcis itaque Divum STANISLAUM quia duplicem illam cariem e Regno Poloniæ eiſcit, ſervatorem ipſius eſſe.

Alterum

Alterum est quod discas, præsidium Divi STANISLAI latissime patere & ad omnes depellendas infirmitates sese porrigere. S. Nicolaus horribiles concitati maris serenat tempestates. S. Valentinus morbum frangit herculeum. B. Rochus epidemiam curat. S. Apollonia acutissimos dentium mitigat dolores. B. Cuno noster herniosis succurrit. Demum varij Tutelares privilegiatam à DEO contra varios morbos nacti sunt potestatem: at D. STANISLAUS ad omnes languores depellendos gratiam accepit universalem. Quàm verum illud Ecclesiæ in laudem eius occinentis:

*Virtus D.
Stanislai
adversus
omnes pro-
miscue in-
firmitates.*

*Cuius ad tactum annuli, morbi fugantur turgidi:
Ad locum sancti tumuli, multi curantur languidi.
Surdus auditus redditur, claudis gressus officium,
Mutorum lingua solvitur, & fugatur demonium.*

Inde est quod a solemnī insertionē Nominis D. STANISLAI in indigitamenta, sacrorumq; ossium ipsius sublevatione, frequentissima usq; hodie honori eius in regno orthodoxo fabricantur templa, Oratoria, altaria. Ea eo tempore, ait Longinus tract. 3. c. 9. in regno Poloniæ in singulis Diœcesibus in plerisq; Urbibus, Oppidis, Castris, villis, Ecclesiæ Parochiales, Conventuales, Collegiata, altaria, præbendæ in honorem titulumq; atq; decus B. STANISLAI fundatæ, dotatæ, & erectæ sunt, & usq; in præsens eriguntur. Nec finibus regni pietas hæc terminatur; etiam in Vrbe & Orbis diversis partibus sese explicat.

*Templa D.
Stanislai
honori fre-
quentia
eriguntur*

Discis insuper quo honore reliquias Sanctorum habere debeas cum DEUS cineres Sancti STANISLAI tanto opere honoret, & in præsentia eorum miracula facere non

Cultus reliquiarum sacrarum probatur.

cesset. *Et verò si paterna vestis, ut ait D. Augustinus libro de Civit DEI, & annulus ac si quid est huiusmodi, tanto carius est posteris, quantò erga parentes maior est affectus: nullo modo ipsa spernenda sunt corpora quæ utiq; multò familiariùs atq; coniunctiùs quàm qualibet indumenta, gestamus. Ex quo patet, subiicit Doctor Angelicus, quòd qui habet affectum ad aliquem, etiam ea quæ de ipso post mortem relinquuntur, veneratur; non solum corpus aut partes corporis eius, sed etiam aliqua exteriora, puta, vestes & similia. Manifestum est autem quòd Sanctos DEI in veneratione habere debemus tanquam membra Christi, DEI Filios & amicos, & nostros intercessores: Et ideo eorum reliquias qualescunq;, honore congruo in eorum memoriam venerari debemus & præcipuè eorum corpora quæ fuerunt templa & organa Spiritus S. in eis habitantis & operantis & sunt Corpori Christi configuranda per gloriosam resurrectionem. Vnde & ipse Deus huiusmodi reliquias convenièter honorat in eorù præstia miracula faciendo. Hucusq; S. Doctor 3. p. q. 25. art. 6.*


Discis deniq; quod quanquam virtus signorum non arctatur loco: & ubivis gratias sanitatum impartitur D. STANISLAUS, tamè locum Martyrij sui specialibus nobilitaverit prodigijs & usq; in præsentiarū nobilitet. Docèt exempla quæ legisti: docèt fulcra variorūq; simulacra membrorū è metallo aliquo fusa aut conflata vel certe ex cera facile ductili formata: docent votivæ bractæ tabellæq;, quarum vilem ne putes auctoritatem, utpote quibus antiquitas ipsa vim motivam fidei credebatur inesse. Cicero de natura Deorum: *Nonne, inquit, animadvertitis ex tot tabellis pictis quàm multi votis vim tempestatis effugerint.* Et Hosius purpuratus pater vigere in Ecclesia DEI miracula ab initio usq; ad id tempus ex tabellis eiusmodi probat dum ait

dum ait: *Quibus & quantis miraculis inchoata sit auctoritas Ecclesie nostræ, non ex annalibus modo scriptis, verum etiam ex tabellis & cereis quibusdam simulacris ad sepulchra martyrum nostrorum appensis videre licet.* Docent profecto hæc omnia quòd quisquis infelix adstitit ante Divi STANISLAI sepulchrales aras, protinus infelicitatis ærumnas in faventioris fortis mutavit solatia: quisquis morbosus dum cataplasmata & narthecia amaræq; pharmacopæorum potiones nil juvant, huc voto aut re confugit, natura stupente sensit se relevatum. Si tam saxeus es ut his ad credendum non moveare, periclitare ipse, accede supplex ad tumulum: & vel a dæmonio mundaberis, vel à morbis expedieris, vel ex asperis miseriarum salebris erueris. Expertus & ego in cineribus inclyti Martyris vitæ & valetudinis melioris latere semina. Altari eius adgeniculatus vix ægritudinis medelam petij, quum obtinui. Cui proinde votivam hanc opellam unâ mecum dedico, illud grata mente ceris nunquam abradendis inscribens distichon.

De traditionibus humanis.

*Vita fuit languens: in opem te Dive vocavi,
Munere me fateor convaluisse tuo.*

F I N I S.



ERRORES TYPOGRAPHICI.

- Folio 4. Versu 8. chrtsoft: lege Chrysoft:
 Folio 7. versu 1. quærela lege querela.
 Fol: 8. ver: 16. adolescentem (adde) ad apodyteri-
 um extraxerunt. eodem versu ceciderunt lege cæciderunt.
 Fol: 14. versu 4. raptuq; lege raptusq;
 Fol: 15. versu 21. inductarum lege induciarum.
 Fol: 18. versu 11. agebat lege aiebat.
 Fol: 19. versu 1. illis orimatur lege illiso rimatur.
 Fol: 20. versu 16. claustris poli, Poloni lege claustris,
 poli Polonis.
 Fol: 27. versu 4. solus lege folijs.
 Fol: 36. versu 20. nasum lege nasuti.
 Fol: 35. v: penultimo applicando l. sputum applicando.
 Fol: 39. versu 8. una lege uno.
 Fol: 40. versu 24. satisfaciens lege satisfaciens.
 Fol: 48. versu 13. ager lege agger.
 Fol: 51. acri lege Argi.
 Fol: 53. excussit lege exussit.
 Fol: 56. versu 15. culpa heliciariorum lege culpâ
 helciariorum. Fol. 63. ver. 17. padedris l. paredris.
 Fol: 64. versu hypocondiaem lege hypocondriacam.
 Fol: 73. versu 10. volæ lege volâ.
 Fol: 78. versu 1. non iam lege non tam.
 Fol: 80. versu 16. coniunge lege coniuge.
 Fol: 82. versu 17. perlonga lege præ longa.
 Fol: 92. versu 9. seropha lege scropha. eodem
 versu catæplasmate lege cataplasmate.
 Fol: 95. versu 23. media lege medicâ. versu pe-
 nultimo nitot lege nitor.
 Fol: 96. versu 19. indilapsi lege in dilapsi.
 Fol: -100. ver: 10. fixus lege ficus.
 Fol: 101. ver: 4. resuspiniatio lege resupinatio.
 eodem fol. vers. 6. deoculatus lege deosculatus.

BIBLIOTHECA UNIV.

JACOBUS

Petruszewicz zaminski mla.

Wydawnictwo Naukowe



81270010278

